

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ


МяхИяммад-Салам Умахановлис - 110 дус



6/2018

ноябрь - декабрь

Расул Хамзатовлис - 95 дус





Гьалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство печати и информации РД

РУКОВОДИТЕЛЬ - БЕКИ РЕДАКТОР
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
XI. Кьурбанов (журналла редактор)
Кь. Мигърабов
Т.СягИдов

ЖАМИГИЯТЛА СОВЕТ
А. Гябдулманпова
И. Ибрагъимов
Ш. МяхИяммадов
Х. ХИябидова
Х. Юсупов
И. МяхИяммадов

6
2018

ноябрь - декабрь

Кел бази гьачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:
РАСУЛ ХІЯМЗАТОВЛИС 95 ДУС

Расул ХІЯМЗАТОВ. Чакас чака биклар.....3

П О Э З И Я

Къасум-Бег МИГЪРАБОВ. Юлдаш МуртазагІялис.....10

П Р О З А

ИбрагІим ИБРАГІИМОВ. ЦІализиб ва хІилизиб.....12

Хадижат ХІЯБИБОВА. Чарбухъни.....40

П О Э З И Я

МяхІяммад ТАХСУРМАНОВ. Юртла къакъбахъ.....51

Тавсултан СЯГИДОВ. Хъулкис чІала бакІиб.....55

НАСРУЛЛАГЪ ГІЯМАРОВЛИС – 70 ДУС

Насруллагъ ГІЯМАРОВ. Назмурти.....58

МутІалим МУТІАЛИМОВ. Назмурти.....62

НУШАЧИР ГІЯХІЛАДЛИ

Къумукъунала поэт Супиянат МАМАЕВА Назмурти.....67

ГІЯЙША КЪУРБАНОВАС – 60 ДУС

ГІяйша КЪУРБАНОВА. Назмурти.....72

Хадижат ГІЯМАРОВА. Назмурти.....78

ОЧЕРКУНИ

МяхІяммад ТАХСУРМАНОВ. Гъундурала хІурматла хІянчизар.....80

Имин МЯХІЯММАДОВ. Чичила лукІусив?.....84

Нурулгъуда РАЖАБОВА. Къадила Хадижат.....87

КРИТИКА

Аминат ГІЯБДУЛМАНАПОВА. Пагъмула машгъурдеш.....90

ПагІимат МАЛЛАЕВА. Замана ва нуша.....94

Регистрационный номер ПИ №ТУ05-00369 от 23. 12. 2016 г.
Выданный управлением Роскомнадзора по Республике Дагестан.

Типография: ООО «Издательство «Феникс-пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №6 2018 г.

На даргинском языке

Выход в свет 3.12. 2018 г. Тираж 302 экз.

Заказ №299 Цена свободная.

Печать офсетная. Бумага офсетная.

Формат 70x108 $\frac{1}{16}$.

Усл. печ. л. 8,4.

Усл. изд. л. 8,7.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

Расул Хиямзатовлис- 95 дус

РАСУЛ ХИЯМЗАТОВ

Вегли дерклибти гЯмрулизиб бегЛара гЯхIсигъуна чIумабахъубли, им-цабахъубли вегЛа баркъ-бацличил гIелаб батес хIяжатбиркур. Наб гъанбиркуливан, ил шайчир нушала бегЛара вайти душманти сари – къяна, уктемдеш, вегIличила гап-чяхI. БегЛара гЯхIти юлдашуни – хIяя, хIялалдеш, бархъдеш.

Бархъдеш биэс хIебирар я камсили, я халасили, гIяхI-сили яра – вайсили. Бархъдеш ил бархъдеш саби. Ге, ил биэс бирар къяркъсили, къутIкъусили, асубирар илини чи-биалра гымукIахъес, вяхъес, ил бархъдеш селилра барсбарес хIейрар, селизилра гъудурбарес яра муръибарес хIейрар. Сегъуна-дигара къянали чегIявабарадлира, къуллукъунани лямцIбухъахъадра – бархъдеш нушала рухIла шайчибси давлала хъулчили кавлули саби. РухIла шайчибсицуна ахIи.



Улкализир кадиркути сагадешуни нушани къабулдирулра. Сунела къуллукъличил пайдалавирули, законтI дулъуси министр хIянчилавад увкайсухIели, рушбатунI сайсни ва шилтахъ багъандан вузла ректор судлизи видлугухIели, гъар секIайс чучи лайикъти уми айхъухIели – илизир нушани бархъдеш чедибиркнила лишанти чедиулра. Ленинградлантачил гъунивиули, нушала партияла руководителъли бурибсири: «Адабла шайчирти чула къилликъуни нясдарибти, дацIти гъайличил – пугъличил, тамяхIкардешличил чули саби нясбарибти адамтас жаваблати къуллукъуни дузахъес ихтияр хIебирар» или. ИтхIели лебтанилра цауркIли ил гIевуцибсири. СенкIун асухIебирар умхIи мургъила улибхъаличиб башахъес, гъарли-марти, гIяхIгъубзначи эмхIела ургъур – мухта чебирхъес. АсухIебирар бархъдешла тIама цурмала хур-хурли ва чIичIлумала чихъли билшахъес.

Гъанна нуша дарсдешунас разили гъунидаъни баибси ахIен. Нушазивад гъарилличи чебси саби дарсдешуни гIердурцес. Амма наб ишаб ца секIал бурес дигулра: гъайличил сагати дарсдешуни, пачалихъла органтазир хIялалдеш гIердурцули, нушала нуша дегIти гIямру, баркъ-бац гIяхIла шайчир дарсдарес къалабахIедикIутили урхIедухъишара? БурахIелли, вегIла предприятиебала, шагъарла, вегIла республикала? Заманала дарсдешуначи, хIуни бурцуси къуллукъличи хIу лайикъли сайрира ибси суал акIалли, илис бархъси жаваб

гес адуцала даэсара? – «Виишира хІуни гъаннала дарсдешунас жавабкардеш дихес?» ибси суал акІес асубирар. КъантІли буралли, нушаб багъес чебиркур нуша къалабали гъаладяхІ дашахъес сели кумекбирул, диргалабулхъуси гъалабиз се сабил балес. Дарибти хатІаби гъардирули, илди гІур тикрархІедиахъес багъандан арагІер гІямрула опыт сагадан хІербарес чебиркур – жамигІятла ургабсира хъалиціализибсира.

Леб нушала ургаб адамти гъар секІал цІудар-цІяблицун чедиути, леб цархІилтира – жагасицун чебиути. Нуни ургабси чеббиркІултра. Вайсира гІяхІсира декІардарес багъандан нушаб чебиркур жавабкартили дирес. Гъар секІайзиб цІудара дамгъацун чехІебиэс яра гъар секІал цІубдирес асухІебирар. Обществота чебетаибдеш-бикъурдеш нушазивад гъарилла чеветаибдешлизибад дигахъу. Иличила сайра ну пикриикІуси.

Гъар чинабалраван нушала дубуртазирра колхозуни кадилзахъулри. Дубурланта маслигІятбарибсири диркъала мераначи гечбиахъес – илаб яшав барес, сагати гІямру делшес гъамадлири. Амма дубуртазирра сагадешуни алкІулри: сагати гъундури дирули, цацадехІ мераначир радио, шинна проводуни дакІудухъун. Илди дарсдешуни къанниван сарри акІубти. Гъачамлис дубурланта гІямру къиянтили кавлулри...

Бархъли бурахІелли, гечбиэс хІейгутира камли ахІенри. «Каниличила къайгъила бегІти диркъаличи гечбиуб: уркІбачила къагъила бегІти ишаб кавлан», – бикІутири гъести гІямрула дубурланти. Амма цацабехІтала дурхІни диркъаличибяхІ хІербикІулри. Шагъуртази арбашулри. ЦацабехІти гІяхІти къасаначил бучІес, бузес; цархІилти – кункти гІямру даргес. Амма илдазибад цабехІалра дубуртази гІелабяхІ чарбулхъули ахІенри.

Дубуртазиб – адамти, диркъаличиб – бахъал халкъ... ГІяхІси баркъуди пикрибарибсиригу, илцад-декІар гапласили убхІебухъун. Мурталра-декІар гІяхІси къаслизибад гІяхІси жуз дурабулхъули хІебирар. Мурталра-декІар урехила ласбулхъ гъунила хъарахъудли хІебирар. Умут бетахъахъес асухІебирар урехила къячІикІла-ласбулхъла итил шайчибра гІяхІси гъуни даимбирниличи...

ИшбархІи Цудара гІянжила ахІенти ванзурбачиб халаси сабухъ касести тяхІурти даргес, шила хозяйство гъалабяхІ арбукес дирути къайгъначила бучІули, разити пикруми алкІули сари: илди «каниличилацун» ахІенну, уркІбачилара къайгъни сари или. Илдигъунти къайгъни нушала Дагъистайчилара, сен сарил дархъкадатурти ва чучила хъумкартурти цархІилти мер-мусаличилара диэс гІягІинити сари. АсухІебирар адамтала гІямру хала бегІтала мер-мусаличирад ардашахъес. АсухІебирар сири гардбирули калунти мер-мусала къел-хІерзи детахъахъес.

Вархъли гъайикІалли, цацадехІ шимазир дархъдатурти хъулри сагадан сагадирули сари. Амма, хъулри сагадирули къутІдикІути барднала гІамрани мурталра-декІар лихІби разидирахъули ахІен. Улкъайтала шалати шишнанира гъарилла-декІар хІулби разидирахъули ахІен. Чилра хъалчличи чевяхІулхъули ахІен – гъарахъли, закибяхІ хІерэс: агарал чучи адамти бахъхІи хІерти маркалра? Яра Гъунибла дубуртачибяхІ – Дагъиста къаркъала уркІилизиб паргъатдеш лебал багъес. Яра шилизи лябкъуси гъуйчи хІерэс – агарал чучи лявкъули чула вахъхІила гІяхІял?

Суал алкІули бирар: илизив хІу хІерхІейрули виадли, селис хІяжатси хІед шилизиб хъали? – «Ца ити, рахли хІяжатбикалли», – иргъулра жаваб.

**«Селис лехІлири хІу, бархъбатурси юрт,
Яра ну къяийчил сайрав валуси?
Дудешла някъбани белшунси юрт,
Сен хІела арцаннис гъунихІебиуда?
Къаркъуба жаваб гиб: «Багъи ахирра,
Белхаагар арцан, рахли гІяхІялван,
ГъаббакІадли бегІтала бурхла уди,
Нушаб илаб села разидеш леба?»**

ГІяйнирти гІяргІнала ургаб уктемли къунзбикІуси чІака – ил чІака ахІен. Ургъурлизи буцили, сагализиб гІяйбикІахъуси къяцас пурс къяца викІес хІейрар. Аквариумлизибси форельлис – бялихъ викІес хІейрар. «Сен биалра, рахли хІяжатбикалли» или барибси юртлис-декІар вирару вегІла юрт викІес? Дила хІулбала гъалабизур хапли илдигъунти «хІязлис, ца ити дарибти» юртанала ши – селис хІяжатлив гъункъяс илгъуна шилизи ухІнаулхъес, хъуравирес? Селис хІяжатли дубуртазиб илдигъунти юртаначилси ши – илизир мицІирти жан хІердирули хІедиалли?

Гъанбиркахъис виштІали вирухІели шилизивад арукили, халаваибхІели ила чарухъунси уршиличила ца хабар. Иличи чегъурли сари чаргас журала палтар, вайлиу бигъи ханжалра. Илизи бикІули саби: хІеризи гъари, сен жагали гъаббикІулил дубурла гІелабад берхІи. Жагаси ахІену? ХъуцІрумира зинкІдухъахъи, ил викІи: «БерхІи гъар чинабалра жагали абулхъан». Илизи бикІи: «Гъари, хІеризи заки, сен жагалил икІ, сен ахъли арцуртил чІакни, сен жагатил илди! Илини къабулли жаваб луги ва чебирцІахъи: урцути арцанти гъар чинаралра жагати сари.

КъантІли буралли, алавти гъар секІал илис урхІлати сарри. ИлхІели илала рухъна неш, ил виштІахІели дучІули калунти гардла далуйти дучІес рехІрихъиб. ИлхІели илис гъалабизур, мурхъси къадалабси гІинзирад шин лерхули чаррулхъуси нешла бамсурси сипат, гъандикиб ванаси къацІла бутІа гъалабуцили, пишрирхъуси нешла шалати хІулби: мурхъси гъигъра абатурли, илини багъур чула анкъилабси цІала лами, анкъила тІем. Ахъдуцили хІулбира, сагадан хІердариб алавчарти дубурти ва аргъиб, сен къуваттил ва ахътил илди; аргъиб чяхІ-чяхІила жагати макъамти ва илдани чучил дарх дихути гъягъяла ихтилатуни. ХІулби ахъдуциб, чебаиб дубуртала чедиб жагаси хъанцІа зак; ханжа ар буцибхІели, илис гъанаур гъарли-марси дубурланна ярагъ сунела някъличибад чедиберхурсиван. ИлхІели илизир уршила диги черсаргъиб, уркІила хІялани, рухІ. Нешла далуйтани илала уркІи сунечила ВагІа къайгъна бицІахъиб.

Ил хабар гъанбиркахъули, ну пикриикІула «ца ити, хІяздан»... дирути юртаначила. Мурт ва чи чарулхъана ила? Зайдулхъану илар нешла гардла далуйти? Нешхъали-дудешхъаланира дархъдатурли диалли илди юртани, чис дучІа илар гардла далуйти?

Дубурти дархъдатурти дубурлантас гъамадли ахІен гІелабахІ ила чарбухъес. Амма ну вирхула – шуртІри акІахъалли, чаррабулхъан ила дубурланти.

Дила хІулбала гъалаб гІилму республикализиб гъалабахІ арбякъун. Ил Советунала улкала миллатласи политика тасдикъбарнила лишан сабри. Ну гІилму гъалабахІ башниличи къаршили ахІенра. Амма лебрира хІяжатдеш

нушалаван диштIати республикабазиб илцадра хъярхъли илцад гIилмула учреждениеби аклахъес? Яра ил камти миллатуначила имцIали къайгъи дакIубирни сабив? Халаси хъалибарглизиб бегIлара биштIати бегIлара дигутили бирар, хIяракатбиру илдас имцIали се-биалра барес, цацахIели илдас хIяжатсиличиб имцIалира бархли.

Лер нушала дахъал гIилмулати лабораторияби, амма мягIничерти хIял-умцIлаби дебали камли сари. Иличи хIерхIеили, диссертациябала бегIти бахъбикIули саби. ИшбархIи нушала кандидатуни-гIялимти илцадра бахъал саби, хIятта дургъбас гъаларти дусмазиб нушала илдицад чебяхIси даражала багъудиличилти бирути ахIенри. Кандидатла даража гIилмулизи ухIнайхъ-нилис гIяхIси ганзухъли бетарули саби. ЦацабехIтани «ца хIязлис – сен хIяжатбикаллира» или юртани дирухIели, цацабехIтани диссертациябира илкъяйда лукIули сари – «белики, запаслис хIяжатдикес». Белики, сай узуси хIянчиличивад акъуваталли, гIилмуласи учреждениелизи укъес вирар... ХIера, илкъяйдали имцIабикIули саби кандидатунала лугIи.

Литератураличила гъайдикIахIелли, 35 дус гъалаб Дагъистайзиб лебти 12-15 поэт сабри. Гъанна даршани писательтала Союзла членти леб. Дагъиста поэзия МяхIмудла, С. Стальскийла, XI. ЦIадасала, Э. Капиевла умачил барх-басунси саби... ИшхIелла поэтунас къалаба-къалабали халкъла поэтуни биэс дигули саби. Амма вегIла даража званиебачил ахIи, гIяхIти багъудлумачил ахъбурцес хIяжатси саби. МяхIмудла хIябличиб белкIи саби: «МяхIмуд» или. Илини гъар секIал иргъахъули сари.

Кандидатла у сархнилира гIилмулизи ца гъатIи гIялим вакIни иргъахъуси ахIен. Илди гъар чинабалра бахъал леб. ГIягIнили саби гъарли-марси гIилму гъалабяхI башахъес. Кандидатла дипломла гIелаб се-биалра къадриласи баркъудира хIяжатси саби.

ГIилмуртала Академияла филиал – хIянчила гIяхIси мер саби. ХIурматла. ИштяхIличил ила бузесра башули саби. Сен хIякъуси? ГIяхIси мер биалли, ила хIу урцулира виадли? Амма мурталра-декIар илди гIяхIти мерани сари агарли чараагартти сарира? МажахIят. «ГIяхIти мерани» ахIи, хIяжатли сари гъарли-марси гIилму гъалабяхI башахънила базаби. Гъарли-марси хъулчи агарси мерличир вирхIейрар мягIничерти гъаргбаркъуни дирес.

Бурала: биштIаси хIеркIлис гъанарули саби, саби хала хIеркI саблван. Ил чяхIярбухъи, итмадан гъумлизиб бегъубли саби.

ЦацабехIти ахъли вявбикIар адаб-хIяяличила, хала бегIтала гIядатунала хIурматличила, амма чула баркъ-бац ургIерти сари – гъар секIал чус пайдалативан диру. ЦацабехIтани хала бегIтала гIядатунала – тухумдешла хIурматбирантала гIердирули, пачалихъла кисмазибад чула тухум-тайпалис къуллукъличи кабилзан: руководителти бетаалли, «гIяхIти мераначи» чула узби, хъубешуни, сукникъянаби кабалта ва хъалибаргунала къушумти ал-клахъу. Илгъуна анцIбукъли сецад зарал алклахъулил бурес хIяжатдеш агара.

ЦацахIели жагали гъайдикIули, гап-чяхIлизи ихъулра. Жагати гъайличир жагати баркъудлуми къулайти сари.

Наб гъанбиркули саби, сунени гъачамалра чехIебуцибси минтана гап-чяхI-бируси адамличи мешути ахIенрара нуша или? ИшбархIи миллатунала гIядатуначила гъай гъайлизирцун аргъес вирар, баркъ-бацлизир биалли илди гъарахъти сари.

Гъанна дубуртазирти гъундури дарсдиубли сари. Ила машинти дашули сари. Гъарахъти мераначи самолётуначив-вертолетуначив ваэс вирар. Амма бегІтачи башути дурхІнала гъундури челис-че къияндикІули сари. Ахърила бегІти дурхІни, отпуск беркІес багъандан, гъарахъти мер-мусаличи арбашули саби. Амма илдас бегІлара гъарахъсили ва къиянсили бетарули саби чула бегІтачи аркъуси гъуни.

Дубуртазиб наб бяхІигули бирар цунти бухънаби. Бара иргъуси тІамаличил илди чула дурхІнази, дурхІнала дурхІнази жибикІули саби: «Чинарраяв хІуша?» Амма илдала тІамала-жи шагъуртазибти дурхІначи биули ахІен. ДурхІнала дурхІначи – бекІлил! Илди чула саби бегІти къайгъназиб саби.

Илди саби арбукъес хъулхІебухъунал, яра илди «сен хІяжатдикалра, хІязлис» дарибти юртанас къарауйчиб батурал нуни хІебалас, амма илдала къисмат хумарси ва къяркъси саби.

Бурули бирар: «Бухънабала хІурмат хІебирутани чус къутІкъуси бухънадеш хІядурбирули саби.

Бухънабала хІурматбирни – дубурлантала бегІлара дурхъати гІядатуназибад ца саби. Даршдусмадли ил гІядат бузра бузахъусири. Наб гъанбиркусири, Гъунибла дубураван, илра белхъхІебелхъан или. Пахруличил бурес вирус, ил гІядат гъаннара ахъли къиматла бирниличила. Амма бирхарару набчи?

ХІера, умцантала ца шайчи белки буркъкабиубси кагъар кабирхъулра. Ил нешла нургъбани биркибси саби: уршиличибад бахъхІи кагъар агара... ЦархІил шайчи кадирхъехІе бухънабала пасихІти пикрумани бархъли хІер-бирахъес жагъилтас севан кумекбирулил ва жагъилтани бухънабала севан хІурматбирулил аргъахъес хІяракатлизибти нушала поэтунала ва прозаикунала жузала бекІни. Илдазибад чидил шали декІли биэсара? Бурес къутІкъули саби, нешла нургъбани биркибси кагъар декІли уббулхъан.

Хала бегІтала дурхъати гІядатуни хъумартнилис жагъилтачицун гІяйибти чедуршни бархъси ахІен. Илди гІядатуни ца гІердирнигъунти детарули сари. Чили-биалра цацахІели, сай айзурли, ухъна кайахъес мер биру, мурталра-декІар ил бирутира хІебирар; чичи-биалра гІякълу-насихІят дурахъес дугъаилзан, амма сунес дигусицун биру.

Дагъиста авал хІеркІли сунела шин урхІнази диахъу. Ца хІеркІли – дяхІила ахъти дубуртазирад шин кайсу, цархІилли – гІинзурбазирад, хІябэсилли дубуртала сагназирти вава-къарла аръа-маркализирад. Авэсилли – маркализирад дашути шинни чедирцІахъути. Амма илди урхънази даибхІели, лерилра гъудуркадирар...

Илкъяйда саби дахъІила гІядатуначилра. Жагъилтачила гъайдикІухІели, гъанбикесли саби, илдала гІяйибличибли саби нешани цІумбикІути или. Дудешуни шишимбикІути, бухънаби пикриагарли кавлути. Бухънабачила гъайдикІухІели, вецІани суалти жавабти агарли кавлули сари: сен чухусанбирути дурхІни? Сен мяхІкамбирути илди къайгъназибад? Сен бузерила дудешла урши азгъинсили халаваибсира? Сен бегІтала юртлизиб уршили кабихъибси цалра къаркъа агарси? Сен, бара халабаибхІели, дурхІни гъарахъли баткайути? Ца ита, ца-иша, ца-цархІил шайчи?..

Депутат сайливан, набчи цацахІели ца тиладиличил дудешуни дугъабилзули бирар: урши туснакълизи викили сай, кумекбара. Илдани дурутачи лехІихъули, пикрумази ихъулра: «ХІера, дудеш – зяхІматчи, фронтвик, ургъан. ВатІан багъандан жан ахІерахІедарили ургъусири. ГІур – лерти цІакъа-

ни харждирули, яшав барес узусири. Узусири дурхІни гІяхІил хІербиахъес, бучІахъес, агри хІебагъахъес. Урши биалли, къайгъи, жавабкардеш агарсили халаваиб, бегІтала мер-мусаличивад тїйдивариб, хІерудилиувад ухъун. Селичибли таманбиуба илала гъуни? Хъулкидешлизи, вайти аварализи ахъиб. Чи сая илдазивад гІяйибла вегІ? Уршила гъалав дудешу, яра дудешла гъалав – уршив?

ЦацабехІ жагїилтала хІяя чериргъули ахІен, цацабехІ бухънабала – пасихІдеш чериргъули ахІен.

Ца ухънани дубурланнизи суал бедили саби: гъалаб бунагъунас сегъуна танбихІ бирусири? Илала жаваб: «Ца кам-гъамси бунагълис дудешли уршилис гІярчимагли дирхъусири, халаси бунагълис – гІясали диркахъусири, уршили барибси цахдеш бирцес багъандан – ханжал абилтІусири».

Гъанна цализи цали суал лугехІе: гъанна аги сегъунав?

Нушачиб бикІули бирар: «Канилиу бикайчи шиннизи кацІадли, арагІев шиннизи ухІнавхъен». «Гавлагла хъар арзадли, пяхІдара иларти гъар секІал».

ХІебирару цацахІели анцІбукъ, гавлагла бухІнаб лебси ибси гъар секІал чебаахъес урузкІуси? Чедибад ил сагаси, умуси, жагаси саби, жагали бигъра бигъи саби. БухІнаб се лебара?

Дурхъаси гІядатличила ихтилат бехІбихъира, се пяхІбарира хунжазибад? Цункавхъунси дубурланничил, вархъватурси ухъначил гъуниваира...

Се леба гІурра дила хунжазиб, гІядатуначила буруси?

ГІяхІялдешличила. Лебри замана – гІяхІяйчил гъайикІни дигуси анцІбукълизи буйгІуси. Се чебаири, се бакъири, сели тамашавиахъубри, сели развиахъубри, сели къясиахъубри – гъар секІал цахІнар пикридирутири, гІямрула опыт гІебисутири. ГІяхІси къумур гъалабирхъусири. Хъулиб барибси дуббат лебли биаллира, гІяхІяйс сагали шанг чебилзусири, ил къанни вакІибси виаллира. ГІяхІял мурталра дигусили вирусире ва иличи хІерли бирутири. Гъаннара лебгІеб или хІебиаллира, аги иличи мешули саби. Амма, гъаларван ахІи, уркІила ванадеш ва пикри камдиубли сари.

Гъаннара бикІули бирар: хІерли дуэхІе халалличи. Чи сая гъанна халалгъуна? Гъалав халаллизи уйгІусири сунени дахъал хІуркІби ахъибси, дахъал дусми деркІибси, дахъал зубарти чедаибси. Гъанна биалли халал – халал къуллукъла вегІ... хІяким адам сай, илгъунала гъалар халахардеш сари...

Лебсири замана – унра дурхъаси юлдашлизи, гІяхІяйзи, хІурматла адамлизи халирусири. Унра агарли букес кабирути ахІенри. Ил цаибси гІяхІял вирусире. Гъанна биалли унра – бегІлара вайси душман, къаршикар ветарути анцІбукъуни алкІули сари. ХІела унра вайси виалли, хІедра гІяхІси хІебиру. Унрала къяй ниъ хІелугалли – хІу разилири. Унрас премия хІегалли – хІу разилири. Илала къяй дахъал ниъра лугули, сунени премияра кайсалли, хІуни иличила гІярза лукІулри. Илала дахъал тІама-гъама лер, бамсри ахъахъес диргалаулхъули сай, савли жявли илала къялра мябикІули саби, илала регІ къял бирзес алаврашули, бадира зянкъярбикІахъули сари, сай – хужаим-унра ахъли гъигъикІули сай...

Гъалар дирутири жинсани-ургар душмандеш. Гъанна – унруби ургар дакІудухъи сари. КІелра унра гІяхІил хІербирули саби, кІилалра уршбира

техникумтазиб бучули саби. Амма цацахели илдала пикруми алкули сари: се баралли гЯхИсира, унрала урши техникумлизивад дуравшахъес, дила биалли гьатИра ахъли учлахъес даимиахъес?

Гъанна диур. Барсбирехе нушани ганз. Урки-уркилавад вирхулра: Дагъистайзир лерал сегунтилла тамякардеш агарти гЯхИядеш, сахаватти уркиби. Гъанна лебал цаличи цали гЯрзаби хелуклути, чула бухИнаб уржибти унруби. Илдала дурхИнира цабехИличи цабехИ хъайчикабирули саби, клелра хала дудешли илдала дурхИнира чула някъбачиб хИязтабиркъахъули саби. Белики, бусагИятра, шагъарла чидил-биалра квартирализиб, хъа регли, столра жагали бизити берклумани баршили, унра живарахъес сунела мурул вархили ризе – бегИлара дигуси гЯхИял сайливан. Цалис цали жагати савгъатунира, мургъи-арцла ваяИра пешкешдирули. Нуни ишаб чучила бурути секлал бегИлара бекИлидиубти хИедисра асубирар, сенкун лер ишар цацадехИ хИейгести анцбукъунира. Амма илди нушала баркъ-бац сипатдирути нушала гИямрула бетуц сари. Илдачилара хИебурес хИейрар.

Нушачи Москвализивад вакИбси ца хИурматла гЯхИял дубуртази укъес ва урцути чИакни чедаэс хьулухъун. Амма, замана камси кални пикрилизи касили, дубургас гьаларти мер-мусаличи архИя дураберкИра. Иларра лер, ахъти хИедиаллира, дубура-къада. Илдани гЯхИяйчи асарбариб. Илини гъарахълир урцути халати арцанти чедаиб: «Илди чИакни сари!» – разивиуб гЯхИял ва разили шагъарлизи чарухъун.

Амма наб ашкарсири, илди мер-мусаличир чИакни хИедирни, ила мерладиублири къаллиргъанти. Илдачи сайри гЯхИял хИериклуси ва разивируси. Наб ил пашманиахъес дигули ахИенри, амма илизи нуни бархъдеш хИебурес хИейубра. ЦархИилван бизера хИебири: чИакасцун вирар чИака виклес. Асубирар къаллиргъантира жагали урцес.

Нушала гИямрулизир вайдешуни диэс асукИебирар. Ил багъандан нуни гъар секла чула уми айхъулра. Гъанна чИумаси дяви бузахъули саби нушаб гьаладехИ дашахъес диргалабулхъусиличи къаршили. Ил багъандан чилра ца шайчив калес асукИебирар.

Нушала гИямрула цацадехИ хасдешуначи къячдилкули, ишав ну гЯхИсилис гЯхИси, жагасилис – жагаси, вайсилис – вайси виклула. ЦархИилван виэсра хИейрус.

Гъарил бархИи нушаб – гИямрула савгъатван саби. Нушала гИямрула гъарил дус сабухъебсили биахъес чебиркур. Нушани нушала дусми гъанбикуназирра гИямрулизирра бекИлил сигхИебиубси даимси хазна сарливан калахъес багъандан. Сагал Дуслизиб наб дигулра гъарилла сунела гИямрулис – баркъ-бацлис сай разиагарси къимат гес дагъри даили, сенкун ишбархИила сунела гИямруличи разили паргъаткахИейубсили, жягИялла бархИи ишбархИилайчиб къулайсили биахъес хИейрар.

Вассалам, вакалам!

(1985 ибил дусла декабрьла 25-личибадси «Литературная гезатализибад» Нурулгьуда Ражабовани шурбатурси саби).

Поэзия



Дагъиста халкъла писатель
Къасум-Бег МИГЪРАБОВ

ЮЛДАШ МУРТАЗАГИЯЛИС

БегI гъалаб уркIиличи
ЛехIихъули саби бекI,
Дунъяли зугIлумани
Барили сабину декI.

Ишичиб лябкъуси дус
ГIяхIси лябкъян дикIули,
Ардашулигу гIямру
ГIяхIличи хъулдикIули.

Гъанна хIерикIулра ну
Цараван дунъяличи,
Гъавла Бидав башули
ХIяндиубти ялличил.

Балулра, юлдаш, хIура
Сайри нукъяйда гъанна.
Бирули убла манзил
Гъар гъайлизиб багъана.

Бархъагардеш гъарахълиб
Кабиркалра, изур рухI.
Язихъли чи виалра –
Я хIед я наб ахIен урхI.

ХIялалдешлигIир умцIар
ХIерани чинаралра.
Шинжирта дигъунтиван
Зугъали ганздикIулра.

БеркIибси бархIи бархIехъ
Умцанта битIикIулра.
Дулъути адабличи
Дардличил хIердикIулра.

Дузулра, гаплис ахIи,
Умуси уркIиличил.
«Бархъдеш!» – ибси дев гимнван,
АхIербирули жайчиб.

Къадарли хIебаиб хIед
КартIес хIи улка гъанни.
Дявта гъигъбатурхIели,
АкIубсирину къанни...

Нуни къалли балулра,
Мурт ургъан чеахIелра,
Илдачил гъужумтазир
Дургъулра нуша кIелра.

Улкара бахъ мурталра
Паргъатагарси сабли,
ХIебургъули хIебуар,
Буцили ца сабабли.

Илбагъандан, ишбархIи
БегI дяхъиван сай ханжа.
ЦIумбулхъахъули уркIи,
Чедаадли къавгъа, жал...

Тумента я азирга
Хебуун хела исму.
Адабчевси виахъес
Бегта вяркърсируну.

Виадлира шагъарлан,
Шала дигахъид шила.
Бирхебирид я селра
Лавшарлизи аршила.

Хъумхерти цацахели
Дардли хела хъяб буцес,
Къапван хъарбигъ арзибси
Набчи даши чедухъес.

Дахъли калун килалра
Хулбазир кламка бурхни.
Гъанагигу узбала
Дунъя жявли кабурхни.

Буресагар балагъри
Нушаб илдала къисмат.
Урхла децра бирину
Нушаб хекъси мусибат.

Вирххерхулра гъаннара
Иш барскъа манзилличи . –
Мурт ил гъалабилзана
Сурс лугъуси дисличил...

Ил балагъ хебакли
Лертиван калахелли,
Кавлира цалис цали
Дуртгули урки, хели.

Дуртес дагъри дагъарли
Халкълизи тинтдилахъес.
Чинаралра демгурти
Чурхдеш агардилахъес.

Бара чебаэсира
Гъарбиз хед сархибдешгу.
Ил хекъдешла далилли
Вахъ хулурклахъулри ху!

Батирайла девличи
Сегунтил хела диги!

Есенинна анцкьили
Бирцахъу хела урки.

Пушкин, Лермонтов къалли
Саби хед илцад гъамти.
Хела дунъяла ахен
Илдас вайси бурибти.

Девличи, адамличи,
Гякълула мурхъдешличи
Херикгули вируд ху
Уркилизир цаличил.

Илди цаван, нургъбира
Дирар хела хулбазир
«Ахъбии, зурба Ватан!..»
Зайбухъалли заклизе.

Илис гелахелебулхъан
Далай Расулла «Къургъи».
Хуни илди арцанти
Гъайдиклутиван иргъид.

Гурра чум пергер секлал
Кес вирарал бикърили,
Нушала урклурбазир
Ца дилкъути пахрула!

Сепайда, хъас арули
Саб илди пахрумачи.
Урклеци, дец агарти
Кабила тухрачи.

Илдас тахла лямци, хъутри
Сари гягнили халкъла.
Бархъдеш гъанни ургъуси
Вялча, тентван, нехлакъла.

Хябтерхъаличи кайхъу
Ургерти пикрумарти.
Гур, къанни, чебяхибиру,
Къакъбяхъуниван марти.

Дисла бяхкадли башес
Гярасайлис дигахъу.
Ил - гъуйчи кабацалри,
Халкълис бахъ гяхсиригу.

Проза



Ибрагъим ИБРАГЪИМОВ

ЦІАЛИЗИБ ВА ХІИЛИЗИБ

(Хъарахъуд)

- Нешра дуки рархъили, хІу сен хъулир калири?
- Ну хъябшризурира, – къяна буриб ХІялиматли.
- ХІугъуна рурси мажахІят хъябшризес. ХІукІун ухъалар ахІенри.
- АхІенра. Нушагъунтала ухъала кабихъи гІямалхІебирар...
- Набчи гІяйиб мабирид, ХІялимат, рахъхІи чехІераили, гъанрикири...
- Талхъунтала уршбас дукикъяна рурсби гъанхІебиркур.
- Сен или рикІулири? ХІу дукикъянацун ахІенри, хІу бацбуркъла дуги ДибгагІяя шалабируси цІаликъ-издаг сарри. Гъу, ахъбуца бекІ, наб хІела дяхІ чедаэс дигула.
- Мадигахъид! Пакъир рурси риасра, чебдукаркІути хІейгахъис.
- Чи сая чевдукаркІуси, ХІялимат? Ит хІу чераибси бархІиличирад дила пикрумазирад уррилзули хІериадли?
- Гъанна ну рирхаурра!
- Хъя баришав гъари?
- Наб хъями-цІами гІягІнили ахІен... Нуни итира гъар секІал далула... Ну я сукъур ахІенра...
- Иш гъакІлис сеннира ХІялиматли бекІ ахъхІебуцес хІериуб: илала хІерра, тят чяка буцес хІерли кабибси житаван, талхъа уршила хІулбази бикиб.
- ХІела уркъбяхъ аргъес дигахъира?
- ХІейруд аргъес: хІу – талхъунтала, ну – уздантала...
- ХІянзанзиван къизмарикІуд: нуша ца Аллагъли сарра акІахъубти.
- ХІямзат, ну гІяякан рурси сарра. ХІу иша вакІни багъалли... Талхъа урши иша вакІни багъалли...
- УрухкІулрив? Ургубалар хІу наб чІумаси рурсили каризурри.
- Рурсби чІумати хІебирар.
- ХІу гъимрукІахъес вакІибси ахІенра. Гъари, хІебиалли, ну чарулхъас, – ХІямзат арукъес вализур.

– Укьен, укьен, Айнабика хІерли рургар, – сунесра хабарагарли, дурабикиб рурсила.

Ил уркъбяхъ аргъибхІели, ХІямзатлис гІелабад къакълизи тІерхъа бяхъиб-сиван бизур. Ласяхъиб. Сунечи вякъризурли, къичуличи гугриибси ХІялимаг илис илцадра жагаризур, илцадра ил гІяякан рурсиличи гъирадухъун, хІятта хапики ахъруцили, сунела михъирличи цапакахъес, гІур биалли тІашхІейзурли къагъриайчи байикІес хІяздухъун. «Агъ, илала халисдеш! Бараван рагъурси ХІялимаг иличикІун халискарис бажардирикили сари», – забли милиги ахъес бикибси гегугван, вявбикІулри илала михъирлизибад уркІи.

– Се ири? Айнабика рикІуду?

– Айнабика! ХІела рузикъар!

– ХІерагу ца, дила рузикъарра рагъес бажардирикилрив?

– ХІуни рагъахъурхІели, бажардирикибсира.

– Гъанбушили гІергъи, ХІялимаг, ахирличи бикахъа хІела пикри.

– Нуни чедаирая хІуша... Щелда бехІличир хІилнадиркъули... Дила хІулбачи гъачамлис шяв чеили ахІен...

– Жав, вацІала издаг, аргъира хІуни буриси. ЧІянкІли хъуммартид, Айнабика дила рузикъар сари.

– Рузикъарра рирар рузикъар. Далути сари...

– ХІялимаг, марли, хІед гъанбикібу Айнабика наб дигахъули сари или? Юх, гъанна ну чиналра аркъули ахІенра! Хъулчиагарти вас–васъалара урдатурли чарухъасли, дугели гъанкІ хІякъян, – илира или, хапбарили мякълабси хІякъьяшан утара, ХІямзат рурсиличи вяхІчили кайиб.

– Ну чиналра къалабали ахІенра. Ну хІечи лехІихъулра, ХІялимаг. Дура хІела лерилра челукъути!

АнцІбукъ илкъяйда бетиркниличи хІерли хІериши, ХІялимагтра хІякризур, я гІур селра бурибсилочи имцабарес хІериуб.

Талхъа уршилира аргъиб, гІяякан рурсиличи халаси гъужум бяхІчаиэс гІягІнили хІебиъни, жалтазиб лебси-агарсира кабизахъес гъамадли хІебирни.

ХІямзат къалабахІейкІули гъайухъун. Айнабикахъали гІяхІлад бакІниличила, бегІтани сунес рузикъар ураркъес пикрибарниличила, сунени биалли разиагардеш багъахъниличила гъаб-гІергъили хабар буриб. Буриб, секъяйда зизи ПатІимаханумра Айнабикара сунечи гъимбукІибал ва гІергъила бархІи Баршамайлизи чарбухъунал...

ХІулбачи хІулби хІердикІули бурибси девла асар илгъуна бирар. Эгер ХІямзатли хъями-цами дехІдихъибси виалри, «ХІу наб ригахъулри», «ХІу агарли гІямру деркІес хІейрус», «ХІед нуни закирад урми кайсис...», «ХІу багъандан, михъирлизибад дурабитІи, уркІи пешкешбирис», «УбкІус, ветихъус, тІяхІулхъас»... ибти дугъби рурсили къабулхІедаресра асубири.

Ганзухъличивад увяхІихъуси ХІямзат гІелавяхІ ласяхъиб: илизи гІяякан рурсила ванаси хІер бикІулри: «Эй, талхъа урши, хІу нушачив даим кали дигулра...»

Нагагъ илкъяйда асубируси биалри...

* * *

Къасурбачир липІ-липІдикІути хІябал кІанритІли тавхана шалабарилри ва игуси гІявадешли тІембикІулри. Илар дахъал ваяхІ аги: чІябарличи удушибти ва луцрала бяхІяначирад сурдухъунти къалтинти, кІел тах, тугъбарили царугли

кадихъбти назбалишуни, улкъайла къасиличи Къуръа табтурти ва илдачи гъамли къярдубачирад сурдхъунти субхъянти.

Бархъехъла дехъибалара дарили, Гъазагала талхъан Амирбегли, субхъЯ мачни садирхъулри, чилилра хъергъесли балга-дугъЯ дучъулри. Иличи гъамли цархъИл тахличир Издагай лерри: илини гъачамлис дехъибала таманхъЕдарилири.

Амирбег пис къапъали, бухъяна халгъЯтли, илала удибад гъаббикъуси сукъбай, къяшмачирти хурумла масхъули талхъан виъни балахъули биалра, берхъибси хъЯна муцъулри ва шявси шалалиур духъутъли чедиути дяхъли ил жявлил гъЯмула гъебшнилизи ацъили виънира иргъахъулри. Ил секъАл марбирули, някъби зер-зердулхъулри, муцъур кар-карбулхъулри. Юх, ухънадешла лишанти чилилра дигъЯндарес вируси ахъен.

Издагай гъачамлис дусмани урухъарибсигъуна ахъенри: бекъИличи ласбарибси цъуба декъАли ва лихъИшкъунала удирад хъуцъумачи гъардакъИбти чуткъАла хъАсикайтани дяхъИ журугдарилри, къАнритъунала камси шалали дигъЯнти шяхърумичехъЕдияхъулри, ва ца хъерлис ил чехъери рурсиван чераэслири; аммаки хамха-бекъАла тазадешли ва багълати вяшатъАй илра рухънадешла дяхъИцъилиур риъни гъЯчихъбирулири.

Пикрумазиб неш-дудеш илкъяйда сипатбирулири хъЯмзатли, сайра, бара гъалавван тавханализи ацъибси, гъЯшли саламра бедили, унзала мякълабси уталичи кайибси ва бегътани дехъибала тамандарайчи хъерси.

Ахъ-ахъли «ПатихъЯра» или, талхъай муцъурличирад хъутри чедидеркъИб. Издагайлира дехъибала тамандариб, ва илра муруйчи гъамли тахличичи карииб.

– Гъу, се гъЯхъИси хабар бурида, урши? – хъЯмзатличи дудешла суал баиб.

– Се буриша? Дила талхъан, чевверхи, хъЕла жи аргъили, ну тавханализи ацъибсира. Диргалаухъи виасли... – хъЯмзат айзургу, аммаки дудешли илизи кайахъес някъли лишанбариб.

– Гъай далулри, «талхъан» кайкъули, «дудеш» викадлира, урхъИ мякълаб агара... Бареси къалли гъачамлис балули ахъенри, – иб разиагарли Издагайли, гъаларван иличи «дила урши», «дила духучан» или дугъахъеризурли.

Ил секъАл хъЯмзатли сунеласун белгибирулири: рузикъар Айнабика ураркъахъес сай къабулхъейкибхъЕли, неш лергъер рачаряхъибсири, хъЯтта чумал бархъИ гъайра хъерикъули калун, гъур къЯлгъЯлизиб сабицун калунхъЕли, сабур хъЕбаили, илини уркъара бяхъибсири: «Наб гъанхъЕбирки, хъуни неш илкъяйда мучлахъерид или, Айнабикакъун урхъИ ахъен, дила даргла узила рурси сари. Бегътани даруйти-халгъЯтунази рургули, чакар-чяйли ралхули ахъерли халараахъибси. Хъечи хъерли, хъечи гъЯшикъли цалра баршамайлан уршилис шери рукъес къабухъерикибси... Ну багъанданра хъуни ил секъАл барес гъЯгънисири. Хъу биалли, «Ну рузикъарличи хъайчикайэс хъейрус» или, ибкъайзурри. Айнабикала рузикъардешра илцад гъамти ахъен хъечи... Се тухумдеш дируйти дурхъИнала, ца дубуртазив, ца диркъаличир халакабаибтала? Жан аллагъ, хъЯбилра бегътала уркъИ-хъЯл хъергъуси урши ветурлири хъу, хъЯмзат...»

Гъалабла ил ихтилат сагабарес ну гъурра живарили виасли, бегътала ил уюн бетхъЕбурхар, – гъатъИра пикруми алавдиуб хъЯмзатлис. – Нуникъун чъумали аргъахъибсири, я сеналра дила пикри барсбарес вируси ахъенра. Хъумуртули ахъенра, итхъЕли зизи ПатъИмаханумли набчи хъердарибти хъулби: илала хъер бяргъИбси миъла къаликъ сабри, илгъуна хъер урхъИличира, эгер хъИла душман хъейалли, бяхъИчихъейу. Айнабика къалли илцад пашманриубсигъуна хъеризур.

АркъухЕли някъра буциб, пишряхъили набзи шивкИвра бариб: «Селра, хЕ-бирар, узикъар, ну децІрикІули ахЕнра: къадарси талихІ набра камхЕбирар. Ну шакрикира: ца чидил-биалра махъикан рурси хЕла уркІилизи цІадушес бажардирикили сари. Гъардизаб хЕла къасани!..»

– Урши, хІуни нушала талхъандешличи дамгъа кабатес пикрибарили хЕйадли? – гІянцІ-гІянцІли хъарбаиб дудешли ХІямзатлизи.

– Дудеш, се багъандан хІуни ил секІал бурулри?

– СенкІун, хЕла архІни ДибгагІялизи дахъдаибхЕли? Яра илкъяйда ахЕну? Яра нуни иргъути къянала хабурти сарив?

ХІямзат селра бурес валкъхЕурли левай, неш гъайрухъун:

– Издагъуна Айнабика гъарахърарили, хЕхара рурси талхъа кІялгІялизи сарукес дигулрив? ЦІахли ахЕну?

– ЦІахли ахЕн, неш. ХІялимат уздантала къамла сари... Ягъари, анцІбукъ илизиб-деклар сабив? Талхъунти биаб, лугъри биаб, узданти биаб... Наб ил рурси ригахъулра, неш!

– Гъуя, дила аллагъ! Се саби хІуни буруси? Секъяйда ил ригахъес вирусире?

– ХЕбалас, амма ХІялиматличиван гІур цалра рурсиличи дила уркІи ка-бизурли ахЕн...

– ХІуни чебаибти чи леба? Абхъа хІулби! Яра ил гІяякан рурсили сукъ-урварилрив?

– Неш, нуни лебси бурулра.

– Аргъа ца секІал: хІуни буруси бетаруси ахЕн! Ванзара закра дулъулихъар, бетаруси ахЕн! Къаманала адамти хІуни деклархЕбирулихъар, декларбирути лебти саби. Ил рурсили нушала кІалгІяла унабурхІ ахъалли, талхъандешла хІурмат бетихъур, даражализив хЕла дудеш гІяширар. Нуша талхъунтала мякъла кадиэс хЕдирехЕ...

Амирбег хъуна ва уршила ихтилатлизи гъудурхЕлхъули уулри. ХІямзат-лис къалли мурткІал талхъандеш дудешличи далдикибтиван дилзули хЕдире. Илала тІабигІят буйрухъбикІутала ахЕнри. Сегъунти-дигара масъулти ахъдурцухЕли, Амирбегли илди арзахъес сунела къуллукъла хІянчизартази ихтиярбирули вири.

Уршира хъунула жалтази мурхъбиркули чебаили, сеналра талхъанра ца шайчив калес хЕйуб:

– ХІямзат, ну хЕчи бекІлил разили ахЕнра. ХІу нешличил сен-сен гъай-икІулри?

– Чевверхи, дудеш, нешли нуни бурусира иргъули ахЕн.

– Иргъули сари. Иргъулра нунира: нуша гІянцІли ахЕнра... Ил хІуни черрикІес бажардиикибси рурси чи сарил балулрив?

– Балулра. ЦІуръа сари... Нешлис Хачаба биклар... Наб, чи риалра, деклар-деш агара...

Уршилизи бурес дигуси пикри талхъай сеннира хъархЕбаиб, ва ил Изда-гайличи хЕризур.

– Дила урши, – илмадан шакрикили, музарухъун неш, – хІуни хЕдалути дахъал лерти сари: ХІялимат душмантала рурси сари... Иргъулрив?

– Нушала душманти лебни аргъибси ахЕн.

– Нушалацун ахЕн, Гъазагунтлира махъурби-гІяябала жамигІятлира илдачи лягІнатбушибси саби... Ил багъанданра ил хЕла гелешмешли риэс хЕрерар...

– Се багъандан? Се бетаурси?

– Хачабала мурул, ил хІуни раргибси рурсила дудеш Сайдухан, Гъазагала талхъан вирусире. ХІела дудешгъуна ахІенрину, зулмукар сайри. Илала зулмукардешла хабурти дурасли, дила урши, дай дуги баайчи таманхІедирар... Хайдакъла уцуми РяхІимханни, ахирра-ахир, ил уцахъес ва танбихІлаварахъес сунела гІяскар бархъибсири. ТанбихІра сегъуна кахси гІеббаахъиба, викидли, ГІялила Шурмачиб Сайдуханна бекІ чеббяхъибсири...

Илди ца-хІябал гъайличибли Издагайла гІямалхІебиуб. РамсурхІели тІашра рилзули, рахли сунечи разиагардеш балахъулил или, муруйчи хІерра рилзули, илини уршилизи гІяхІцад дусми гъалар детаурти анцІбукъуни гъаргдариб. Дуриб илини ХалалгІяязизир, БацІари къярдлизир, Шумралла гІяязизир кадикиб-диубти хІиллуртачила. Аммаки ХІямзатличил дархдасунти, ил чула урши ветаънила хІекълизирти баянтазибад цалра гъанхІебушиб. Я гъанбушес ририв? ИлкІун мурул Амирбеглара сунелара ургабси, халати бикІуливан, жявлил ахъбуцес хІейъси гІена чекабихъибси дигІяндеш сабри. Иличила бурес ахІенну, гъанбикахъесра Издагай урухІули сарри.

Сунела дурути тамандарибхІели, Издагайла тІамара барсбиуб. Ил урши-личи нешла ванадешличил ва малхІямли хІеррикІулри.

– ХІуни аргъа, дила гІязиз урши, анцІбукъ илгъуна саби. Пикриухъен, хІукІун дила бегІла духуси, хІела зилантазив гІибратли виубси сай, рикІусира... Гъу, детаур-каур гъаларла гъайра: набра дудешлисра сецад дигулихъар, хІед хІейгули виъни аргъибхІели, Айнабикачилара гІянцІдихъирагу, я хІечи гужхІебарира. ХІукІун нушала ца сайри, хІу багъандан нушани селра мяштІ-бируси агара... Ну рархъли рикІули ахІенрав, жан Амирбег?

– Нешла гъай нунира уббяхъес хІейрус, ХІямзат. АнцІбукъ илгъуна саби... Нушаб гІурра хІердиъс гІягІнили саби. Талхъандешла ура, дила урши, ахиратла агълули ветаайчи, наб умули калахъес дигулра. ГІур хІуни даимбаресли. БекІ ахъли кабуцили, хІела арилиубти шантани ва алавти махъурби-гІябалала халкъли лягІнатхІебушесли...

ХІямзатлис я дудешлизи я нешлизи бехІсур буреси, сай марвареси селра кахІелун. Илгъуна агилизир жалти даимдарни илала шайзибад ахмадешли бетари.

Тавханара бархъбатурли, сунела хъули чарулхъухІели, ил жаняхІлав тІашизур, гІур, пикрумази вархили, гъаргала дуравхъун.

ДуцІрумла дуги житала хІуливан кІайбизурлири. ЦІябси закир, цаличил ца абзлизе кадизуртиван, зубарти цІилцІилдикІулри. Гъазага гъявси лехІдешли сунела арилизи буцилри. ЧІянкІли къалала ухІнав къунзикІуси къапучи ХІямидла декІти гунзрера чеб-чебудуси хъехІла тІамара сарри иргъути...

ХІямзатла хІер ЦІелдала бехІличиб сабри: «Ил дубурла удиб гъанна Хала хІеркІла макъамтауб бускаи бургар ДибгагІяя, гІяязизир биалли – ХІялиматра. Душмантала рурси... Дила уркІила хІяли бицІахъуси вацІала издаг... Наб берхІи ретаурси къугъаси жан... Ил душманрарес сен вирусира?...»

* * *

– Гъари, ашна, хІела пикрили, ХІямзатли нушани бурибси аргъибу? – хъарбаиб талхъай Издагайлизи.

– МажахІят. Илини жаваб чархІебариб.

– Я гІур хІебиру... Нушала ихтилат дугІла гъайли бетаур биъс.

– Гур се бирехе?

– Валтехе паргъатли.

– Секъяйда? Гурра ДибгагЯялизи гЯхЛад вашахъули?

– Терхъа, дила ашна, лебГлеб балкАхъалли, бячесра асубирар. Сай пикри-кавхъи, сунени вай-гЯхІ хІергъалли, къадагъаличил барсдеш барес хІейрар. Илала тІабигІят, Издагай, нушала ахІен. Гъачам бурибси гъай гІелабяхІ чарХебиру, пикрибарибсира барсХебиру. УркІигъаргли бурасли, наб ил секІал гЯхІра билзули саби: гъарли-марси гъабза ца кабизла вирар...

– Дила талхъан, гъанна хІуни ХІямзатличи някъ хІяртбарибсиван кабилзули саби, – ришхантличил хІерризур иличи Издагай.

– Юх, хатІариркулри... Наб нушала урши ветахъахъес дигули ахІенра...

– Ветахъили чина аркъули?

– Дила гъай хІергъари: нушачивад гъарахъикни, нуша урхІ детаъни – урши ветахъни саби.

– Илгъуна ахмадеш хІебиру ХІямзатли.

– Набра дигуси ил саби. Илбагъандан нуни ХІямзатлис хІянчи хъаркабарес пикрибарира. ХІевзуси, акъуси адамла, дила ашна, гЯхІтира вайтира пикруми дахъал дирар.

– Улас, хІянчилра се лугада илис?

– Халал гЯялизи урхъис. Сунела гъарли-марти бегІтала миналичи...


– Вай, аллагъ, хІуни илди гъанбушибХели, уркІи къизбухъун... Се биру нушала уршили ил лайкабакІибси гЯялизиб?

– Эгъ, Издагай, хІунира далути агара. Ил гЯя сагабарили, гъанна хІябэсил дус шалГлеббулхъули саби. Юргани тІашдатахъурра, Къубати санила хъумира дузескаилра. Ца чедаадри хІуни иларти аршила капарайти!

– ХІебагъурра... Чили дузахъули ХалалГЯяла ванзурби?

– Хъубзурани. Азадти хъубзурани. Гъанна илди ряГІят адамти ахІен. Чула хъалибаргуначил, чула делГІути хъумачил хІеркабирули саби. Гъар дус гІебш-нилизиб сархибси сабухълизибад кабизахъурси напакъара нушала усурбази биахъули саби...

– Хъубзурилра чинабад тІалаббарибти?



– Махъурбазибад, гІяябазибад... ИмцІатигъунти ЦІурмигІя махъила хъ-убзури саби. Илдас ХалалгІяя бегІла гъамси, чула ванзаличил дазуличибси бетарули саби.

– Се хІянчи биру илаб нушала ХІямзатли?

– Гъазагала талхъа шайзивад , дила шайзивад, ил гІяяла бекІли ветарар. ИлхІели илис дарести даари дирар, хІятта илав хІериэсра чебикесгу, викІулра...

– Гъари, хІела жайчира, ил секІал мабирид.

– Сен гъатИи?

– ХІед ХІямзат левгІевал набчивад гъарахъварес дигули хІейиши?

– Урухмарируд, ашна, заманалис саби ил бируси. ГІяялизир арши жявли дилкъути сари. ДуцІрум ахирличи диркули сари, жягІял-царахІел аршикъянаби дурабулхъан. ДуцІрумла дуцІарти бурхІнира кадурхули сари. ЧяхІла маркни дехІдихъес асубирар. ГІур зарулти... Юх, илис сайра ну къайгъилизикибси. Заманалис ХІямзатла мер-муса гІяялизир детарар.

– Гъай аман, ХІямзат чехІейули, нуни се гІямал бируси?

– Дигалли, хІура рурхъури уршиличил рарх. Илабад нушала Гъазагара гъарахъли ахІен: ца урчидуцІла гъуни биалли?

– Дила талхъан, нура хІед анцІрукъи хІериасли?

– Мабурид илгъуна, ашна. ХІу агарли, дила талхъандеш се сари?

– УхънавайбхІелира, гъаларла масхурти хъумуртули ахІенри къалли.

– Нуни пикрибарисси вайсив гъатИи? ХІямзатли гІямру дала, адамти чебиу... Инсан, дила Издагай, ванзаличил вархваси виэс гІягІниси сай. Ашкарли, илхІели нушала уршила пикрумира гъунчидикесгу?

– РяхІман Аллагъ, биаб илкъяйда. ХалалгІяя мицІирбарили, хІела бегІтала ЦІуриша махъи лайкабикІулрив?

– Чи сая или викІуси?

– ХІу Гъазагала талхъан ветатурла, рахлира ила гъаввикІули ахІенри.

– Ва, хІу аракакъ, талхъайс дарести камли сари рикІулрив? ЦІуриша махъи букІунани хІербирули саби. Иларти дуки-гъунчир букІунани хІябал азирла дурзам хІербирули саби... Вари, вари, хъумуртули ахІенра, ашна.

– Жан аллагъ, хІуни уркІецІи бара нушачи...

Дудешли хапли гъалабихъибси хІянчи ХІямзатлис гІяхІбизур: «ХІебиалли, илини набчи игъдибар бирхъули сай. Нура левварилра, талхъа урши или, ца шайчив хІетурли. Илгъуна пикри набзиб гъалабал лебсиригу, дудешлизи гъанхІебушира. ГІяхІси бетаур сунени пикрибарни...»

– Дила талхъан, ну хІядурлира Халал гІяялизи дуравхъес. Асубирару, дила ца тилади бурес?

Бура, урши.

– Набчил варх Жапар вакІахъес пурбанхІебириду?

– ХІела юлдашлисра узес дигули валан?

– Узра узар, нушаб, дарх диахІелли, анцІра хІебулкъан...

– Ихтияр бирулра, гІяхІси сягІят бираб хІушаб!

ХалалгІяяла хъубзури талхъа уршилисра илала юлдашлисра разили гъунибаиб. ЦІурмигІя махъилизивадси уздан МагъдихІяжи гІяялизив халалли викІилри. Илини ХІямзатра Жапарра, арбукили, гІяялизиб декІарбулхъуси кІидерхІла халасигъуна юртлизи мерлабариб.

– Нушаб, ази, ца хъали баибси саби, цахІнаб юрт се бариша?

- Дигалли, дурхІни, ца хъули кадирая, юрт сеннира бацІли саби.
- Чилра хІерируси агарав? ИлкІун узданталагъуна юрт саби?
- Саби, саби, дила дурхІни. Дахъал дусмас гъалав ишав ХалалгІяяла бекІ ГІябдулмажид сунела хъалибаргличил хІериубсири. Сунела бунагъ-хатІа урдуц, ил хІиллакартани кавшибсири, илала хъалибаргра кабушибтири... ИлхІейчибад юрт мицІир-бацІли саби. ХІела дудешли, нушала хІурматла талхъан Амирбегли юрт сагабарахъиб. Аллагъ разивиаб сунечи! Сепайда, цалра хъубзара иша кайэс къабулхІейкиб.
- Сен гъатІи, адавзи?
- Юрт айтучебли бетаур. ГІябдулмажидлис балагъли уббухъунси юртглизиб адамти хІербиэс урухІули саби...
- ХІерагу, ил юрт балан нуша кадалтуси? – сенрил гІяш-гІяшли иб ХІямзатли.
- ХІушабра хІейгилзули биалли, дила дурхІни, нуни набчи аркурая. Дила юртглизиб бацІси ца хъали леб...
- Юх, нушаб декІардеш агара... ХІу сейкІулри, Жапар? – ХІямзат юлдашличи хІеризур.
- Ну Аллагъличи вирхулихъар, айтубачи вирхуси ахІенра. Ну разилира...
- Нура разилира...
- Чула кам-гъамти ваяхІра мерладарили, ил дуги ХІямзатра Жапарра гъанкІахъес къанниван тахличи гербухъун. Юлдашунала дурести камли ахІенри. «Се гІяхІси барилл Жапарли, чугурра барх касили. БархІехъуназир илини сунела сихІрула агурби ва далуйти зайдулхъахъа. АнцІхІебулкъан...» – викІулри ХІямзат, лацла бяхІличиб сурбухъунси чугурличи хІерикІули.
- ХІела дудеш, ХІямзат, дахъал далуси талхъан сай. ХІуни балулрив, сен хІу иш гІяялизи вархъибсирил? – хъарбаиб Жапарли.
- Балулра. ХІянчи барахъес, хъубзурачи хІеруди барахъес.
- Юх, хІянчи барести талхъа адамти итира камли ахІен.
- ГъатІи хІед се бурес дигулри?
- ХІу гІяярхІешахъес пикрибарибси саби. ГІяярра хІу чина вашулрил чили хІебалули?
- ХІези бурнира шантази бурнигъуна саби.
- ХатІаиркулри, ХІямзат. ДибгагІялизир хІела гелешмеш лерни ГІалхІятлира балули сай. Нуни ца гъайра дурахІебикахъира.
- Халаси дигІяндеш лебли хІебиэс? ХІялимат гІяхІси рурси сари...
- Ну-декІар вайси викІулрав? ЧІянкІли хІела бегІтас ил хІейгахъу... Ил аргъесири саби. ХІу чи сайри? Ил чи сари? Талхъа уршира пакъир рурсира. ХІуша халкъла хабарлизиртиван саррая.
- Ил анцІбукъ наб тамаша ахІен, Жапар.
- Аммаки иша, ХалалгІяялизи, ваибхІели, хъумхІертадли хІела вацІала издаг?
- ХІертис... рахли хІуни далайра бучІадли. Серил, ит хІела лебригу, «Гъуни гъарахъли хъалли, дубурти ахъли хъалли, вирус ну хІечи вазс, уркІила саламти хес...» Гъанбиркулив?
- Биркули саби, узи ХІямзат, хІед дигухІели бучІра бучІас.
- Баркалла, ца гІяхІдеш, хІу набчил иша вакІнилра.
- Набра сабаб лебри, ХІямзат.

– Сабаб? Хела далуйтани гЯшикьрарибси СайгьанаткIун ЦурмигIа махьилизир сари?

– ХатIаиркулри: гьанна Сайгьанатра ишар сари. Илала дудеш хьубзара СалихIра ХалалгIялизи гечиубли сай.

ХIямзат дукаряхIиб.

– Ягъари, ну пикриикIули калунра, хIези набчил варх ваши викIухIели, сен кункли разиикирил или. Ну багъандан кьалли уили ахIенри.

– Пикримабирид... ХIу багъандан, дила узи, иша ахIенну, даим дяхIили дуцибти хIурхъачира вархли льякьира.

– Къучакъ Жапар, хIу гьарли-марси юлдаш сайри! ХIела Сайгьанат чераэс бажардиикирив?

– БетхIеур. МажахIят ил чераиша? ГIяялизибти лебилра, хъатла кабатур-тиван, хIулбала гьалаб саби.

– Чериид... ПикрибирехIе...

– ХIела ХIялимат? Ил чехIериули, хIела гIямал биэсара?

– Ил анцIбукьра пикрибирехIе... Гьанна, дила пикрили, хIушаб гьанкIахъ-есра замана баили саби. Савли жявли ургуба чебаэс аркъути ахIенрав?

– Сарра, сарра. ГьанкI гIяхIси бакIаб, дила узи.

– ХIедра муэрлизир Сайгьанат ракIаб!

ГIянручI, Шалда абулхъуси манзил, ХIямзат юлдашли чеваргъахъиб.

– Се бетаурли? Сен жиикIулри?

– ХIела тIама-гьамали нура чеваргъахъира. ХIеризи хIела куцличи!

ИлхIелицун аргъиб ХIямзатли, сай майализив вазибсиван, шинкIали виъни. ГIур гьанбикиб илис ил дуги чебаибси кахси муэр.

– ХIу ухъалав лас-чарикIади, виштIаси дурхIяван, ахъли чIярикIади... Наб кьалли гьанбикиб, илкъяйда ватадли, вебIесра асубирар или.

– ХIуни бархъси барри, Жапар, ну чеваргъахъни. Илгъуна кахси муэр гьеч чебаибси ахIен. Гьаннара гьанбикалли, чарх ружерлизи биркахъули саби.

– ХIейгули виадли, мабурид.

– Наб бурес дигулра: муэр вегIла гьанбикуназибцун кали гIяхIси хIеби-рар...

Жапар, чебушибси кIарчIара цашалбарили, юлдашла мякьла тахличи кайиб.

– Чемабааби, дила узи, илгъуна гIязаб. Бархъли бурасли, ил муэрличи ахIи, имцIаливан хIуруцIличи мешули сабри... Ну виштIали сайри, сирилав сайри, аммаки гьар секIал далули ва иргъули сайри. Иш гIяялизи урчила мурдабала гIяскар бухIнаберхур. Илдани лебилра махьикунт кьирбариб, кьакьурбазир хIила хIуркIби кавхъун. Наб гьанбиркусири, сирилавси ну чехIели, цIудара хIиллакарти аркъян или. Белики, арбукьесра асубири, эгер, наб гьанагарли, дила михьирлизибад халаси чIяр дурахIебикибси биалри. ИлхIели цIудара къачагъунала вегIбекI гIелавяхI чарухъун. ЧIяхIбарили шушка, илини ну каркъибси сирилизиди бяхъиб. Гьанбиркур, наб секъяйда буцIарагибал, гьанбиркур, дила ляжи кIибутIбарили. ГIур ну гьатIира чIярикIес даимиубра, тямхъярухъунра. Юх, ну сирила хIябнани чIумали вигъири.

ХIила цIелда ветаурси набчи кьаркъли хIеризурли, вегIбекI ахъли дукаряхIиб. Гьанбиркур, илала синкалагъуна аъбяхъ, эмхIелагъунти халати цулби.

Илини гIурра уркIециагарли шушка гьакIбарибгу, набчи кахIегиб, сенахIенну хIуни чеваргъахъира...

– Муэрлизиб се хЛебируси? Хиуни уркИиличи мабурцид, ХИямзат.
– Иргъулра, нура муэртаци вирхуси ахIенра.
Жапарли юлдашла хIяна лебси ляжиличи някъ гьабатур.
– Хи дурадикибхIеливан саби...
– Бургар, ухъалав лас-чарикIухIели.
– Кайкили бетаурси викIуду?
– Нешли илкъяйда бурибсири набзи виштIахIели.
– Кайкили илгъуна дяхъи бетхIерар. ИлкIун муцIурла уди баили биалли?
– ХIебалас, нуни аргъибси хIезира бурулра...
– Нуни биалли гIяхIси муэр чебаира... Дубурти, хIуркIби, ахъти кьар, вавни...
– Гъайгъай, вавнала ургар рашули Сайгъанатра?
– Юх, Сайгъанат чехIераира... ХIерли калунра, рахли дубурла ца музали-чирад дурарухъесгу или. ХIела вяв-чIярли муэр къяббердахъири.
– Чевверхи, гIурхIели дубхIейхъис...
Масхараличи кIелра дукарбяхIиб.
КIел бархIи ХIямзатра, Жапарра, илдачил варх гIялизив халал МагъдихIя-жира, урчиличи мурдали, ургубализиб калун: илдани аршили лавшардикIути Къубати сани ва гъарахъ детаибти гъярцIа хъуми-къасурби чедидахъиб. Къадала дубла кабацIибхIели, МагъдихIяжини иб:
– Аршила маргъличи кабизес замана баили саби.
– ДухъутIли чедиулихъар, ризкъи сахIедерхурти аршира чедаира къалли, адавзи.
– Ярга баибхIейс, илдара дилкъан. Аршила хIянчи цIала хIянчи сари, гIелайзи ардухни гIяхIси ахIен, – иб МагъдихIяжини, гIур гIярчумагла ар Къубати санила чедиб зубрачи ахъбиубсигъуна ДейбукIла лесличи бархъаиб: – ХIеръ-ая, дурхIни, икI лесла чедибси гъагулла цIуба къапIаличи. Ил хIязлис дакIубухъунси ахIен. Нушала хала бегIтани дусмадли чебиули, ил ишаратла асар балуси саби... Ванати бурхIни ца жумягIра кахIелан, чяхI-заб дехIдирхъур...
ВахъхIила хъубзарла гъайличи я ХIямзатла я Жапарла хIебирхес хъулчи аги.
БархIехъ мангъушли ХалалгIяяла махлукъат мижитла гъалабси майдайчи цалабахъиб. Илаб дураберкIибси мажлисличиб хIукму дурасиб: гIянручIлис ХалалгIяяла агълу аршиличи дурабухъахъес...
Арши иршни ванза бузахъути зяхIматчибала лерилра хIянчилизибад бегIла къиянси, карилаб къацIван заманаличиб берцIес гIягIниси, ибгес гIягIниси, нешли дурхIяван бехIзили бихIуси ва бетурхахъуси хIяракат саби. Илав я жагъил, я ухъна, я араси, я зягIипси, я хъунул адам, я никIа дурхIя лебти ахIен: хIятта жагъти нешанира бархли, сирмира дарх касили, авлахъличи дурабулхъути саби.
ГIянручI ХIямзат бегIтала минала ЦIуриша махъилизи, букIунала хъали-баргуни гIякунтлис кумекличи музабухъахъес арякъун. Жапарли ЦIурмигIя махъила жамигIят аршила билхъаличи жибариб.
Къубати санир аршикъянабала тIама-гъама дахъдаиб:
– Ва, Мисри, руулрив, гъари, хъуцIарличи миршра чекахъили?
– ЯхIбара, хIела маргъ дурабукес Халаада музаулхъули сайну...
– Бяхъя, бяхъя, гъанна сари арши лерти, янила чиллализиб бамсрира ихъидая!

– Эйхъали, итди чехърти чеббяхъя! Гелакабухъи саби!
– Шинничи вархъибси чейули ахІенгу? Милигли дебкІайчи уулив гъари?
– Эй, аршикъянаби?! Се дируттив дацІ гъай? Чинаба хІушала далай? Сана шуркыла къадалиуб, хІушала тІамаличи хІерли, къакъбани сунела къакъуди тІашаили саби...

– Гъари, Сайгъанат, башахъен! ИшбархІи гъести аршикъянаби бускаи хІебиалли?

Ургуба гІеббучІахъули, рурсила цІиркІси тІама ахъбиуб:

**Эй, Къубатила сани,
Ляркъулра хІу чебаргъес:
Хъярбукан дебшла миршла
Ца хІял ахтардибарес.**

**Ва, мургъи-рангла арши,
ХІядурли бии набчи:**

**БумхІули цІуэрличил
ХІебалтари ишбархІи.**

**Эй, аркъяни–ливкъяни,
Хъурабара нушачи:
КахІейзадра маргъличи,
Урхъури хІела гъунчи.**

Ца дукІлагъуна маргъ бикуси, сарицун хъула дублар иршуси, цІудара чут-хъачерси рухъна хъунул адамлира бекІ ахъбуциб. Илини гъигъбатес сунела хъуцІарличи мирш кабихъиб, гІур, майали кІантІбикІуси андаличибад хъатра чедиберкІили, гъаб-убла макъам бехІбихъиб:

**Ва, гІяякунтла арши,
ХІу ца гъакІли биршиши?
Яра делкІа кІанрабас
Напакъалис батиши?**

**ГІяй, баркатла гІяякунт,
Нура хъуммартабая,**

**Мар анкІила баракат
БуртІухІели сяхІ-сяхІли.**

**Ва шин лерхуси урши,
Чинаба хІела хъаба?
Михъирлар цІа дилшули,
Дигулра рахъ-рахъбарес.**

Дурусли верхІэсил бархІи ХалалгІяяла арши диршили тамандиуб. Хъума-чир халати хІентІби ахъдиуб. ХІябал кигъара делгъи, бархІехълис аршикъя-набас халаси сяхІбат бариб.

ЦІябдаибхІейс аргъ, тѧп вягІдалабиубхІеливан, барсбиуб. Гъала-гъала ахъси къукъули муза-къадурби уркІаиб. ГІур илди лямцІли шаладариб.

– Гъу, Жапар, нушала Гъазагализи чардулхъехІев? – хъарбаиб ХІямзатли, улибхъа чедихъибси урчиличи гъамирули.

– Юх, дила узи, гъачамлис шилизи чарухъес дила къас агара.

– Тамашала хабар хІебиалли?

– АхІен, наб илкъяйда дигулра.

– ГІур селра мабурид: нуни хІела аргъира...

– Аргъили виадли, талхъа урши, хІед гъунби гІяхІдираб!

ХІямзат кункли урчила къакъличив ветаур ва, заб цІакъдиайчи, урчи ряб-хъбариб.

Жапар-декІар абдал хІейалли, сунес ахІерси Сайгъанатлис чугурличиб ца далай-мага хІебелчІи чарухъес?..

* * *

Бархѐхъла акбар белчунхѐли, минараличи Гъзагала мангъуш ацѐиб ва ахъли вѐвѐиб:

– Эѐй, гъзагунт! Нушала хѐурматла талхъан Амирбегли жѐягѐял гѐбшнила Бархѐила байрам балахъули сай! Шадлихъ Иркниша махъила удибси Тѐабакъла диркъаличиб бирар! Талхъа арилиубти лебил махлукъатлис цалабикес чебли бирар!

Ил багъахъни аргъахъес багъандан, махъурби-гѐяябази ва унраличирти шимази чѐпарти бархъиб.

Гѐбшнила байрам, бузера халаси шадлихъ жѐявхѐйчибад дурабуркѐу-сири ва гѐядатли бѐтаурсири.

Берхѐи гъаббакѐайчи урчила вѐгѐ урчиличив, эмхѐла вѐгѐ эмхѐеличив, уркурла вѐгѐ уркурличив, илди агарти хъурали Тѐабакъла диркъаличи учи-биркесбѐхѐиб. Кѐел бархѐи гъалаб биризла зурбаси галгала удиб талхъайсра илала хъалибарглисра чѐтирбѐхъилри.

Ил бархѐи жура-журала абзани детурхутири: урги-дергализибад иртутала, ханжултачил уюнти чѐдияхъутала, чугур, зипѐикѐуни, дам-дѐяд дирхъутала ва, гъайгъайгу, далай-делхъла устнала.

Абзла бутѐакъянчибили биѐс бири талхъунти, узданти, рѐягѐят адамти – ни-зам-зегъа ва ихтилатуни лебтасалра цагъунти сарри. Талхъай чѐдибикибтас шабагъатунира лугутири.

Урчира гъаббуцили, къапулизивад дуравхъунси Хѐямзатличи, урчиличи мурдали, Жапарра Тѐалхѐятра хѐерлири.

Кам-гъамти салам-каламлис гѐергъи Жапарли иб:

– Урги-дергала абзани ишбархѐи хѐела диѐс, Хѐямзат?

– Дила сен дирути? Илаб бурибти лишанчиби бирар.

– Талхъа уршиличил бажардиикеси ахъесара?

– Багъес хѐейрар, хѐердикѐхѐе...

Хѐябалра, сагати сукъбантира чѐсадуцили, бухари къапѐнира чѐдиили, жагали балкъаурлири. Хѐямзатли урги-дергара цѐелдунти кадирхъуси таврара хъуцѐарличи чѐхъилри. Цѐуб арцла бирцѐлумар хѐябаличи биштѐаси ханжалра баршилри. Жапарла дуклаб чугур лебри, Тѐалхѐятла някъбазиб, ири-ханжалла дураб, мигла бабза тѐерхъара лебри.

– Юлдаш Тѐалхѐят, тѐерхъаличи хѐяжатдеш биѐсара? Хѐу пешкеш адам леври? – хѐеризур иличи Хѐямзат.

– Бирар. Ириѐла шадлихъ гъанхѐебиркулив?

Илгъуна абзра лебсири: ханжултала мерлар тѐерхъуби дузахъуси. Кѐел къаршикар, тѐерхъуба бирхъули, цаличи ца чебулхъутири, хамха-бекѐлизи чѐйгахъуси ахѐенри, ца къаршикарла тѐерхъа някъбазибад батбухъайчи, бѐя-чайчи яра, ил мукѐурвакѐили, тѐерхъа ахъбуцайчи.

Тѐалхѐятли къалли хъумуртули ахѐенри Дибга гѐяялизивадси Залимханни-чил бѐтаурси жал: итхѐели илала тѐерхъа чѐумаси уббухъи, сунела дайлизи-бад бѐячунсири, ва Залимхан чѐдиикибсири. Илбагъандан биѐиши, илини иш гъакѐлис, сецад декѐли биалра, бабза тѐерхъа барх касибсира.

Гъигъла манзиллис Хѐямзатра урчиличив вѐтаур: хѐябалра мурда, къакъара гѐелаб батурли, ургубализибѐхѐи гъайбиуб.

– Чугурчибала абз чулацун биѐсара, Жапар? – хъарбаиб Тѐалхѐятли.

– ХЕбирар. ЗипИкИуни, шяллитI, дяд бирхъутира жаллизи дурабулхъан. Гъалабра илкъяйда сабри.

– ГЯрбукIан чугурчи КъурбанХЯжи чедикибХели?

– Дяхъиличи зе писмадирид.

– УрухмакIуд, гъанна чедибдеш хIела бирар.

– ХIуни гъахили балухIеливан? Вари, тяIбирмабирид.

– Балулра, нуни аргъира, КъурбанХЯжи, бикIар,шилизив агара, архIяличив сай.

– Чили бала? Чугурла уста идала уршира левси сай.

– Урши къалли бажардихIеркур.

– Эгъ, дила узи, нергъла тIем кIуцIуй балахъуси саби.

– Ягъари, хIябилра абзаначила къакъадакIили леррая? – суал ургабатур ХIямзатли. – Дила пикрумазиб биалли цархIил суал лукъули саби.

– Ил суал къалли нуни итара балулра.

– Балули виадли бура?! Жапар, рахли хIу караматчи хIейадли?

– Караматчи аХIенра, аммаки Дибга гIяяла чехъертира ТIабакъла диркъаличи лябкъути саби.

– Ил раКIесара?

– ХIу викIуси «ил» ХIялимат риалли, ляркъян. Хъулир руэс рирару, гъари, талхъа урши аркъухIели?

Жапарла гъайла мягIна аргъили, ТIалхIят гъинчIизур, гIур илини иб:

– Ил секIал, дила узи ХIямзат, хIуни набзи хъарбаа.

– ХIези? ЦIурмигIя махъилизив, гъачамлис цIикурила хIевачерси Кумсиятра кIапIруцили, пяхъикибси хIези сен хъарбиуси?

– Ге, гIе, набзи. ХIуникIун балулри дила Кумсиятра ХIялиматра балликъянаби биъни?

– Балулра.

– Балулри, амма балули аХIенри ХIялиматра Гъидаятра нушачи гIяхIлад башниличила.

– Мар-марли викIуду?

– Нуни къяна цIудара биънира балуси саби... Лебри ца бархIи шадиб бакIили, тяп гIебшнила БархIила байрамличила гъайра кабухъун.

– Юх, ТIалхIят, хIечил юлдашдеш дехъес чебикесгу, викIулра.

– Сен?

– СенахIенну, ХIялимат раКIибХели, набзи гъачамалра жихIеири.

– Чевверхи, дила узи, гIурхIели хIези багъахъес хъумхIертис.

– ХIуша се дикIадалра, байрамличи бахъал рурсби хIякъян, – сунела пикри буриб Жапарли.

– Асубирар. ХIу къакъамайкIуд, Жапар, хIела Сайгъанатла далай агарли, се ихтилат бируси? Ляркъян илра.

– Кашки хIеракIалри, – писбатур ХIямзатли.

– Сен хIеракIалри, викIулри? ХIялиматла децIлизиикили, убкIулри, цархIилтала авара агара.

– СенахIенну илала далайли хIела абз булъа: хIу удииркуд.

– Ну къаршили аХIенра, илис къалли удиикесра хIядурлира. Сепайда, абзаназир рурсбала бутIакъяндеш лерти аХIен къадин.

– ХIела игъбар кали саби, юлдаш Жапар...

– Гьу, иши хабуртази ахъили, нуша къандиэсра асубирар. Гъари, рябхъдарая хІушала ябни.

– ЖалиэхІев?

– Жалаэс дузабличи дархъили хІедишиша?

– Урчала дузабра ишбархІи дирару гъари?

– ДирхІедирар. ХъубяхІруми хІедиэсгу?

– ХІебиалли, гъари, ганз хъярхъбара, дила Айгъир!

– ХІяйт, дила Чаргас!

– Гьу-гъари, Бялхъя!

Табакъла диркъа адамтала бахъдешли важбарибсиван сабри. Талхъа чятирличи гъамси дубурла къукъличи хъунул адамтира, чехъери рурсбира, никІа дурхІнира чукурбиублири. Абзаначир бутІакъяндеш дирути, къукънадбикили, диркъала ца шайчиб сабри. ХІербикІес бакІибти низамагарли диркъа-алав дуки дукибти мищирагван, гІяйкабиублири: илдани дурути гъайли алавлa бищІахъибсиван сабри.

ИмцІатигъунтала хІерани, шиниша байрахъра някълизи цІацІабарили, чятирла гъала тІашкайзурси зурба къаркъа вегІ мангъушличир сарри.

– Сен ихтилат бехІхІебирхъули?

– Манкъуш селичи хІерли?

– Лябкъути бакІили ахІену?

– Дигахъу къалли замана зузбарес...

– ХІу, дила узи, къалабалихъар, талхъунтира уздантира чиналра къалабали ахІен.

– АхІен, гъайгъай. Илдас ишдигъунти шадлихъуни диалли, баибси саби. ХІянчи барес къалабали хІебиэсгу?

– ГІе, илдани кеп-чеклизир гІямру дуркІули саби: Аллагълира дунъяла бутІа леблисалра цаван бедибси ахІен.

– Бати, илдасра ахират цагъуна саби.

– Чили балуси?

– МайкІуд, гъари, Аллагъли гъар секІал далути сарину...

– Сепайда, гъатІи...

ХІябалра балликъяна рябхъдарибти урчачиб талхъа чятирла гъала баиб. Цуг-цугли ванзаличи тІяхІкабухъун. ИлхІели мангъуш талхъа уршиличи гъамиуб ва серил шивкІивбариб. Аргъеслири: мангъуш Гъазагала талхъан Амирбег вакІайчи хІерли сайри.

ХІямзатли дубхІехъили, манкъушлис бекІ гъакІбариб, гІур ил, урчира гъаббуцили, абзаначи хІядурбикІути зилантачи ватихъиб. Илис гІелабад – Жапарра ТІалхІятра.

Селрацад замана хІедикили лерай, Табакъла диркъаличи дурабулхъуси къячІикІличибад кІел урчи дабгибси пургъум гъаббакІиб.

– ХІера, ит!

– Талхъан лявкъули сай!

– Гъунибарая Гъазагала талхъайс!

– Ургъаб нушала талхъан!

– Цалабикибтала ургар тІама-гъама адердиб. Пургъум, гъалли чятирличи баэс шел ганзцад калунхІели, тІашбизур. Иличибад гъала-гъала талхъан, гІур талхъа хъунул Издагай, кабацІиб. Чумал нукерра къуллукъчира илдаци гъамбиуб, икрамбариб.

Амирбег сунела арилиубти махлукъатличи шуряхъиб, гIур «ассаламу гIялайкум» или, ахъли салам бедиб.

– ХIу араираби, нушала талхъан! – цахIнаб тIама зайбухъун цалабикитала, чунира, бургира гIяшдуцили, икрамбирули.

Амирбегра илис гъунибаибти къуллукъла адамтира чятирла гьаларти тухрачи кабибхIели, байрахъра гьакIбирули, мангъуш гъамиуб.

– ХIу араираби, хIурматла талхъан! ХIела пурбайчи хIерлира.

– Лябкъути гIур кали хIебиэс?

– Лебилра цалабикили саби, дила талхъан.

– Дурала адамти?

– Унраличирти шимала вакилтира бакIили саби.

– ГIяхIси саби, гIяхIси саби, или биалли, хIед гъайикIахъес пурбанбирулра.

Мангъушли махлукъат сунечи хIерли бахъхIи хIебатур, сукъба кисализибад суранна кIапи дурасиб ва абзанала сияхI белчIун. ГIур, жагъилтала къукъяличи хIеризурли, тIамадариб:

– «Терхъапяхъ»!

– Ил ца девли аргъахъиб цаибил абз терхъубачил бирхIутала биъни.

Авидлизи, терхъубира ахъдуцили, вецIну шура гIулухъа дурабухъун ва илмадан, кIи-кIел хIясибли декIарбикили, цаличи ца терхъубачил чебухъун. Вякъарла тIамрани тIабакъла диркъаличи чебихъунси лехIдеш буун.

– Гъу, селичи хIерлири? Урухиубли хIейиши, тIалхIят? – ХIямзат юлдашличи дугъаизур.

– УрухкIули виасри, иша хIякъира. Биур набчира ярга.

– ХIера се бирулил Залимханни? КIел къаршикарла терхъуби някъбазирад кадикахъиб.

– Залимхан урехиагарли вяшикIули сай. Устадеш къалли халати лертигъунти ахIен илала. ХIу сейкIуда, тIалхIят?

– Вати, чебиэхIену. ХIебалас, ну кавхъасли ахIенси? – иб Жапарли.

Хапли хъутри кустура дарили, авидлизи тIалхIят дуравхъун. ИлхIейс хIябал абзчила терхъуби дячири, хIябал цархIилти, терхъуби някъбазирад датдухъни сабабли, удибикилри. Залимхан, цалис гIергъи ца бяхъяни чейгахъули, Шумралла гIяялизивадси га диран Макъсудла урши ХIяжибегличи чевашулри. Гъамируси тIалхIят чеили, ахъ-ахъси ца дурашан гIулухъа, иличи ласяхъиб, абзличи жирули, иличибяхI терхъа гьакIбариб.

Юх, илдала жал бахъхIи кахIелун: «хIяйт» или, арсланван чевхъунси тIалхIятли хIябал бяхъ сарри дарибти, ва къаршикарла някъбазиси терхъа ванзаличи арцур.

– Чебаирив тIалхIятли барисби? – викIулри Жапар, ХIямзатличи дугъаилзули. - Аммаки талхъа урши иличи лехIихъули ахIенри: илала хIулби бяхIчиси музаличи тIашбизурти чехъертачир сарри, зубарти-ургаб урхIмешуахIенси шалаличил декIарбулхъуси зубари баргес умцIусигъуна сайри. Илала гъарбизур, сенахIенну ца дублаб тIашбизурти, цIуба декIнарти Гъидаятлара Кумсиятлара ургар баягъи ХIялиматра лерри. Илала паргъатдеш буунси Дибга гIяякан издагра лерри.

– КъалабамайкIуд, Жапар, Залимхан гъачамлис цIакъли сай, – ахирра ахир сунечи кIайизурси юлдаш чеили, жаваб чарбариб ХIямзатли.

«Терхъапяхъ» гъалахили багъес хIейрар: бегIла цIакъси ва някъбазис халаси къуватла вегIлара терхъа бячес яра чеббикес асубири. Илкъяйда бетаур

гГурра чумал гГулухъалис. Авидлизиб Залимханра ТПалхІятра калун.

Залимхан къалабаикІули ахІенри: ил вамсурлири, майали тІутІуикІулри, сенахІенну абзличира ил ТПалхІятличив гъалав дуравхъунси сайри, илини мукІурбакІахъахъибти гГулухъабира бахъал сабри.

ЦІурмигІян ТПалхІятлира хІяагардеш далути ахІенри. Вамсурли левай Залимханничи чевхъес илизиб ихтияр лебли биалра, левси мерличив тІашли калун. Ил хІерлири, Залимханни гъалаб-гъалаб тІерхъа ахъбуцайчи.

– Гъу, юддаш ТПалхІят, селичи хІерлири? Чевхъен! Ну хІядурлира! – иб чеб-чебудуси тІамаличил Залимханни.

– Бамсриахъа, дила узи, бусягІят хІечи чевхъни бархъси ахІен, – жаваб чар-бариб паргъатли ТПалхІятли, букІун хъайхъиличиван, тІерхъаличи хъарихъули.

Юх, илдас илкъяйда цаличи ца кІайбизурли, бахъІи калес бетхІеур, сенахІенну хІербикІути, някъба гъакІбикІули, вявбикІулри:

– Эй, Залимхан! Аъкамархъуд! Чевхъен!

– ТПахІят селичи хІерси?!

– Абзлизир юлдашдеш лерти ахІен! Эй, ТПалхІят, чеббуша илала някълизибси тІерхъа!

– ХІу цакъсири, Залимхан, яхІбара!

– ХІу удихІеркуд, ТПалхІят!

ТПалхІятли музаличибти рурсби-ургар сунечи хІеррикІуси Кумсият че-раиб. Гъандикиб илис даг бархІехъ Кумсиятли дурибти дугъби: «ТПалхІят, макъяд иш гъакІлис абзличи». «Сен хІякъусира?» «Набчи ракІили Гъидаят лерри... Илала гелешмеш Залимханра ила аркъули сай...» Ну илизивад урукІули ахІенра, Кумсият». «АнцІбукъ илизиб ахІен. Нуни итира балулра хІу чедииркни... Гъидаятли буриб, Залимхан халаси уркІила вегІ сай... Абзлис гІелаикалли, гГурра диркъаличи гъавулхъан или, къакъаракІилри. ИлдикІун, дила ТПалхІят, гъамли мекъ барес хІядурбикІули саби...» «Гъанна иргъулра хІуни буруси, чІянкІли, дила ашна, наб сеннира иличил гъуниваэс чебиркур. Абзличи дурахІевхъни хІербикІутанира дила юлдашунанира усалдешлизи халбиру... ХІу къакъамарикІуд, пикрибирис се-биалра...»

Гъайгъайрагу, чула ургабси ил ихтилатличила ТПалхІятли я ХІямзатлизи я Жапарлизи бурес хІейри. Буресра асухІебири...

Бемжур Залимханна ва ТПалхІятла абз. Вякъ или чейгути тІерхъуби гъарахълирад духъанти шушкІначи мешудиркулри. Гъар бяхълис тІерхъа гъабурцули, ТПалхІят гІелавяхІ хихикІулри, Залимхан чевашулри, гъачамличиб гъачам гъужум цакъбикІулри. Залимхан вамсур, чевашес ярга къаршикарла сабри. Амма хІербикІутира тамашабирахъули, ТПалхІят тІашизур, тІерхъара бекІла чедиб ахъбуцили, тІалван ца мерличи кайзур.

– Се бирули ихини?! Чевхъен гъари! – вявикІулри Жапар.

– Эй, ТПалхІят, ускаирив?! – тІамадирули сай ХІямзатлира.

Ил райвиэс хІядурли виалли, гъатІи ца гъатІи гъужум бяхІчииис викІухІеливан, Залимхан сагали чевхъун. Юх, илис халаси гъужум хІяжатхІебикиб: ТПалхІятла някълизибси тІерхъа шайчібяхІ арцур.

– Залимхан чедиикиб!

– ХІерагу, ишдусра Дибга гІяякан гГулухъа цакъли увухъун!

– Ургаб Залимхан!

ВявбикІутачи ласра хІяхъили, ТПалхІятли ванзаличибад сунела тІерхъа касиб, гІур, гъамиубли, къаршикарла някъ цацІабариб.

«Бирар илкъяйдара. Чис хабарри? – биклутира лебри. Бетаурси балути бахъал-деклар аги: сай Палхятра, илис ахерси Кумсиятра, илала рархъя Гьидаятра сабри.

Мангъушли сагаси абзличила багъахъур: илди урги-дергаличил ярагъла-биубти урчала мурдаби сабри. Табакъла диркъала цугдайниб катли бухъяна гарас лебри, гарасличи баршили цукли бицибси, адамла куцличи мешубикахъибси гавлагра лебри.

Илаб жалбухъес балкъаурти вецал мурда сабри. Илдала лугилизив Хямзатра леври. Гьарил бутакъянчис дедлугути хябал урги сарри, илди, урчи дуцбарили, дергализирад гьар-гергъили хяртдарес гягнилири. Гавлаглизи хябалра урги атлахъес виубси, илхелира илала дайлизи, чедибдеш сархибси ветарусири.

Бег гьалав хунтена ябуличив Халал гяялизивад вакибси хъубзара Гьарумла урши дуравхъун. Гьалар-гьаларти клел целдум илини лишайзи атлахъун, хябэсил дуг арбяхъун.

Илис гелабад абзлизи дурабухъунти клел урчила мурдали гавлаглизи цаца урги сарри атлахъес биубти. Къяцалангбашахъули хъанца тяй урчиличив вагъариубси Дейбукла шилизивадси вишга-вишгаси жагъилли хербиклути уркбухъахъун: илала хябалра целдум лишайзи чегиб.

– Ге, гъанна хед гьамадли хебирар, Хямзат, – илала къяшличи хъат пяхъирули, иб Жапарли. – Чебаирив, се барибал дейбуклан гяхяй?

– Чебаира, гъачамлис бархи ахъили ахен, дила узи.

– Илала ца урги саби лишанна дайлизи атлунси. Ху къакъамайкуд, – гъамиуб илдачи Палхятра.

– Къакъахейкес вирару, набчи хербиклутира лебли биалли?

– Чериулра: Дибга гяякан Хялиматла хечи бархъаибси хер хела ургичибра бугаси биэсгу, виклулра.

– Валлагъ, уртахъ, бургар.

– Талхъа урши удикибси хабарра хейгахъира.

– Набра хейгахъира: илхеликлун Хялимат хечи ласра херирхъур. – гъинчизур Жапар.

– Вайси тягбир мабирид...

Хямзатличила къайгъилизибикибти юлдашуницун ахенри. Неш Издагайлара дудеш Амирбеглара хулби уршиличир сарри. Эгер асубируси биалри, тахра бархъатурли, сунела Хямзатличи гьамхериубли Издагай херуи: гядатлидиубти тяхяр-къяйдали ил барес асухебирахъулри. Бархил, Хямзатлисра малхямти ва сунечи урки изути «абас ватхъали» хейгахъи.

Бара абзлизи дуравхъес виклули левли, Хямзатли гъачам гьатли музаличибти чехъертаци хулби хердариб: ил манзил, хера иш нура лерра, нура ху багъандан къакъаракилра риклусиван, Хялиматли балуй някъли илис лишанбариб. Ил лишан сабригу ил манзил талхъа уршилис бегла гягнисира.

Хямзатла Айгъир дягван бетухъун диркъбикличибад, ванзализи алтути нукубани къарла къалми геладяхли лайдиклулри. Шипбяргибти цалабикибтала херанаур цалис гергъи ца лямцдухъун лишайзи арцурти хябалра урги. Хяблинра гарасличибси цукла гавлагла дай бархъиб.

– Ургъаб Хямзат!

– Къучакъ урши!

– Илини марбариб талхъа у!

– Арали ватаб гъзаган ХІямзат! Нушала багъадур!

– Илизивад гъарли-марси ургъан ветарар!

– Дерхъаб талхъа уршила гІямру!

Гъзагала талхъай, сунези сунени «Дурхъаси Аллагъ, хІуни мяхІкамвара нушала урши» или, хІяна муцІурличибад хъат хІяршбариб. Илала разидеш балахъути лямцІдухъунти хІулби сарри. Издагайли хІулбукІри тІашаэс я дигІянбарес хІериуб, уршиличи пахрула нургъби гъардакІиб, аммаки, чилилра чедаайчи, дарайла явлухъли хІяршдарес ралкъаур. Бажардирикиб ил дигІянни талхъа някъличи сунела някъ чебуцесра.

Мангъушли абзани тІашаиб. «Шадлихъ байрамла аги-хІяйзиб биахъес багъандан, гъанна нушаб дам-дяд гурдухъалри, гІяхІси хІебирив?» или, илини талхъа чътирла мякъла утначи кабиибти дерхъибти супелтар дяднучІачи ва маза къапІалиу хІулби булан дигІяндарибси гъести гІямрула дамрухъячи хІеръиб.

ИлхІяйзиб гъала-гъала дядла цІиркІси тІама, гІур биалли дамла къутІуръала гъарахъти лусентазир гІер-гІерагъур.

– Цаибти делхъ нушала хІурматла талхъан Амирбегла ва илала Издагайла дирар!

Мявализи дурабухъунти мурул-хъунул гъар-урла делхълизиб багълали жургъбухъун, илдас алавбиубли, лебилра талхъа агълу хъатбикІесбяхІиб Булхъутас цалабикібтала чархараби, мубаракуни арцур.

Ца мявализи кабурцару гъатІи илцад махлукъат? Делхъличи гъирадухъунтани Тіабакъла диркъаличир чумал авид дариб. «ГъарсяхІ»-ла тІама-гъамализир жагъилтани делхъани демжахъур.

ТалхІят лехІли уэс хІейуб: дуцІли вякъи, мурчІ бедили, сунечи хІерси Кумсият делхъличи жирариб. Камси сабурбарили гІергъи, сеннира Жапарра Сайгъанатличи хъярхъикиб.

Делхъра дарили, авидра бархъбатурли, кІелра юлдаш ХІямзатличи гъамбиуб.

– Уулрив, гъари, тІашли? ХІялимат хІечи хІеррикІули, хІулбала релгъули саригу, – иб Жапарли.

– Нуни делхъ далути ахІен, я гъачамалра дарибти ахІен.

– ХІедагъес се леба? Някъбира ахъдуцили, авидлизив жургъухъен, къяшми сари-сарил дулхъес дехІдирхъур.

– ХІейрус, дила узби, цахирус...

– ХІялиматли далахъану, кавхъен авидлизи! – хъуцІарлизи къуждариб ТІалхІятли.

– Юх, хІейрус...

Асубири, сеннира ХІямзатли Дибга гІяякан издаг делхъличи аризахъесра, нагагъладан дяхІчили кабиили сунечи хІербикІули талхъан дудешра неш Издагайра лебти хІебиалри. Илала баркъуди дакІу-гъаргли бегІтас децІагахъни бетари.

ХІябалра балликъяна рурси, ца шайчи декІарбикіли, чула ихтилатлизиб сабри.

– Жан ХІялимат, хІуни живарадри ил делхъличи? – рикІулри Гъидаят ралликъянази, декІала дубра дяхІличи битІакІили.

– ХІерирус, илгъуна гІядатра лебси ахІен.

– Талхъа урши урузкІули сай, хІейалри, делхъличи кахІевхъи хІевъи.

– Урузкѹли ахѹен, урухкѹли сай.
– Чизивад?
– Дудешлизивад, нешлизивад... Хѹшани хѹебалулрав, ил чила урши саял?
– Аллагѹличира, рирххѹерус! – иб ахѹли Кумсиятли.
– Талхѹа урши виалра, ил нешла хѹевализи вархибси хѹяша ахѹен.
– Хѹуни дахѹал далулри, Кумсият?
– Гѹачамѹун ахѹен ил Тѹалхѹятличи шадив вакѹибси. Иличи лехѹихѹухѹели, талхѹунтала кѹамла сай илира гѹанхѹебиркур.
– Сейкѹиба, жан Кумси? – гѹирачерриуб Хѹялимат.
– Лерил дурибти чина гѹандиркули? Амма гѹайлизиб багѹеслири, ил я бегѹтазивад я урхѹлизивад уруххѹекѹни.
– Набчила селра хѹебурибу?
– Хѹечила хѹебурес вирару? Хѹечи карѹѹли, Хѹялимат, ил кѹагѹли виалли.
– Вай, марикѹуд, гѹари.
– Аллагѹличира, нуни багѹурра хѹу илис дигахѹули риѹни... Биалра, ила-ла бегѹти разили хѹебиѹнира багѹурра... Гѹазагала талхѹан Амирбегличил хѹушала душмандеш диубтирив, Хѹялимат?
– Нуни иличила балуси ахѹен.
– Хѹямзатли?
– Хѹямзатлира илгѹуна хабар хѹебуриб.
– Нунира илдигѹунти хабурти далути ахѹенри, мар саби, кам-гѹамти баян-ти гѹандиркур, – ургарухѹун Гѹидаят. – Сенрил нешли ихтилатбарибсири... Хѹялимат, хѹуни-деклар хѹебалулрив хѹела дудеш Гѹазагала талхѹай калунси виѹни?
– Балулра... Балулра, ил Хайдакѹла уѹуми Ряхѹимханни кавшахѹибси виѹнира... Нуша Гѹазагала шилизирад Дибга гѹяялизи дуракадатнира... Амирбег талхѹаннара дила дудешлара ургар душмандеш лерни аргѹибси ахѹен...
– Пикримабирид, рузи, лезмуни дугутала дурутира дахѹал дирути сари.
– Набра хѹейгахѹис урхѹла бугѹганти, – иб Кумсиятли ва гѹай цархѹил шайчи шурдатур: – Гѹу, биур нушабра бунагѹуни дурчес: вегѹли чебаибсира урхѹли бурибсира цагѹуна хѹебирар. Хѹерѹая, гѹари, дам–дяд тѹашаили!
– Абзани даимдиубли диѹс?
– Набра илкѹяйда гѹанбикиб...
Ил ихтилатлис гѹергѹи, гѹайгѹай, Хѹялиматла разиси гѹав ѹѹудара пикрума-ни ясирбуциб: «Душмандеш... Нуни сен хѹедалути илди? Хѹебиалли, Хѹям-затлис ну душман руилрав? Я нешли набзи уркѹигѹаргли гѹачамалра илгѹуна хабар бурибси ахѹен. Нукѹун гѹанна вай-гѹяхѹ дагѹеси, пикридареси дусмачи раилра. Хѹейгахѹис вегѹла дяхѹлизи хѹедурути, урхѹла мухѹлубани вегѹличи дихути. Илхѹелира халкѹла хабуртазирван, халадарили. Марли, Хѹямзатли гѹар секѹал далулив? Душмандешла хабуртира аргѹилив? Или биалли, сен ил набчи ванали хѹерикѹуси? Гѹимихѹедулхѹулира душма рурсиличи? Нуни белгидирис, нуни гѹар секѹал гѹячихѹдирис! Илди бугѹганти сари!»
Тѹабакѹла диркѹаличиб гѹурра халкѹ сакѹуб. Гѹулухѹабани кѹел халати зехни дакѹудариб, талхѹа чѹатирличи гѹамли дяхѹчили кадихѹили, илдачи царкни чедушиб. Гѹур мангѹушли накѹрала устни абзлизии жибариб. Илди урgab чугурти, зипикѹуни, шяллитѹуни ва сирнявти някѹбази ѹѹаѹадарибти лебри. Зехнила ца дубличи кайили Жапарра леври. Илини чугур балиулри.

– Хіуни чидил аги зайбулхъахъида? – хъарбаиб ПалхІятли, мякьла гъами-рули. Циила тјидили тІашизурли ХІямзатра леври.

– Делхъла макъам гІяхІсив яра далайла макъам бяхъишав? – суайс суал чарбариб Жапарли.

– Хурухла делхъла агили лебилра хІяйранбиру. Агъ, бахъ дигахъис кълли ил наб!

– Наб биалли жявхІелла далайла макъам гІяхІбилзан. Ит лебригу хІуни бучІуси, чила сабрил хІебалас, «АлкІалли урши акІаб» бикІуси, – сунела пикри буриб ХІямзатли.

– Ил макъамра гІяхІси саби, амма иличил далайра бархбучес гІягІнибиркур.

– Буца гъатИ! Ахъли кьиматлабиру.

– Эгъ, дила узи, ишар далуйти дучІахъути ахІен кьадин.

– Сен далай хІебучІахъуси?

– Низам илгъуна саби. ХІуша дикІули дургудая, лебилра ишди накърачиби далайлара устни бургар или? АхІен, далайбикІути ахІен.

Ил бархІи накърачибала жал бухъянбитІун. Чугурчибала агурби тІашдизурмад, дяднучІаби бехІбихъиб, гІур шяллитІунира зипІикІунира дучІесаиб... ТІабакъла диркьаличирти ихтилатуни хІерила манзиллис таманкадиуб. Амма, гІебшнила БархІила байрамла хъарахъуд гІурра калири.

Авлахъла хинкІра берки, лебил махлукъат Шумралла гІяялизи убяхІяхъиб. ГІядат хІясибли, ил шадлихъличи музаухъунси гъарил адамли аршила маргъ бехІбирхъусири, гъарилли аршила ца-ца бегІми дарес чебси сабри. Илкъяйда - талхъайра илала хъалибарглира...

БерхІи ТІумала ХІулби бикІуси дубурличи гІяшбиубхІели, чедаиб-дакъиб-тала хабуртара бугъули, лебилра чула шими-махъурбази чарбулхъесбяхІиб.

Урчачи мурдали хІябалра юлдашра батбихъиб. ДекІарли, сабицун. Ил-дала гъав цагъуна хІебиъни багъеслири. ИмцІаливан ХІямзат ва ТІалхІят гъайбикІулри, Жапар биалли гъявкайзурлири ва пикрумази мурхъикилри.

– Чис хабарри уркухъан ХІябиб шадлихъличи лявкънила? Илала зипІикІу-нани накърачиби уркІаиб.

– Накърачибицун биалри, лехІихъутира иличи кІайбизур.

– ЗипІикІунала илгъуна уста Уркухъла шилизив левни чилилра балули ахІенри.

– Валлагъ, ил бархъси саби. ХІябиб зипІикІунала сихІрукъяли калири. ГІярбукІан жагъилли, иличи кІайизурли, някъбазибад чугурра кабикахъиб.

– Пагъмула дазу лебси ахІен, дила узби, – хІейгу-хІейгули иб Жапарли.

– ВикІирагу ну хІези, гъаб-убла далайла макъам бяхъя или, лехІхІейзурри.

– Нуни маслигІятбарибси Хурухла делхъла агира кьабулхІебарирри.

– НабкІун гІурра гІяхІли бетаахъес дигулри: илбагъандан чилилра хІе-балуси сагаси макъам бяхъибсири. Сепайда, гъархІебизур кьадин. Иргъули ахІен адамтанира...

– Селра хІебирар: дусличи дус чебашуси саби...

Юлдашунала ихтилат, урцул дигубли, бишунси анкъиличи мешули сабри. Жапарлис маслигІятбарнилизивад гІяхІдеш аги. ИлкІун вирхулри, иш гъакІлис чедибдеш сархниличи.

Илди хІябкъяйличи баиб.

– Гъу, гІяхІли каленая. Дила Кумсият жявлил хъули раили рургар, – иб ТІалхІятли, юлдашунала някъби цІацІадирули ва Чаргас сунела ЦІурмигІя махъилизи аркъуси гъунчи ласбирули.

– ХІедра гъунби гІяхІдираб!

Гьунчиб ХІямзатра Жапарра калун. КІелрацІун калунхІелира, илдала льякьир сагабирули ахІенри, саби бегІти пикрумазиб бетахьиси баргес ум-цІутиван сабри.

Камси гьатІи гьуни ахьибхІели, ХІямзатли ургьур битІакІиб ва урчи тІа-шаиб.

– Жапар-узи, чевверхи, наб гІелавяхІ чарухъес дигула.

– Чина? Ил се хабара? – тамашаиуб юлдаш.

– Гур бурис, гьанна набзи суалмайкІуд, – бизахьур ХІямзатли, Айгьир кьяцалангбилзахьули ва Дибга гІяялизибяхІ рьябхьбирули...

«Се сари ишдани дирути? – пикриухьун Жапар. – Ца сунела цІикурличи ЦІурмигІя махьилизи арякьун, ца ДибгагІяялизи вацІала издагличи гьавухьун. Ну ургус хьули укьес гІягІниси? Дила Бялхьяли-декІар Халал гІяялизи гьуни хІебалусив? Набра Сайгьанат чераэс гІягІнили ахІену? ЧІянкІли дигахьув гьанна илис набчил, абзлис бажардихІейкибсилечил, гьайрикІес? Сайгьанат-лира, хІу гапчи, наб далуйтани учІулихьар, халкьласун чугур бяхъес бажар-дихІейкири или децІагахьалли... Гур наб се кавлули? ИшбархІи хІябилра гьархІебилзули леб! Юх, диур архІяби! Сайгьанатличи укьес гІурра бархІи льябкьян...»

ХьуцІарличи чекахьиси чугурра балбарили, Жапарли урчилис гІярчумаг гьакІбариб...

* * *

Урчила гудурьала аргьили, ХІялимат гьунила дублабси дергла кьадала гІела дигІянкиб: «ГІягІнили бурги нуцун чаррухъес? Гьидаят-мага набчил парх калунси риалри: сунела Залимханничил Шумралла гІяялизибти тухумта-чи аррякьун. ХІерели биалра, вацІала дякькад ганзрикІес кахли хІебири. Вай, аллагь, дила гІямрулизир гьар секІал сен гІеламгьарти?»

Гьалли дергла кьадала мякьлар урчила гудурьала тІашдизур.

– ХІялимат, урухмакІуд, дурарухьен гьунчи! – ХІямзатла тІама чехиб.

– Жан, аллагь, урки дурабиркули бара калунгу, – рурси гьунчи дурарухьун.

– ХІейгибизуру?

– ХІейгира бизур, урухра риубра, хІезирад гьаннара урухкІула.

– Агьагай, гьари, чебухъес хІядурбиубси вацІала бецІалра хІейасли?

– Адамти жаниваргачиб гьатІира урехила бирути саби.

ХІямзат урчиличивад кацІиб, ургьур дергла кьялиличи чехьиб.

– ХІела хІулбазив ну жанивар виъни хІебагьурра. Я набзибад хІед урехи лебни хІебагьурра.

– Дила гьай хІергьусила гІермадирид: нуни гьар секІал далула.

– ХІялимат, се саби балусилра? Набзира бурагу...

– Нушала бегІтала душмандеш... Аргьес рирули ахІенра, гьанна хІу се багьандан наб гІергьи вашурил. Вайбарес? ЧеббицІес?

– Паргьатри, ХІялимат. Нушала бегІти-ургар душмандеш лерниличила гьаб-уб нунира балуси ахІенри. Багьурли, лерли диалра, дила пикри чилилра барсхІебиру. Гьаларла анцІубукьунас нушани ишбархІи жавабардеш дихути ахІен. Яра хІела пикри цархІил сабив?

ХІялиматли жаваб чархІебариб, багьлати гунзрачил циила ХІямзатличирад гьарахьрикиб.

– ХІебиалли, ХІялимат, хІед ну цІудара душман ветаурлирав?

- Нуни илкъяйда хЕира.
- Аммаки хЕела пикри барсбиубсиван билзули саби.
- Пикрумазир се-дигара дирар.
- Аргъа, ХІялимат, дила хЕечи хЕер я урхІла хабуртани, я бегІтала масли-гІятунани барсхЕебиру.
- ХЕебиалли, бегІтачил хЕелара ихтилат бетаурли балан?
- Бетаур. Къанни яра жявли илкъяйда хЕебиэс гІямал аги.
- ХІямзат, хІуни хЕебурадлира, нуни балулра: хЕела бегІтани, талхъунтани, ну къабулхЕерирура... Илбагъандан нушала бархбасуни мурхъхЕедарили, урхънира хІурхъираван, гъарахъли двахЕелли, гІяхІли бирар.
- ХІямзат, гъай чарбарес къалабахЕейкили, сунечи вякъризурси ХІялимат-личи гъамиуб.
- Масъала гъамадли гъунчибуршули ахЕенрира, ХІялимат?
- ГІур се рикІиша ну?
- Дила гъай бурес асубирару?
- Асубирар, гъайгъай.
- БегІти ахЕенну, мусни-зубри къаршили кадизаллира, нуни хІу хъумартес хЕейрус. Нуни хЕези «вацІала издаг» или гъачам бурира, гІур барсбиурси ахЕен. ГІур илди гъай чизилра дурути ахЕен. Иргъулрив, рурси?
- ХІялиматлис сунела къакъари гЕекІибсиван бизур, ХІямзатла гЕергъити гъайлис селра бурес ралкъхЕеур. Илини уркІила мурхъдешлизиб гъалабал илгъуна хъул билкъули биъниличила балулри, илди гъай аргъесра ил хІя-сратли рирусири, сепайда, ХІямзатличил къарширикес бетхЕеур. Сайра иличи гъавхЕекІиб. Гъанна илини дурибти дугъби гІяжан рурсили, мургъила хатІли делкІи, дурхъаси кІаван хъябличи чекахъес рири: замана-замана хъябличибад ил кІа убкасили, цунрухъунхЕели яра пикрума саруцахъибхЕели, карили ручес ва сунес сунени паргъатдеш бургес.
- Бизсара хІу викІуси? – вас-васъала дархси, гІяшси тІама чехиб рурсила.
- Бирар, ХІялимат, чІянкІли хІура чІумали каризес чебиркур, эгер набчи авараагарли хЕериадли. Наб хЕезибадра бархъдеш аргъес дигахъира?
- Се бархъдеш?
- ХЕед «вацІала издаг» викІуси ца нуцун виъни, цархІил агни...
- ЦархІил агара, хІура паргъатии, талхъа урши. Я вирхЕейрар дила гІям-рулизив...
- Баркалла, – иб ХІязатли.
- Илини гъамиубли урчила ургъур арзиб, гІур, гъаббуцили, урчи ХІялиматла мякъла киб.
- АрацІи урчиличи, нуни хЕела Дибга гІяялизи раайчи гъунирралтарину.
- Юх, хЕерирус ил секІал барес.
- Сен? Урчиличи мурткІал мурдахЕериибсирив, гъари?
- АнцІбукъ илизиб ахЕен: ну гІяялизи аркъули ахЕенра. Дукирси нешличи аркъуси сарра... Сеналра нушаб гъачамлис дарх чедаахъес асухЕебирар... ХІямзат, хІуникІун иргъулри, наб шутІни-къунби тІинтІидиубли хЕейгахъира.
- Набра хЕейгахъис... Ну урхІла гъайлизивад урухкІули ахЕенри, ХІялимат, аммаки сахъдеш барни вайси ахЕен. Ягъари, хЕела зилан рурси Гъидаят сен рарх агарси?
- Гъидаятра Залимханра Шумралла гІяялизиб калун.

– Илдас къалли гІяхІил бургар? КІелрацун дигайла хабуртазиб. Илдас урхІла дуруталара авара хІебургар?

– ХІямзат, илди мекъличи хІядурбикІули саби. Гъидаят Залимханнис гъайрарила, кІиэсил дус шалгІеббулхъули саби.

– Нушани се бирехІев? ХІела нешлизи уркІи бурес мурт вакІиша?

ХІялимат уркІрухъи хІякризур.

– Дила нешличи викІуду?

– Дигалли хІела тухум-агълуличи вакІесра хІядурлира. Уруз-уруххІейрус...

– ХІямзат, се саби хІуни буруси? Рурси гъайрарес уршби бегІтачи башни хІезибад ахІи бакъибси ахІен.

– БегІти хІякъули биалли?

– ХІякъули биалли, хІура макъяд!

– Разилира, ХІялимат. ХІебиалли, гъаррилтІари. Игъуна гІядатра лебси саби нушачиб.

– Гъуя, хІела гІямал мадуъ! СейкІусири гъари хІу? Буресра вирули! ГъабилтІути чихъали бирутил талхъа уршили хІебалули валан?

– Балулра, шери ракІес къабулхІериркуси рурси...

– Нура илгъунализи халрирулрав?

– ХІела анЦІбукъра дурусли гІячихъли ахІен. Белики, хІела неш Хачабани нуни бархъибти гІяхІли унабурхІличи атхІебацІахъес? Белики, илра душманти гъарахъбарая, илдас редес раркъили арикъурси ахІен дила цацун рурси или, къабулхІебарес?

– Дила нешла илди гъай хІедирар: илис ну дигахъусира.

– Нура хІейгахъули ургус дила бегІтас?

– Нуни хІебалас...

– Гъайла къантІа, ХІялимат, хІуни нешличилра ихтилатбара, хІерли диирая... Гъу, раши, гъари, Целда бехІличи-мага риахъурину.

– Юх, ну чиналра мариахъаба. Ишди дуки-гъуйчир неш лерси сари. ХІура чарухъен гІелавяхІ...

– Гъамадли ахІен... УркІи хІечи къакъабикІахъули, чарухъес гъамадли ахІен.

– Селра хІебирарну, укъен.

– Дила къяшми гІеладяхІ дашули ахІен, рахли дила Айгъирли архІевкасли.

– Диур хІела масхурти! Чарухъен хІела Гъазагализи!

Ил къантІа гъунибаънила ахир сегъуна бирил, багъес хІейри, эгер вацІала чедибси Целда бяхІличибад ХІялиматла неш Хачабала ахъси тІама чехІе-хібси биалри.

– Ва, ХІялимат?! Ва, рурси?! Чинаррив!

– Лерра, неш, ляркъулра! – нешлис жавабли биахъубли, ахъли вявбяхъиб ХІялиматлира.

– ВацІала издаг, хІерли рии! – иб ХІямзатли, урчиличи мурдаирули ва гІелавяхІ чарулхъули.

ХІялиматли дубхІехъиб риалра, вацІализибси гъунчиб талхъа уршила къаралди бетахъайчи, хІулби черхІесиб. ГІур, Целда бяхІличиряхІ гъайрирули, иб: «Ну мурталра хІечи хІерли рирус, дила талхъа урши...»

* * *

ХІябэсил бархІи ХІялимат дукир сарри. Дукира, «гъарахъли саби, мер-муса камли ахІен нушала Дибга гІяялизирра ибти», нешла маслигІятунира ца шайчир датурли, баягъи Буйрала бяхІлизи рашесрииб.

«Ил, талхъа урши чина вакІеса, иша хІекІили?» – рикІулри ил. – Лерил Хала хІеркІла вацІурби кьалли къяйцІдарес хІейрар. «БегІти ахІенну, мусни – зубри кършили кадизаллира, нуни хІу хъумартес хІейрус...» – викІи. Чинава ил, ляжи кІибутІ гъазагалан? ХІябэсил бархІи илала дяхІцІилра чебиули ахІенра. Уэсра вирули? Набчибси хІял балули виалри? Сен-сен ну илала дурутачи рирхес рирусира? Макъяд рикІулихъар, илгъуна гІядат лебси ахІен рикІулихъар, нушала хъули вакІесра вири, дила нешла дяхІ чедаэсра вири, сунела шайзибад вакилти бархъесра вири. Юх, иличибад хабар хили, цІудара къянара хІебакІиб. Талхъунтала уршби илдигъунти буилив? УркІи берки, чарх балтути, хІулби держили, хІел билтІути... Вай, аллагъ, сен ил набчи кършиикибси? Ну игъбарагар рурси язихърарес, дила дунъя убил-чебарес... Ишди аргъ-бархІира дуки-гъунила аргъ-бархІи ахІен. ХІябэсил бархІи заб тІашдилзули ахІен. Кариэс берубси мер агара, чесабуцес берубси палтар агара, буркъа дилигай тІагъаван шинни бицІили саби. ХІулбала гъалаб, мурталра чахъбикІули, гІебшнила бяргІибси дирихъ саби... Жан аллагъ, хІябилра дунъяличир хІериэси акІахъубли лерра? Игъбарагар цІуръа!..»

Рурси пикрумазир лерай, вацІала дублабси сирмугла къадаличирад кІари кьибдирути гІежни тирхъдхъун, бургира ахъдуцили, ца мерличи чукурдиуб.

– Эй, гъазагалан урши! Хъулкиван дигІянхІейкаддира, хІу виъни балулра! – вявбяхъиб ХІялиматли, хІешбиубси хъитІаличирад арилзули, тІерхъара хаббарили, сирмугла къадаличи гъамриуб.

ВацІализивад чилра дурахІевхъун, дялчути дерубти къялуби къябчІар-дхъун.

«Дила Аллагъ, синка хІебиалли? БецІ биалри, иткъяйда дигІянни гъабхІебулхъи», – пикрумазир ахирра-ахир дирихълизир гІячихъдиубти гІежа-къяй-личи хІерризур: ца БяхІцІа, ца Хъула кІел гІежа хІенкълизир диули ахІенри. Илмадан ХІялимат дуцІрухъи хІенкъ алавбариб. Дуба-карчІа умцІур. КІелра гІежала къел аги.

Хапли вацІала бухІнабад «мегІег»-ла тІама чехиб, сагали къялуби къябчІар-дхъун, шимла галгуби гъакІардхъун.

«Юх, ил жанивар ахІен, жаниварли ца гъакІли кІел гІежа ардхес хІебир», – уркІи кахли биалра, лебси мерличиб дилигайра чеббатурли, ХІялимат вацІализи ретухъун.

Галгубачирад кадиркути забла дяргІибти кІунтІра дяхІ-някъ ицули дилалра, тІерхъара убирхъули, ил вацІализи мурхърикиб. ТІашризур. ЛехІризур. Гъарахъдиркути гунзрала аргъиб. Гунзрира ца адамла ца жаниварла ахІенри, аммаки гІур «мегІег»-ла тІама бакъес хІериуб.

ХІера, ил вацІала чІянкІбикличи дурарикиб. Гъар секІал гІячихъдидиуб: ца-ца гІежара хъуцІрумачи адуцили, кІел хъулки гъаббухъири. Илдачир дулгъуби агарти, цІудардиубти хІякни сарри, бургачир маза къапІни сарри. ГІежнала тІама-гъама хІедакъахъес или, ашкарли, илдани мухІлуби гъяждарилри.

– Ва, хІуша аллагъли кадушарти! ТІашдизирая! – риругІер вявбяхъиб ХІялиматли.

Уркѣбухъунти вайнукъяби гъала-гъала тѣашбизур, гѣлабяхѣ ласбяхъиб, гѣур, чус урехи багъахъеси гѣергъиикибси мурул адам чехѣеибхѣели, гъалабяхѣ батбихъиб.

– Аллагъличира, чина дукъядалра, дургура, жан асарти!

Илабад хъяш-хъяшти жунабла къадубачилси лаг сабри. Хъулкни бамсур, хъуцѣрумачирад гѣежнира черасили, гугъииб. Мухѣлуби датдхъунти гѣежна-нира «ме-е-е-гѣегѣ»-ла аги каиб.

Вайнукъябачи гъамриэс чумал ганз лерай, Хѣялимат тѣашризур. Тѣерхъара ахъбуцили, илини иб:

– Хъярхъли датаа дила гѣежни! Яра тѣерхъали хѣушала бурги дялчас!

Вайнукъяби цаличи ца хѣербизур. Берхъибси муцѣурла вегѣ халалгъунани иб:

– Хѣела тѣерхъали дила бекѣ бячес хѣебирар, рурси. Чаррухъен хѣела гѣеж-начи!

– Ва, вацѣлала исбагъи, кѣел гѣежа мяштѣдирулрив? Хѣедкѣун даари гѣурра лер, – чебатур илала вархъяни, чѣичѣагъунти делкѣа хѣулбира лямцѣдулхъ-ахъули.

«Жан аллагъ, гъанна се бариша нуни? – пикри лямцѣбухъун рурсила гѣя-къулузиб. – Илди къачагъуначи тѣерхъаличил черулхъусира? Илдала вайлиур ханжултира лер. Урухриъни чебаахъаслира, дила гѣежни чардарес хѣериурс. Хъулкни набчиб чебдукарбирхѣур...»

Гѣяседшли рурсилизи урехи хъумартахъур ва, хапли черухъи, илини хъанцѣа хѣулбарлис тѣерхъали чумал дяхъиб.

– Хѣела жан ас! Хъярхъли батаа дила гѣежа!

Сепайда, Хѣялиматла чябхъин бахъ къантѣси уббухъун. Батаили гѣежара берхъибси муцѣурла вегѣли, хъямики рурсила някълизибси тѣерхъа буциб. Илала вархъя вайнукъя Хѣялиматла михъирличи хъямикун, хѣевара гъярбер-дили, ил ца шайчи лайракѣиб. Гѣур чебухъи кѣилинра аризахъесра хѣературли, рурсила кѣелра някъ дуциб, ванзаличи гѣинирариб.

Датдхъунти гѣежни, чина диркутил хѣебалули, циила тѣядили тѣашка-дизур.

– Къурумсакъ! Хѣу нушани паргъатриури!

– Гъари, Къазанбег, хѣеръа илала михъирличи! Сегъуна вацѣлала исбагъи сарил?

– Хѣя-хѣя-хѣя! Мурт нушала някъбази ишгъуна цѣуба лагъа бикибси?

– Цѣуба лагъала михъирличи тѣентѣра кабили хѣебургар?

– Дахъял гъай мадиридну, хъусрара ит вацѣлала рухѣна.

– Хѣуни се пикрибарилри, Султѣан?

– Хѣуни хѣебалулрив? Ишбархѣи нушала гъарбизурсигъуна саби: гѣежнира дикиб, даршал гѣежази рухъеси къуймурра рикиб.

Хѣялимат къагъриубсиван вяврикѣулри, вайнукъябазирад ратрухъес или пялхъяррикѣулри, хъаван гъачам цаличи, гъачам цархѣиличи къацѣрикѣулри. Юх, гъунар цагъуна ахѣенри... Гъярбердибси дукѣумила хѣевали селрацад хамха кѣапѣирули ахѣенри.

– Ну цаибил сайра, някъби чѣумали дуца илала, – иб Къазанбег бихъиб-сини, шалбарла ири ирзули.

– Сен хѣу? Набра илала рурсидеш дигулра! – гѣуркъбяхъиб илала вархъяни.

– Гѣур раргибси вацѣлала къуймур хѣела рирар. Гъай лугулра...

ИлхІели аргъиб ХІялиматли къачагъунани пикрибарибси убяхІси баркъу-
диличила.

– Аллагъ багъандан, ратабая! – тиладирухъун ил. – Гѣжнира дукая, цахІнаб
хІенкъ арбукая, набчи гужмабиридая... Тилади саби, ратабая... ГІур дила
гІямру кадурхар... Илгъуна цахдешличил ну хІерриэс хІерирус!

– Рурси, къанбиуб хІела балга! Нушала шайтІан чебаргъили саби, ил
гІашхІебилзан мурад хІебарили.

– Руадри хІела мерличир! КІел гІежа мяштІдарири... Гъанна дукили
рукъен!

– ХІуша ванзали къяраарти! – чІярбяхъиб ХІялиматли.

– ВяврикІен, ахъли чІяррикІен! Дила шайтІайс дигахъу ахъти вяв-гъав!

– Гъу, селичи хІерлири, Къазанбег? ХІейрули виадли, ну ила кайцІулла.

– Сабурбара, СултІан, хІела яргара биур!

– Гъари, гъари, гъяжрара чІумали! ТямхъярмарикІахъид!

– Руулив иш нажас?! Ца бяхъясли, хІебалас!

– Мабирхъид! ДяхІ куцагардирар!

Рахли шятІла гІама дурабикиб: рурсиличи чейкибси Къазанбегла сурсли-
зибад урги гъаббакІиб. ХІили рабчикІули, ил ца шайчи геркавхъун.

Кабикибси анцІбукъ хІергъули, уркІухъунси кІиэсил къачагъли рурсила
някъби датаиб. ШятІла гІама чехибси шайчибяхІ бекІ ахъбуциб: сагаси ур-
гили илала уркІилизи лишан баргиб. Илла, цІум дурабушесра валкъІеурли,
валликъянала мякъла геркавхъун.

«ЧевяхІси Аллагъли зубрачирад дархъибти цІала къялтуби дургар ну
рерцахъес» ибси цаибси гъанбикличил ХІялимат ванзаличирад ахъриуб,
гъаргдухъунти кани-михъирличи хІевала бутІни дитІакІиб.

БяхІчиси мяхІяулала галгала гІелавад лямцІван ХІямзат дураикиб ва хІя-
бал гІяхІли рурсиличи саиб. Ца гъайра хІеили, сунела валчагъ чебатурли,
ХІялиматла чІянкІудеш кІапІдариб.

Гъангарси балагъли ва гъатІира гъангарси кумекли илала дагъри дар-
хахъибтиван сарри.

ПялхъярбикІули, къачагъуни лебси мерличиб таманкабиуб. ИлхІели
ХІямзатли, ца-ца къяш дуцили хъусбарили, мякълабси шурмала гъярбиклизи
лайбакІиб. ГІур, жаназуначи дерубти къялубира чедушили, иб:

– Жанивартас – жанивартала бекІа...

Камси манзил кІайризулли, ХІялимат гъала-гъала руржескарииб, гІур,
хъутрира дяхІличи чедуцили, ахъли агъибяхъиб.

ХІямзатли дубхІехъиб, хапрарили, рурси някъбачи ахъруциб, бара гъалар-
ван ил ракІибси дякъличивад икили, гІелавяхІ вацІализи мурхъикиб...

Вязъалара гІашдизурли, дирихъ арбякъун, аммаки гъагултани гъачамлис
берхІи ясирбуцили лебалри.

ХІямзатра ХІялиматра гъанна гІежни гІяйкадиубси вацІала сиртличи
кабиилри.

– ХІези гъалабра бурира, ХІялимат, гъарахъли дуки марашуд.

– Илди вайнукъяби лябкъни нуни балулрив? Вай, аллагъ, иш балагъ! Иш
балагъ набчи сен бакІибси?

– Паргъатрии, балагъ чебарбякъи саби: илдани гIур хIела гIежначи чяб-хьин хIебиру.

– ГIежни къалли тIутIули дуаб сари! Игъбарбиуб хIу вакIни...

– ЦIелда бяхIичи ваибхIели, хIела вяв-гъав дакъира, ХIялимат.

– Илавад иша ваэс сен-сен бажардикири? Аллагъли хIед дуклума гили хIейалли?

– Юх, дуклума гибти ахIен. ДилакIун дуклумар Айгъир лебси саби.

– Ил чехIебаирагу?

– Итаб, вацIала дублаб батурли теб... Гъу, гъанна паргъатбиублив хIела уркIи?

– Паргъатбиэс бирару, жан ХIямзат. Илди вайнукъяби... Илди жаназуни... Гъанна нушани се бирусид?

– Селра бирусид ахIен: илди жаназуни дугIла жанивартасра арцантасра бергала саби. Чевверхаб набчивад Къудратла вегI!

– ГъанхIебирки, хIела илгъуна чIумаси уркIи бургар или, ХIямзат.

– ЧIумаси саби, чIумадеш гIягIнихIели...

– Илди къачагъуни багъандан нушаб танбихI гIебхIебиуру?

– ХIебиур. Илди вайнукъяби чис гIягIнити? Илди баргес чи умцIули? Чили бала чум адамла гIямру дайдахьибал къагъти жанивартани? Къасбара хъумар-тес, я ишаб бетаурсиличила чизилра гъанмабуршид... Нешлизира мабурид!

– Ишди гъардердибти палтар?

– Пикрибара буреси камхIебираргу?

– Жан Аллагъ, хIуни уркIецибара! Илира или, ХIялимат, ласряхъили, ХIязатличи хъябруцрикиб. Илала хъяб-алав някъбира делсахъи, кIибутIси ляжиличи малхIямли байдариб.

Михъирличи гIинибиубси байхъу гъаргси рурсила хамхала ванадешли ХIямзатла чархлизир ца душибсиван бетаур. Гъигъ барцбикибсиван сабри. Гъаб-уб хIебиубси тIягIямла гъав чебаргъиб, уршила дагърилизиб гъирбухъун: «ХIера, ил цIуба магъила хIурулгIян хIела дуклар. ХIу хъуликIуси, хIуни муэрлизир чериуси, сунела ца хIерли хIу къагъирусид. Гъяжрара михъирличи, цIапIакIахъа хIечи! Ил хIела сари, чилалра ахIен, я риэс хIерирар. ХIядурли сари хIед гъадуцес сунела дурхъадеш: ванати дугъбира, хIяланира, чарх-бекIра... Ца аллагъ, сегъуна бизити сарил илини дирути уммай. ИлкIун къагъли сари, нура къагъирулра, аргъайзивад улхъахъулра. Камси гъатIи дила сабур кабурхар: вицIус иличил варх нура. ЛехI, лехI! Гъари, тIаш! Илала шивкIиъала чедихули сари...»

Марлира, ХIялимат илизи шивкIиврикIулри: «ХIямзат, ахIерси, гъанна ну хIела сарра. Дила гъарил гъайра, гъигъра, дила хамхара гъанна хIела сари. Наб хIечил рарх хIерриэс къадарбиалра хIебиалра, хIела лагъ сарра. ХIед марси, хIед дигусид, хIу дигусид, хIу агарли дунъя беркIес хIерирусид. ХIядурлира хIу вицIусид барес. БайикIен набчи, тIашмалзад, наб хIела дуклар ребкIес дигулра. ХIу сайри дила дунъяличибси алжана. ГIур лебси ахIен селра. Селра лебси ахIен! Се бирулри хIуни, ХIямзат? Сен някъби хIярхIдалтулри? Сен тIашилзулри? Къябмавдахьид дила муриси муэр. Жан Аллагъ, ребкIахъаба, ребкIахъаба ХIямзатла михъирличир! ГIур селра хIейги наб гIямрулизиб...

Эй, талхъа урши! Ну рерцахъибси батир? Наб талихІла берхІи абалкунси багъадур? Сен гІашилзулри? Се бетаурли?...»

– АсухІебирар, асухІебирар, ХІялимат. Нуша бунагъкарти ахІенра... Лябкъян нушала манзил, – ХІямзатли рурси сунечирад тядиририб.

ХІялиматли гъанна бикайчи къяпІдарибти хІулби абхъиб.

– ХІед ну хІеригахъулрав, ХІямзат?

– Се саби хІуни буруси? ХІуникІун балулри. Яра хІед хъями-цІами дигулрив?

– Юх, наб хъями-цІами дигули ахІенра... Наб хІела ретаэс дигулра... БусягІят... Иш вацІала сиртличир...

– Рурси, се саби хІуни буруси? ХІу къагълирив?

– Ну хІела ризэс дигулра... Каса дила ламус...

Ляжилизи бяхъибси хъатли ХІялиматлис буцІарагахъиб.

– Абдалмарируд, ХІялимат!

Рурсила хІулбала гъалар ХІямзатла дяхІ гъанна цархІилти сарри. Жагати, амма къябшдизурти. КІунтІби чедуцилри, хІулби халакадаилри. Илди лишантани илала разиагардеш балахъулри.

– Чевверхи, ну къагъли руилрану, – или, ХІялиматли талхъа урши ватаиб, тядирикиб. Михъирличи къичура балбарили, аризур, камсиван къунзра рухъи, гІеларяхІ чаррухъун. ХІязатла мякъла сагали карииб.

– ХІу чарулхъаду?

– Чарулхъас, гъагултани дигІянбарили биалра, берхІи гІелабикес бахъхІи кахІелан. ХІялимат, хІедра чаррухъес замана баили саби.

– Балулра. Нешра хІерли рургар...

(Хъарахъуд – гІурла номерлизиб)



Проза



Хадижат ХІЯБІБОВА

ЧАРБУХЪНИ

(Хъарахъуд)

– Дила пикрили, гъаннара иргъуси агара хІушани. Иргъуси биалри, къачагъуни детхІерадари, – Разиятла илгъуна хасиятли лерилра дулъулири.

Илис бяхъес ца чІяпІухъун. МяхІяммад гъалайкили, хІябяхъяхъиб.

– Иш нушала узила хъулирхІели, нушаб халаси къуллукъ барибси хъунул адам сари. Нуша шел узис беркалара бирули, палтуртара ицули, умудирули руибси сари. Илизиб леб се-дигара дяхІлизи ируси хасият. Узичилра жаллизи карилзи. Ил багъандан илдала хъалира бехъуб. Амма ну мицІирли левли, ишис гужхІебирахъис, – къадагъаличил буриб МяхІяммадли. ГІур Разиятличи шуряхъиб:

– ХІед чили-биалра хІейгибизахъалли, набзи багъахъа.

– Тилади саби, ну ишарад аррукъяхъес кумекбара. Къасумли балули ахІену ну къачагъуназир риъни? – Разият МяхІяммадлизи тиладиличил уркІи-гъаргли гъайрикІулри. Чисалра мутІигІагарси ва хамси хъунул адамличи хІеръибхІели, язихъдучъеслири. Ил рисириэс хІядурлири. Амма душмантала гъала чІумали каризесра рирули. Илдази нургъби чехІедаахъиб.

– ХІу я дила, я Къасумла ихтиярлизир ахІенри, – буриб МяхІяммадли.

– Чила ихтиярли ну ишар каратурсирав, гъатІи? Дила пикрили, Къасумли вирар ну рерцахъес. Бура илизи, сай сейкІулихъалли, ну сунечил къабулли руус рикІулри, или. Гъалабра нуша-ургаб хІуни маслигІят барири, гъаннара барес вируд. Маралтаба ну ишди къачагъунала ургар, – тиладибариб Разиятли, МяхІяммадла хІулбази хІеррикІули.

– ХІейрар, – хъярхъли ва къантІли иб МяхІяммадли, – Нуша мицІирли лералцадхІи, хІура мицІирли кавлад. Нуша къалабалира. – Илди, кункли урчачи мурдабиили арбякъун.

МяхІяммад Разиятличил гъайикІухІелира, ХІусей Разиятла дяхІличирад хІулби черисули ахІенри. Камли чебаиб ХІусенни Разиятван жагати хъунул адамти. Яра илини ил чераайчи гъалаб хъунул адамтачи пикри бяхІичиули

хІерги. ХІусен илала дяхІ-някъ, чарх-бекІ хІясибдирули хІерикІухІели, ил берхІила нурлизирад кертІибсиван рилзулри. Разиятличи таманни гІяшикъиубси илини бареси балули ахІенри. Гъари ца уркІигъаргли гъайкалхъас иличил или, хъули ухІнаухъун. Разият дурарухъес ралризур. ХІусенни някъ гъала буцили дурахІерухъахъун. Разият гІела хихриуб, урух ралли риуб, сецад сари урехиагарси хъунул адам сарли хъалли, амма МяхІяммадла гъай гъандикили чІумариуб.

– УвацІи хІулбала гъалавад. Гъанна хІуцунхІели, цІакъиубрив? – Разиятла тІама сунелайчи мешули ахІенри.

– Дила хІед селра вайси барес пикри агара. Ца буриси лебли, хІу тІашаибсири, – виубцад малхІямлири ХІусен, ва даимиуб:

– Наб хІу рерцахъес дигулра. Ишдани хІу рархъхІейъни аргъес гІягІнили саби. ХІуни нушала гъар-се секІал далулри. Ил багъанданра хІу ишар кавлад, аргъирив?

Разият сари рерцахъес дигулра икІуси адамличи суайчил хІерризур. Дуги къачагъуна дурибти марти сарил хъарбаиб:

– Дуги Советунала гІярмия чедибиркнила гъай лерригу. Мар сабив?

– Лер илдигъунти гъай. Гъачам аргъесли ахІен. Амма наб детІили сари ишди гІямру. Ну пашманиублира. Ну виргІякаргира ишдани. ЦІахси хІянчилизи витІакІира. Сагали дургъбази чарухъес дигулра. Раши кІелра гъардулхъехІе. Ишарад гъарахъли аркъехІе, – ил ракІила пикридарибти дуриб гъанна ХІусенни.

– Адам вирхес илгъуна ахІенри хІу, ХІусен. Набчи ит къачагъ чІяпІухъунхІели, МяхІяммадла бусягІят тІашаиб. ХІуни гъайэсалра хІейубри, – уркъубяхъиб Разиятли. – ХІечил гъарахъли укъес хІейрар. МяхІяммадла илкъяйда ибси биалри, ну бусягІят разирркаси.

– Ну илав гъудуриубси виасри, дила хъулани детаахъес хІелтари ишдани. Амма Умаханни хІед бяхъибси виалри, нуни ил ватес пикри аги. ХІела набчил ракІес пикри лебу, агарав? – хъарбаиб ХІусенни.

– Ну ишарад дурарухъес бикалли, жагъаннабла къадализи риасра авара агара.

– ГІяхІна. Гъамли нуша цархІил мерличи аркъутира. Иларад гъардухъесли бирехІе.

ХІусен Разиятлис къарауйчив валтусири, ил къяшлизивад вяхъни багъандан. Отпускличи вархъибси солдат, къачагъунани виргІякаргили, тІашаибси ули сай. Сай къачагъ ветаънира цІахбилзулри. Гъар замана гъавухъи аркъяс икІули левси, гъанна иш хъунул адамли илала уркІи ясирбуцили, тІашизурсири. Хъунул адамра сайра гъаббухъес ибти хъуланазив сайри. Разиятлизи буриб, чула ургар диубти гъай чизилра хІедурахъес. Аргъахъиб сай илис урехила хІейънира.

Къачагъуни чарбухъес гІягІниси замана чархІебухъун.

– Дебшес бегІлара гІяхІси замана саби гъанна, – иб ХІусеннизи Разиятлизи.

– ХІуни ишди мер-муса даладу? – хъарбаиб ХІусенни.

– ХІедалас.

– Чина аркъутирал хІебагъурли, гъардухъес дирехІев нуша? Я нуни балуси агара ишаб. ЖягІял савли илди хІебакІалли, ахтарди дурабуркІис.

Ванзала удир дарибти хъулразиб илди кІелрацун калун. Пикрумазиб

муръбикиб. Хусеннис дигулри, чилра шакХейкахъили, сунела частълизи чарухъес. Разиятлира дургъбази рукъес пикрибариб.

ГПергъила барХи Хусен саби лебси мерличивад гЯхИил гъарахъикиб, амма, сецад вашалра, вацла кабурхули аХенри. Селра хЕргъили чаркайуб. Къачагъуни ил барХира чарХебухъун. Илдалара милициялара ургаб дяв кабикилри. Бахъал къачагъуни кабушилри. Бяхъибтира камли аХенри. Илди милициялис укабиэс къулайси мерличиб тАшбизурлири. Укабиили хъалли гЯхИдеш аги. Къачагъунанира илдачил барх бузути хЯкимтанира хъунрала магъарличи хъя барилри, цалис-цали ламарт хЕбарес. ЦацабехИ къачагъуни илди хЯкимтала хъулразиб кали буили саби. Хъя барибтала ургав леври Хаинутинра, илала нешала узи Мажидра, Разиятла гъалавла мурул Къасумра, царХилтира.

ВацАлизив къяйцИкЮли гЯхИцад гъарахъикибси Хусенни ахирра аргъиб чинавахИ вашалли, Дербентлизи ветаэс вирарал.

– ЖяГял шала тИкъдухъунмад, дурадулхъаХе, – иб калхъухЕли Хусенни. Ил дугира пикрумази бархили бусазэс хЕбирули калун. Шала шикъдухъи-хЕдехъи, кЕлра абизур ва къяшла дякъкад гъайбиуб. Ца гЯхИси гъуни ахъиб. Галгубала кАралла ургарад берХИла нурана цацадехИ мерани алкунтиван шаладарилри. Ахъти галгубала къамани цЮэрли бара гъакИдикАхъулри, духъутА кАри къяшмаур вяшардикЮлри. ГЯхИцад гъуни ахъили, хЕри биуси замана урчала къяшмала тАмала гъанаур. Ахъси шятИли кЕлра уркАиб.

– Ишаб леб. Баргира! – ахъси тАмали кЕлра тАшбизахъур ва илди шурбяхъиб.

Вявбяхъибси къачагъ илдачи гъамиуб, ва, урчи гъала тАшаили, кункли кацИб. Итил шайчиб урчала къяшмала тАма гъамбиънира цабиуб.

– Гъардухъес пикрибарилрав? Гъунби гЯхИдираб! – иб гъалавакИли ХЯсайнили.

– Чумал барХи хЮша чарХедухъунХели, урухдиубли дурадухъунтири, – иб Хусенни.

– Такъсирла бегИти тамбихИлабириси нушала ца тяхИяр саби лебси, – иб гъамиубси къачагъли, ва Хусенна варглизи ханжал бурХИб.

– Гъуя, – тАма дурабикиб Разиятла ва, сунечи ханжайчил гъамиубси къачагъ чеили, гЕла хихриуб.

– МяхИяммад, рерцахъаба ну! Камаруршахъаба! – ахъли дурабикиб Разиятла.

Къачагъ тАшванизур. Белики илис гъанбикили бурги сунечи хъарбарибси буйрухъ уббяхъили бургар или. Алавчарти сунела юлдашуначи хЕръиб.

– Чинава МяхИяммад? – иб Разиятли. Къачагъ гЮрра тАшлири. Сай къачагъ виалра, илини хъунул адам карушибси аХенри. Мурул адамван аХи, хъунул адам карушес къяяннири.

– Нушаб ил къяянрулхъан, ратадаллира хЕратадаллира. Карушни гЯхИси саби, – ибси тАмали Разиятла уркИ пЯкъбикахъиб. Сецад сари бекИализирад уруххЕкЮти гъай дурули хъалли, гъанна дяхИ-дяхИли къарширикибХели, бекИа кахлири. МяхИяммад левал ва илини сари уцахъура или, алавчарли хЕръиб. Гъарахъливан ил чеиб. Ханжа буцАрдешли чарх баткабухъахъун. Ил карикиб.

– МяхИяммад, хЮра левли уилригу, – эс бажардирикиб Разият.

МяхИяммадли кЕлра къаркъала къиблала шайчидяхИ кадихъиб ва иб:

– Черрерхи, рузи. Ну дила ихтиярлизив аХенра.

Илини ясин белчун. Келра илди деклар-декларли хяблабариб. Хябрала чеди бекла шайчира, кьяшмала шайчира ахътигъунти кьаркьуби кадихъиб. Урчачи мурдабиили, кьачагъунани илди мер-муса кьалабали дархъдатур. Илхелели чял-заб чумал бархли гашхедизур. Заб дяхиличи шурдухъун. Ил дус ил цаибил дяхли сабри. Хябри дяхили кланкадариб. Илкьяйда дяхили кьел-херзира кланкадариб.

Нушала гяскурти гьар-мерличир гьаладяхи дашескадиб. Милицияла хянчизарти бахъбаиб. Лебтанилра багъур, нушала гяскурти дурала улкнази дурадикни ва илдир азаддалтахъули дургъни. Бахъалгъунти хякимти, кьачагъуначил барх бузути, гъанна илдаци кьаршили кабизур.

Чамсулвара увведилри сунела беглара гьамси гьалмагъли. Ил вашути гъундури, мер-муса, хъали дурилри. Милицияли Хябдаршхъала шила дублабси хъали алавбуциб. Чамсурвара дугели кьапила хъалчи ациб. Илавад кацили вебшес бажардикиб. Милиционерти, хъули бухнабухъи, умцесбиб, чилра варгес хебиуб. Ши алавбуцили чумал бархли калун. Чамсурварали сай увведибси вагъур. Гьарил кьачагъ сай верцес кьайгъилизиври. Кьачагъуначи чархевхъи, вархъли Гьинхълила шила кьади чула хала бегтала гяхлялли вирус, Мяхлямадличи ациб. Сай увведниличила ва милицияла хянчизартазивад хилхли верцниличила буриб. Мяхлямадкъадинири балулри, кьачагъ сунечи ваклахъни багъандан, сунесра вайгадиркни. Ил урехила биъни балукъи, уввихъиб. Темирбулатлисра милицияра НКВД-ра гьергьикабикилри.

Сен-биалра илра някълизи виркуси ахенри. Лебтанилра балулри чичала беклахъес бек бялес гягъили биъни. Илди келра бек буцес тяхурти пикридулри. Ца бархли Мажид Мустапачи гьаввакиб. Илданира хъами дарилри цалис цали ламарт хебарес.

– Наб хела кумек гягъили саби, – векихъиб Мажид. – Милицияла хянчизарти набра гелабадкабикили саби. Чумал бархли хушачив уэс дигулра.

– Ну хечи вирхулра, Мажид. Хуни нушаб халаси кумек барири. Чуйналра милиция нушаб укабиъниличила бурили, нуша дерцахъес кумекиубри. Гъаннара хуни ламаргдеш хедирниличи вирхулра.

Марлира Мажидли кьачагъунас сунечи вирхести дахъал секлал дарилри. Цайна ахенри ил чучил варх калунсира. Мажалисла хъарахълизирад дахъал маза дикахъес икъалаиубсира ил сайри. Гьайгъай, сунесра имцасигъуна пай бикахъили. Халкъ гаша бубкухелели, Мажид гяшри-диъба укулри. Келра шали – милициялара кьачагъуналара дуцили, херирулри. Мажид кьачагъуначи гъанна хъарахъ бигъяс, яра склад ризкъила бацбарес икъалавиэс вакили ахенри. Илини балулри Советская гярмия чедибиркни. Илис гьар секлайзивад умули дураухъес дигулри.

Хаинутинхъали НКВД-лизи, милициялизи зумали башескабиб, ва кьачагъуни буцести тяхуртагъиб умцулри. Гердирули ахенри. Хекъли-марли умцулри. Мажидра Мустапачи хьарбаркъличил вакиб. Илис гибси хьарбаркъ беглара кьяянсири: Мустапа я уцес я кавшес гягъилири. Мустапала сахъешлизивад ва кункдешлизивад сай Мажид урухлири. Дебали багъурли вяшикулри кьачагъ. Илини сунела шантала хурмат сархесра виуб. Илдала кьакъбахъли ветаур.

Дуки бякьунти биштІа рурсбала гҀежни, хІяжатагарбиубмад, кьачагьуна вацІализи гьайдариб. Илав, тІамадарибсиван, дакІувиуб Мустапа. Бисути рурсби чебаили, се бетаурлил хьарбаиб. Рурсбани буриб, чула гҀежни дехахьниличила.

– Чиналра мякьядая, бусягІят, – иб, ва урчилис гҀярчимаг бяхьиб. Камси замана дикили, гҀежнира гьалар дашахьули, Мустапа дакІувиуб.

– Дукая хьули! Гьарахьли дуки мадашудая. ГҀур хІушаб се-биалра баралли, дила у ахьая, – иб, ва дуцІбарили урчира сайра вацІализив ветахьиб. ЦархІилти шимазира илини урехи дикахьилри.

Мажид Мустапачив чумал бархІи калун.

Мажид чуйнара ил кавшесухьун, амма имканхІебакІиб. КахІевшили органтала някьбази викахьесра дигули ахІенри. Рахли сунела у ахьалли, сунес бетарусира балулри.

– ДехІибала дарес замана баили саби, Мажид-ази. ХІу кьараулкайзи. Рахли илди нажасуна нушала кьел даргалли, нушаб берцуди хІебирар. ГҀинзирад вакь бицІили шинра касили, дазалара дарили, Мустапа дехІибайчи кайзур. Ярагь сунечил дарх сарри, вайлиу дигьы. Автоматра хьуцІарличибад чеб-хІесиб.

«Иш гьанна кахІевшасли, наб кьияндулхьан. БегІла гҀяхІси замана саби. ДехІибала дарххІедалта ишини, ва наб сегьуналра урехи агара». Мустапа, дехІибала дирули, гҀяшиубхІели, Мажидли барда виругІеб бекІлизи бяхьиб. Чумал бяхьли дехІибала дируси хІяка хІили бицІахьиб. ИлхІели Мажид, урехили убкІули, гьавухьун ва гьарахьливан, халаси шурила гҀела дигҀяникили, Мустапа таманни паргьятиайчи калун. Вархьли милицияла хІянчизартачи ацІиб, ва буйрухь таманбарниличила багьахьур. Уркурличи чекабихьили, кьачагьла жаназа хиб.

Мустапала гьамти хьулразибад кьуч-хьячІбирули дуракаиб.

– Иш саю хІушала игит? ХІердикІеная иличи! – вьавбяхьиб милиционерли. Лебилра ши милиционергани, военныйтани бицІилри. ХІябларахьес хІетурли, гьяймачи кайхьили, Мустапа гьайварили арухиб. Иличил барх хьунул, биштІа дурхІни, гьамтигьунти тухумти арбукиб. Калунти чаркабариб, хьар-хьарбаили. Хьунул биалли туснакьрариб.

Мустапа кавшили гҀергьы, лебилра кьачагьунази урехидикиб. Мажидли Мустапа кавшни чилилра хІебагьур. Сай биалли цІакьуб, урехиагариуб. Хаинутиннисра органтала гьалав ахьли чеахьес дигулри. ХІясан виргҀяваргили хьули киб. Буриб илизи, сегьунтилра кьаршидеш хІедарили, сай гҀяхІулали някьличи вакІахьес, сенкІун илдала ахирла бурхІни гьамдирулри. Хаинутинни дигҀянали НКВД-лизира багьахьурлири. Милиционерти бусягІят бухІнабухьы, ХІяса някьби гҀела сирдарили, арукиб. ГҀур ил чилилра чехІе-иб. Ца-цали, кІи-кІили кьачагьуни агарбиресбиб. Чамсурвара ачам викили ахІенри. Сунела гҀяхІял, шантала кьади МяхІяммадкьадичив ил абзурли яни дикайчи калун. ХІинхьлила ши биштІасири. Илабти халкь чечентала ванзаличи бархьилри. МяхІяммадкьади илхІели Мамедкьалализив хІерирули кали сай. Илдигьунти цачумал хозяйствора дуибтири. Чула мер-муса дацІли хІедатес бухьнаби чарбиублири. ИмцІали хІябрачила кьайгьилизибри. Гьар хамис бархІи илди, табтуртира касили, хІябрачи башулри.

Милицияла хІянчизартани лерилра шими умцІур. Илдала хьулрира чуйнаалра умцІур, амма Чамсурвара хІергиб. ХІебла ванати бурхІни дакІибмад,

Чамсурварани арукъес пикрибариб. МяхІяммадкъадини ил дебали цІябси дуги, някълизи чирагъра буцили, шаладикайчи къяшла дякъличивад икахъили дубургази гъунивватур.

Советунала гІярмия чедибиркухІели, хІянчиличи башутас гъар бархІи байхъала литрла банка ризкъилара банка дерубти цедешлара лугулири. Дургъбазиб жан ахІерахІедарили бургъутиван, ишаб жан ахІерахІедарили бузулири. Аршила мерани шиличирад гъарахълири. Ила башули арбашули дугІли замана архІябукъяхъес или, колхозникуни къушаназиб дугелира буутири. Ургубализиб ца хъалира лебри. Ила лебилра кабурцули ахІенри. Ца бригадала адамтицун сабри илабти. Аршира цадехІличи цадехІ гъамли ахІенри. Савли шала шикъдухъунмад, арши иршес бехІбирхъулри, бархІехъ цІябдаайчи бузулири. Беркала беркес ахІи гІашбилзули ахІенри. ДехІибала дирутира гъанна камбиублири. Жагъилтала ургаб бекІлил аги. Сецад бухънабала цІакъани кадурхули хъалли, багълабарес гІашбилзули ахІенри. Амма лебри илдала ургабра гурдала дирантира шинничи аркъула или, бякъи дяхІцІилиу кабихъи, бархІи ахъайчи бусули кавли. ХІянчиличибад чарбухъи, бархІехъла замана умубикІули, хІярш-хъарсбикІути хъунул адамти ца рурсили ца секІайчи гъирбариб.

– Нушани биршибси хъу, жягІял, трактор гъайбарес гъалаб, цІали игули саби. Ил хъучир кадикили дахъал лугни лерри. Дугели бацла шалалиур далцес дирехІе. Илала пикри лебтасалра гІяхІбизур, сенкІун гъарилла хъалибарг гушлири. Абизур хІябалцун хъунул адам. Калунти бахъ гІяхІил бамсурли ахъбиэс хІебиубу, яра гъанкІ бизибиубу, абизахъес хІебиуб. КІел рурсира Гулжанатра бякъи ца-ца сяхІцад лугни далцун. Шала шикъдухъи-хІедухъи лерай ца мерличи лугнира урдихъили, кабихъун.

ЦархІилтачил барх абизурли хІянчилизиахъиб. БархІехъла замана чили уббедибал, Хаинутинни лугни даргиб. БусягІят органтазибад бакІили хІябалра арбукиб. Илдала гІелабти бисули ита-иша бикиб. Ибрагъимра чуйна-алра председателличи тиладиличил вякъун. Чула лебси изуси къял бедили, Гулжанат судлизи хІерикахъили, рерцахъиб. Итди кІелра хъунул адам биалли туснакъбариб.

Хъулкни буцили судлизи бедни – ахъли къиматлабируси хІянчи сабри.

– Пакъир хъунул адамтани ахъибси къиян цалилра пикрилизи кахІесиб, – бикІулри дигІянни цализи ца бухъна муйли. ДуцІрумла, гІебшнила хІянчи тамандиубли, янила замана халкълис камси акъудеш биркулри. Яни кабурхуси замана гаши цІакъдиуб. Лебал лебси изуси къялра арбукили, Гулжанатла хъалибарг гушбиуб. ДяхІи бацІибси мерличир бара гъардакІибти низби луцІулри. Камти декъра адушили, илди делхъи, хъалибарг балхулри. ХІеб дакІибмад, хІянчи дехІкадирхъи. Лебилра хІянчиличи дурабухъун. Гъала хІебла духълуми делгІулри. Гулжанат хІянчиличир цархІилтас гІелариркули ахІенри. Дургъбала гашили лебилра гІяжизбарили хъалли, акъудеш агарли бузулири. Колхозлизир ца журала хІянчи ахІенри илдачи хъардикибти. Бахчабала хІянчи – цабехІтани, идилтани – хъумала, тІутІила, хІяйван-къача, маза-мас – лерилра бекІдарес гІягІнилири. Ца мерличиб бажардихІебиркалри, цархІилтира кумеклис бикүтири. БегІлара къиянти хІянчи арши-мурала сарри. ИлхІели я хІерели я дугели мугълатагарли бузулири. ХІерели дебали буцІарлири. БуцІардешлизиб дяргІибти шиннира бужули, беркеси агарли, дуцІарила изайзи биркутири. Гулжанатра ил изай руциб. Чархлизиб буцІар-

деш гезбикІулри. Някъби хІедузандиуб. Гъала-гъала мякълабтази багъахъес хІейгули, чизилра селра хІеиб. Къяшмани чарх бихули лебай, хІянчиличир калун. ХІерейс къушлизи чарбулхъухІели, ил рашес рирули ахІенри. Хъунрани руцили гужли къушлизи раахъиб. Гулжанатла чарх гъачам буцІарбирулри, тѣп цала ламили игусиван, гъачам биргІулри тѣп дѣхІила авлахъличи чІянкІули каратурсиван. Лебталалра юргъанти иличи чедушиб. Мякълав бригадирра аги. КІел урши бригадир варгес цархІил бригадализи арбѣкъун. Ахирра бригадир варгиб. Бригадирли унцала уркура киб. Уркурличи каратурли къалабали, шилизи раахъиб. Илгъуна даражаличи викибси адам рахлира кавлуси ахІенри. ДуцІарила изайзибад гъар дус ца яра кІел адам бубкІутири. Гъалаб, чула хъуми сархІели, дуцІрумла замана диркъаличиб буцІардешлизиб дебали мяхІкамли бузи. «Диркъала буцІардеш ламартла саби», бикІули бири хала бегІти, хаслира бурсихІейубсилис. Колхозуни диубхІелира, лебилра цахІнаб, бегІла буцІарси замана бузахъути, чумал адам бекІибтири, тѣп гъанна Гулжанатла даражаличи бикили. Гулжанат кибси уркура хъа мякъла баибмад, бригадирли Ибрагъимлизи тІамадариб. Хъунул адамтани юргъантала дубани дуцили уркурличирад черисули адам чеибхІели, Ибрагъим уркІухъун. Ца гъигъла манзиллизив цѣй къѣшмачил илдала гъалав дакІувиуб.

– Чи сая? Се биубли? – хъарбаиб руржуси тІамаличил Ибрагъимли, гъала-гъала чи саял хІерхІеили. Ца хъунул адамли буцибси юргъанна дуб сасиб.

– Гулжанат сари. ЗѣгІиприкили сари, – буриб хъунул адамли.

– Се биуба илис?

– ДуцІари сари. Хъули араахъиб ва карихъахъун.

Хъунул адамтани буриб бетаурси.

– Гъари тухтур жирарая, – иб Ибрагъимли. Халаси урши Салам тухтурличи дуцІухъун. ХІясан Мирзакъади кавкахъес вархъиб. Ца ракІибси хъунул адам сунела хъули дуцІрухъун, ниѣ кадухес. Ружери бакІибти ниѣли гІяхІдеш биру илгъуна изайс или бурулри. РакІиб шила тухтурра. ВакІиб Мирзакъадира. Тухтурли температура ахтардибариб. Пульс умцур. Уколра бариб. Гулжанат аргъайчи ракІиб. Вана ниѣра держахъиб. Хъали бицибти адамти хумарси хІерли чедибѣхъиб. БиштІати мякъла гъамбариб, байбариб, Гулжанатла хІулбазирад нургъби гердухъун. БакІибти хъунул адамти бисибииб, сенкІун Гулжанат арарирниличи чилалра умут аги.

– Гъанна иш паргъатли ратурли, калунти дурадухъеная, – иб тухтурли.

Бургира къухІдуцили, цалис гІергъи ца учибикибти дурабухъун.

Гулжанатличи хІеруди имцІабарая, – иб тухтурлира, аркъухІели. Ибрагъимли председателлизи ниѣ делкІахъун. Кадухес гъар бархІи ХІясанра Саламра фермализи башулри. Кам-гъамси ризкъилара колхозли кумекбариб. Лебилра тамашабиуб Гулжанат аризурли, багълали рашули, дурарухъунхІели.

Гулжанатла кІел уршира кІел рурсира лебтири. КІелра урши халатири. Мадина ишдус бегІ гъалар школализи рашулри. Неш рахъхІи зѣгІипли калунхІели, дурсрачи рашес бетхІерули, ил гІеларикиб. Хъа хІянчи жѣвли чедикиб рурсиличи. Гулжанат ГІѣбдуллатІипличилара децІрикІулри. Султанатличи Гулжанатли ГІѣбдуллатІипла кагъурти хІедашниличила белкІун.

Султанатли жаваб чарбатур ГІѣбдуллатІипла кагъурти чучира дашули ахІен или. Я ветахънила кагъар хІебакІиб или. Султанатли сунела децІличилара кагъар белкІунсири. Багъур Гулжанатли Султанатла мурул Зѣйнутдин кавшниличила.

Гулжанат зягиприкибхели, имцали сунела бегтаци, узби-рузбачи кар-цриуб. Гъала-гъала урух ралли риуб, илди чехлебаили рубкѹс или. Илгъуна хІяйчи икибси рахли ахІи мицІирли кахІелни суненира балулри. Ишдус хІянчиличи дурарухъесван ил гІяхІхІериуб. Хъулиб рурсила кумекличил иш-ит бирулри. Бургъантас чумдехІ саррил балала диндира дариб. ЦархІилтачил дарх илдира фронтлизи дархъиб.

Кайыпхъали хІербирути мераначир Дагъистайзирван гаши цаакъли ахІенри.

Чули бируси хІянчила сабухъ кайсулри. Колхозла председатель дебаля мяхІкамлы вяшикІулри. Халкъ гаша хІебевкІахъесра, дегІнубас ахІи имцІа ризкъи хІедатурли, бургъантас дурхъулри. Мазала балализирад хъунрани журабти, хъаткни, чеди челгъути хІевни дирули, бургъанти хІябяргІяхъес, дархъиулри. Душман дарбадягъинварес халкъ цабиублири: фронтлизибра тыллизибра. Цудара кагъурта хъунул адамтази, ши-шантази цудара палтар челгъахъулри. Марайдешла пардавли уркІбира дурцулри. Къурбан кавшила кагъар бакІила, Къистаман бурушларад ахъриэс хІериуб.

Гъабяхънила децІира дардлира берубти илдас дургъбала гІядабра чІямбарес чебуркъиб. Къистаманра, урши кавшили гІергъи, дусра хІерриэс хІериуб.

Къистаман ребкІибхІелира, Къайыпхъали музабухъун.

Къистама бевкІаличи Патухли бисара бариб:

**Дурала мераначир
Гъариллис рузиран,
Къияндикиб мусанир
Къалаван тІашкарлзан.**

**Уршила дарданани
Галгаван гъятІаибси,**

**УрхІла мер-мусаличир
ХІябларарес къадарси.**

**ЦІали хІейгуси урцул,
ХІеркІли архІехул къаркъа,
Ну саррав гъар-се секІал
Чекайсул цаакъси къала?**

Учибикили шилизиб лебтигъунти мурул адамтани хІябра буркъили, Къистаман сунела мура мякъла хІяририхъиб.

ДецІла кагъар касили базра хІедикили, Султанатли урши варкъиб. Цаибси дурхІялис Зайнутдиннис сунела дудешла у абихъес дигусири. Чина хабаррив уршилис сунела у абихъес къадарбирни?

– Белики Зайнутдин кавшили хІергар. Дудешла у абихъес сай Зайнутдиннисра дигусири, – ибсири Султанатлизи Патулели. Зайнутдинна у абихъахъес маслигІятбарибсири хъарбаибтанира. Султанатли уршилис Зайнутдин абихъиб.

Ветахъиб инсан. Даимбиуб инсаният. Патулели Зайнутдин угай урши виъни Султанатлизи багъахъур.

– Жагъил хъунул сари. Шери хІярякъи хІеруар. Сунела бегтаци рукъялли гІяхІси саби, – рикІулри Патулели унрубази.

Илди гъай Султанатличи даиб. Илини бегтаци кагъар белкІун, сари раклес дигула или. БегІти разибикиб.

ГІяхІуларури Патулели рикІулри:

– Нушачир каладра, хІу тѹп дила рурсбазирадекІархІерарили рихІури. ДугІли хъулрухъунсири рукъес.

– Баркалла хІушаб. Дила бегІтира бухънабаили, хІеръэси агарли саби. Ишаб набчи илцад гІягІнидешра агара. ГІяхІли каленая.

Илкъяйда Султанат, бегІлара гІягІнидиркути секІалра касили, уршира дуклавлі, бегІтачи чаррухъун.

ХІябал дурхІяли хъали бицІахъиб. Къайып къайгъилизиври, дурхІни гуш-хІебиахъубли хІербарес. Султанатра Айбикара, дурхІни хала нешличиб батурли, хІянчиличи башулли. ХІянчиличи башутас камтиалра ризкъи лугулри, цархІилти секІалра лугулри. ХІянчира дахъдаилри. Мурул адамталара хІянчи хъунул адамта дирес чевкъулри. Къайыпра цацахІели фермализив тІашилзи. Атала кагъуртани илди разибирулли. ГІябдуллатІипличибад я тІама, я кагъар аги. Ил чарулхъниличи умут бердили ахІенри, имцІали дудешлара рузилара. ЧІянкІли неш сарри ил хІяблаварибси. Патухли гІяш-гІяшли чІиллайти дехІдихъиб:

**Ва хІябразиб хІяб агар,
ХІябличиб цІелда агар,
ВебкІнила, я левнила
Нушачиб хабар агар.**

**ГІямрула талихІагар,
Дунъяла гІяхІдеш агар,**

**Чархличир капан агар,
Ванзаличиб хІяб агар.**

**Дила левли агарси,
Дила агарли левси,
ХІу чинаври, хІу сери?
Аба ребкІ, гІязиз урши!**

Дургъбани арбихути бегІлара арати, цІакъти, ахІерти сабри. ЧерикІла.

Нешли биса бирулли хъулив чилра агархІелира дурхІначил сарицун калун-хІелира. Илди бусахъес бучІуси гардла далайра чІиллайличи шурбулхъулри. Рисес рамсурли, сарира, ца гІянала бекІлиу битІванакІили, карилхъи.

ДурхІнази рархібхІели, цацахІели дард хъумартурсиванри. Ата гІялагъ-ажали иркъуси вири. ДурхІначил вирхІули, хъули гъай дихи. ЖаликІи, бястикІи, абзикІи. ГІябдуллатІип виштІали хъалли, Атала шикъличи тамашала хІерличил пишяхъили калзи. Дураб Атачил кІел яра имцІати, яра сунечиб халати бяхІили чебаалри, ГІябдуллатІип сайра хункІачил ветулхъи. Нешлис илдала шикъ гъандиркулри. ГІябдуллатІипличила селра вайси гъанбикахъес рирули ахІенри. Амма дигайли ясируцибхІели, чичилра лехІихъули ахІенри. Сунес суненира селра барес вирули ахІенри. Дигайла ясирдеш хІедаили, туснакъла ясирра ветаур. Такъсиррагар ясир. Неш децІрикІусира имцІали ил багъандан сарри.

Патух дурхІнала дурхІначил илцадра ралрикили рири, нешани хІянчили-чибад бакІибхІелира дурхІни нешаначи гъамхІебиранбиуб. Амма хала дудеш вакІибхІели, илдала шикъ декІарти дири. ХІябалра дурхІя хъунул адамтачиван ахІи, мурул адамличи пахрума биркъи. Чула илгъуна хала дудеш левниличи разилири.

Къайыплира дурхІначи халаси пикри бяхІчи. Илдачил хІязлизи ихъи. ЦацахІели, чугурра бяхъили, булхъахъи. Бахъ замана вайси сабли, гъар секІал, сунела дурхІначил дирути, дирес бажардииркули ахІенри. УркІбасра гІядаблири. Амма биштІати разибарес се-дигара барес хІядурлири хала дудешра хала нешра. Ца бархІи Патух азбарлизи дурхІначил дурарухъун.

– Патух, гІяхІси хабар, сагаси хабар! Патух дурар чераили, унра хъунул вяррикІескарииб. Патухла уркІиличи дурхІни бакІиб. Яра кагъар бургар, рикІулри ил.

– Сагаси хабар, Патух, сагаси хабар, – ил иличиряхІ къалабати гунзрачил ляркъулри.

– Бура, гьатГи, се сагаси хабар сабил? – ратрихьиб Патухра.

– Нушала гЯскурти чедидиркесдяхИли сари. Душман гГелавяхИ вебшили сай. Патухличи хьябруцрикиб. – Ишди дила лихИбани бакьира. БусягИят ради-олизибад бакьира, – хьунулла разиси гАмалира, гЯхИси хабарлира Патухлара урКИ разибариб.

– Се гЯхИси биуба! – Патухра унраличи хьябруцрикун. – Баркалла, рузи, хИед, гЯхИси хабар бурнилис.

Сецад чус анЦКьИ-децИ хьурадарибси улка биалра, илала чедибдеш би-геслири. Кьурбунти диублихьалли, лебталалра урКИби разилири. БиштГаси ВагИайзибадра бухьИ, халасилизибадра бухьес дигули ахИенри илдас. ВагИанна кьадри илданиван багьес чилилра вирхИейри. Лебилра, чула бузери ВагИайс хайрилис каили, бузулри. Бузулри дугелира. Акьудеш аги. Бургьанти чули гГебхИебуцалли, гГур чили бурцу? Илдигьунти пикрумири гьарилла. Илди сабри гьарли-марли ВагИан дигахьанти.

Айбикара Султанатра ил бархИи кьанни чарбухьун. Дебали бамсурли хьал-ли, нушала гЯскурти гьаладяхИ датдихьили или бакьибхИели, чула бамсурдеш бетакьиб. Складлизи гечдарес гЯгИнити ризкьИ жягИйчи хИедатурли, дугели кьанси замана бикайчи гечдирули калун. ДекИти кьупри дитИикИули, илала хИял битИири, амма дяхИличиб разидешла нур алкунтиванри. БакИибмад сагаси хабар бурес Патух рурсбас хьяшаван разили гьаларухьун, амма илданира ба-лулри. Нешла разидешли лямЦИдикИути хИулби чедаибхИели, рурсби гьатИира разибиуб. Нешла гАма балли барсбиублири:

– Чедибдешлис разидиубли, дуги-хИери хИедаландиубрав, гьари? Базли-чибра имЦАли нешанас чула дурхИни бархьИ чебаэс бикили ахИенри. Замана аркьуцад дурхИнира барсбикИулри, халабиулри. ВерхИел дус вирулри халал-гьуна СалихИ. Ил хала нешлис кумек валли икИулри. БиштГати кИелра, илдала ургала авал баз сабри, цагьуна ахьдешличил, цагьунти палтарличил, хала нешли цацахИели гьудурбирулри. ДяхИлизиб илди цаличи ца мешули ахИен-ри. Амма чула уми адихьибтаци дебали мешулири. ГЯбдуллатИп –шалати дяхИ-някьла, шалати гьезла вегИ. Зайнутдин – гамса-гамса, цудара гьезла вегИ.

ДурхИни гьаман дураб бири, хала дудешли убатурси галгала удиб хИязта-биркьули. СалихИ илди гЯлагьажали хИебиркьахьес кьараулкайзурли, илдачи хИерикИули вири, гЯмру хИясибли сунечи кьараул бирес гЯгИнили сабли хьал-ли. ДурхИнала илгьуна хасият бируси саби. Чучиб биштГати дурхИни биалли, саби халабаибтиван кабилзан. КИелра узини Зайнутдин чула узикьар виьни балулира ахИенри. ХИябалра узбиван сабри. Дунья кьалмакьарлизи ахьибхИе-ли бииши, я унрубала дурхИни, я саби-ургаб илди биштГати кьалмакьарлизи ихьули ахИенри. Лебилра имЦАли лехИкахьили, чула гьалаб селизи-биалра абархилри, тьап имиули кьайда. Ахьти гАма-гьама кайути хИязанира аги. БиштГатира халативан сабри.

Кьайьпбег фермализив гАшилзескайиб. ЦацахИели хИерелира дакИуири:

– ДурхИнала дурхИначи карЦИ-карЦиубра. Чинаба илди? – или, баргили кИапИурци, хьар-хьарбии. Илдачил гьайикИИ. ХИязтаиркьес валли валилзи. ГГурра бусягИят чарири. Ил дугира Кьайьп хИекИиб. КИелра хьунул адам бякьИ, итил хьули кабихьунти чула дурхИначи хИербикИескабииб. Бусути дурхИни кИапИуциб, байбариб ва мяхИкамли чебхИергьесли, хьулибад, гГелагьамли башули, дурабухьун. ДурхИнала дурхИна урКИила изала сагьбирахьусиван сабри. КьацИли бархьИ буки-хИебуки, чИябарличи гЯнулбира лайкадакИили,

ца – ца шайчи, ца – итил шайчи, дурхІни дайлабарили, кабихъун. Бамсурти илди, гъигъ бархъли абатес балкъхІеурли, бусаун. Патухли, юргъанти гІяхІдариб. Илдачи унзала мякъла тІашкаризурли рахъхІи хІеррикІули калун, гІур итил хъули рякъи рисескарииб. Илис дурхІнала уми адихъибти кабушибти бургъанти гъанбикибу, яра биштІахІели сунела хъалибарг гъанбикибу? Камси арархили калун, гІур карихъун. Илкъяйда аркъулри гІямрула бурхІни.

Атачирад цацахІели кагъурти шел-урегал баз хІедаши. ГІур цалис гІергъи ца яра кІел-хІябал цахІнар кайси. Сай арали, гІяхІли виъниличила, сунела гъалмагъунира гІяхІли биъниличила ва нушала дазу бархъбатурли, Польшала дазуличи баъниличила белкІири гъанна касибси кагъарлизи. Кагъурти гъарилли чуйнара дучІи. СалихІли гъар девла биркІанти декІардирули, уз-дилтІахъули дудешла кагъурти биштІати кІелра узис дучІи. Дудешла кагъар СалихІли учительницазира чебаахъиб. Дудешлис пахрума биркъулри лебилра хъалибарг. Ил гъамли чарулхъниличи умутличилри. Къайыплара уркІи шаклири ГІябдуллагІип кавшниличи, амма убедес дигули ахІенри. Ил бархІиличи бархІи чІукъаикІулри. Ца бархІи хІерейс чариуб. Патух бусягІят шакрикиб, ил зягІипли виъниличи.

– ЗягІипикес пурсатра агара, амма хамха декІбиубли саби, къяшми дашули ахІен, – тІама балли Къайыпла барсбиублири. Патухли, ружери бакІахъили, ниъла стакан бедиб. Къайып цІаван лагъикІулри. Амма сай вяргІибсиван руржулри. Патухли ил цайнара илкъяйда зягІипикили чеибси ахІенри. Ил урух ралли риуб. БерхІиладяхІ вавни шиннизи кадихъили, ружери бакІахъили дужахъулри. ЦархІилти къарлара шин дужахъулри. Фермализиб сунечил барх бузути хІянчизартира Къайып чеэс бакІиб. ХІяйвантала тухтурли сегъунтирил хъапІнира держахъиб.

– Къайып, хІу агарли нушаб къиянни саби, – иб сунечивра халати гІямрула завфермани, – къалаба-къалабали араиэс къайгыбара.

Камси замана кали, илди арбякъун. ГІергъила бархІи бара къулайливан сайри.

– Агъ, къудратла вегІ Аллагъ, наб дила ванзала гІянжиалра къадардиахъа, – иб, някъбира ахъдуцили заки хІерикІули, Къайыпбегли.

– Се сари, хІуни дурути? ХІу нушази махикІули, уркІиагархІедиахъубли, гІердурцули виради, гъанна илдигъунти гъай сен дурулри? – Патух иличи гІясириуб, – тамай ваткавхъунригу.

– Бархъли бурасли, сегъуналра умут кахІелун. ГІяхІирус или гъанбиркули ахІен, амма ишбархІи чарх къулайливан саби.

– Вари, вари, хІу агарли нушала гІямал бируси ахІен. Нушаб гІурра къиянмадулхъахъид. ЦІакъли уркІиагармайруд. Патухли юргъан гІяхІбариб. Андаличи някъ кабихъиб.

– ХІела температура камбиубли саби, Къайып, – разили иб Патухли.


– Нуни ирагу, ишбархІи чарх кункливан саби. БиркІанти изули хъалли, бекІ изули ахІен. Белики Аллагъла гІяхІдеш набра камхІебиэс.

– Иншааллагъ. ВерхІцІали азирна шукру биаб хІечи, Аллагъ, хІела ур-кІецІи-ряхІму нушачира баахъа, – рулгескарииб Патух.

(Хъарахъуд бирар)

Поэзия

МяхИяммад
ТАХСУРМАНОВ



ЮРТЛА КЪАКЪБЯХЪ

(Дила хьунул Ханичас)

*«Хьунул адам лерсицун
Сабигу мер алжана».*

Гъазим-Бег

Къисматла кахси бяхъли
Бяхъиб дила къушлизи:
Ца гъакъли лайвакъира
Къуткъути цундешлизи.

Хабарагарли, хапли
Умуснази руцири,
Дила пергерла хьунул,
Дила уркъила хъяли,

Дила мисрила чатла,
Къакъбяхъ берхъибси юртла.
Ахиратла юртлизи
Рахъ жявли аррякъунри,

Гярли ухуси бацван,
Хапли чирагъра бишун,
Шалал хъали цъяббууб,
Хъалибарг цуръабууб.

Тяп берхъиван ванаси,
Бицъиб бацван шаласи,
Алжанала гулвава,
Дила пергерла хабчаб.

Мурхъти адамдешла регI,
Сахават някъбала регI,
Мурхъти яхI-сабурла регI,
Чума-чумал къасла регI,

Мура багъа бакъахъес,
Илис марсили ризес,
Урхъназира тIяхIрулхъи,
Цализира ретулхъи.

Вецал дурхIя баркъили,
Багъуди касахъили,
Гибратла бяркъ бедили,
Неш-Игит ретаурри.

Маккара Мадинара
Карцъли чедидяхъибси,
Вирдра ва РабитIара,
ХIечил дарх ардухъибси.

Ну агарли хIеруул,
Ну вахъ сунес дигахъул,
Сари набра дигахъул,
Дила пергер Ханича.

Ца агарли ца дуэс
Сеналра хЕдироти,
Гъанна сен уишара,
АхиратлизирхЕли?

ХЕла дигила цАли
Ну ванаирусире,
ХЕла шалати дяхИли
УркИчевирусире.

ДецИла цАли игула,
Цундешли къацКавцила,
Бурямли кАван, децИли
Ветра-сатра вирхула.

ХИу агар дунъяличиб
ВебКесли анцБукьи саб.
УркИеци, ряхИмуагар
Къисматли декАрдарра.

Дигайли цадарили,
Берхьибси юрт белшунти.
БацБухьи хъалира леб
Цунухьи нура левра,

ГЯмула келпатайни
КъацКавцили левалра.
ХИу лерси дила хъали
Бацван шалали бири.

ХИу арацИибси манзил
БерхИван ванабикИи.
Берхьибси анхъла галга
Хабарагарли бячун.

ГЕлаб вецАл дурхИя леб,
ДурхИнала дурхИнира леб
ЦахИнаб хИяцИанну шура –
ХИу гъанни саб лебилра.

Умуснази аррякьи,
ХИуни дунъя батурла,
УркИи цИумбикИули саб,
ХЕлугули паргъатдеш.

ДеркИибти гЯмурузиб
ЧискАл вайдеш хЕбарри,
ГЯхИдешуна риркьули,
Марли гЯмуру деркИири.

ГИур мекъличир хЕрулхъад,
ХЕбирар хъатбикИути.
ГИур гЯкълума хЕругъуд,
Къушум разибирути.

II

ХИябилра декИли лебри
ВеГИла хИулбала гьалар
УркИилис къабул гьалмагъ
ЦЯб хИябла аркъухЕли.

Ца бархИи хЕриадри
Гъандуцесра хЕйруси,
ГЯмуру севан деркИиша
ХИу цЯб хИяблизирхЕли...?!

ДецИли ясируцила,
Шишимтани вирхула,
Дардли ижитирула,
Сипатли къагъирула.

Къакъарлар биса сари
Къяраэс гЯндкайрути,
БекИ саби гъузгъалдили,
Пикрума къацБуцили.

Гъар хИу гъанрикибхЕли,
УркИи бисули саби,
Нургъби даткалхъули сар,
БекИ жургъбулхъули саби.

Гъар хИу гъанрикибхЕли,
Чархла азирра биркИан,
Тяп мерс дакъунхЕливан,
Зерзердирули сари.

УркИи бахъ пашли саби,
Хъали бяргИили саби,
БекИ-мехЕ гъапулли сар,
Вай пикруми дашули.

Деџ-шишимта виркџули,
Бурхџни аркџули сари,
Уркџи чизи буриша,
Дила мисрила чатџа?!

Баџџбухџунси юртџлизи
Аџес гџядабли саби,
Юртџлизив миџџир инсан
Левсигџунара ахџен.

Цундеш вайси изала
Кџаркџайзи жижалџуси,
Арабарес хџейруси,
Адам чулахџируси.

Хџечил марли деркџибџи
Шуџџанну гехџралра дус,
Алжанала анхџлизир
Деркџибџиван дилзангу.

Усуси чевхџергџахџес
Кункли кџяшми кайџџади,
Уталичи кайасри,
Гџянала убирхџади.

Наб гџяхџси кџуллукџ барес
Гџямру мяштџџедаради,
Разил хџяйчив виахџес
Кџарауйчир риради.

Ташавад, хџянчилавад
Кџанни чарулхџаслири,
Гџянайчи кариили,
Набчи хџерли риради.

Нуни кџяш каџџибихџи
Хџунира кџел кайџџади,
Рахли кџардухџаслири
Уряхџес хџядурлири.

Ш

Хџунул агарти гџямру
Ахџенгу илди гџямру!
Ара-сагџли виалра
Чулахџ сайгу ил вайхџу.

Хџябилра кџутџкџули лер
Хџу рарх агарти гџямру,
Хџябилра анџџдукџи лер
Цундешла чябхџин гџямру!

Хџумхџертури, Ханича,
Миџџирли левалџаџџи,
Уркџила дайлар дила
Рируд гџар дуги, бархџи.

Хџела агри халал саб
Халаси хџалибаргџлис,
Гџурра халаси саби
Тахсурма Мяхџяммадлис.





Хизри ЮСУПОВ

МяхИяммад Тахсурмановлис

ВАТАБИ ХІУ АРАЛИ

Кайхъили дахъал дурери,
Бахъ-бахъал бучІахъири,
ХІу илдала уркІбазив
Даимлис кавлусири.

ДеркІири хІялал гІямру
Агарли халал гІузру,
Шантира дурабтира
ХІед баркалла бикІаргу.

ХІела къаламла пагъму
Бири бугабикІули,
Пергер адамтачила
ЛукІахъес жибиКІули.


ХІуни делкІунти жузи,
Макъалаби, хабурти,
Саригу даргантани
ИштяхІличил дучІути.

ГІехІцІану шура дусла
Гъуни хІуни ахъилри,
Даршличиб имцІал ахъес
Габ Аллагъли хІед ахъри.

Шанти-ургав тјамада,
Дарганти-ургав гъавкъя,
Ватаби хІу аралии,
МяхИяммад Тахсурманхъа.



Тавсултан СЯГИДОВ



ХЪУЛКИС ЧАЛА БАКИБ

Жумяги бархи мижитлар
Дехибалара дариб.

Чарбулхути бухнаби
Гумайлизиб ташаиб,
«Гъари дашира!» или,
Шила халал Гябидли
Клублизи арбукиб.
Бекличиб чялмачевли,
Гясали кьутикьули,
Дурзам бикул кьяцаван,
Малла Гябдуряхим сай
Лебгас гъалав вашули.
Юзбашис се дигулил
Ахенкьира балули.
Маллара юзбашира
Барх саби кабили.
Шантала кьукья саби
Илдачи хербикюли.

Юзбашини кьянкъличи
Шишала хулби даршиб,
Заллизи кабинбгас
Разили пишра вяхъиб.
Шалкубад дурасили,
Ца мухчара гьаргбариб.
–Иш се сабил хушани
Балудрав, юдашун?

Мягиничебси суал саб
Нушаб арзес гягиниси:
Шилизивад ца адам
Хияжлизи урхъуси сай.
Хуша-ургавад цалра
Укъес хейгура хергар.
Пулан урхъехе или,
Нунира бурес хейрус...
Мер-мерличирад халкъла
Хьутуръала адердиб.
Илхели юзбашини
Алтавлизи гъай бедиб.
– Ириъ нура вякьунра
Хияж барес Маккализи,
Дин тамай минабиуб
Дилара уркилизи.
Ишдусра чумал адам
Хьулбикюли саб букьес.
Керимовла садакья
Дигути бахъал бургар.
Хияж барес биркул вагъес
Чалабушили вирар.
– Сен бишира, шанти,
Наб бикалри иш гъаклис? –
Виклар мешебей Гядус,
Гъалакили бахълис.
– Мешебейла се тебси,

Бураягу хІяжлизиб?
Итира алжайзивван
Сайгу ил вацІализив! –
ГІядуслис хункІ бирули,
Айзур дяднучІа ХІямид.
– Набван чис хІяж хІяжатлив,
Юлдаш юзбаши ГІябид?
– Мукърачив шятІкайкІуси,
ХІедра хІяж гъанбикibu,
ХІу хІяжлизи вархъили,
Арц гибси се икІару?
Гъар дигуси урхъалри,
БегІ гъалав ну аркъяси, –
Гъайлизи гъудуриуб
Маллара гъай бузуси.
– Малла хІяжли вархъили,
Азан чили бучІуси?
Рахли адам вебкІалли,
Севан хІяриирхъуси? –
Ургавхъун букІун ХІямид:
– ХІуни алжайзи гъуни
ХІяжли хІявкъядра бургид!
ХІу хІяжличив вебкІадли,
Нушаб малла вирхІейрар!
Чариадли, шилизиб
Ца тукен имцІабирар!
Уэн хІела мерличив, –
ВикІар базриган ЖІягІпар.
– Итав калес ахІенра
ХІяжлизи аркъуси ну.
Акбар бучІес шилизиб
Мангъушлира вираргу.
Гъарли-марли, сейкІалра,
Вархъси сай къучакъ ЖІягІпар:
Тукен имцІабиалли,
Масани дургІедирар...
– Жалти алкІни балули,
Дучибти сарри къалли, –
Супелра къартІлукІули,
Буриб шила халалли. –

Датурли дуркъа жалти
Гъанна чІалабуршехе,
Сунес чІала бакІибси
ХІяжлизира урхъехе.
Уми делкІунти силтІна
Алтавли къапІа бицІиб,
Ца-ца силтІа касахъес
Гъарилличи гъабуциб.
ХІулбира чедихъили,
ГІядусли силтІа касиб,
Абхъили хІеризургу,
Сунела у хІебаргиб.
Бисмиллаили хъалли,
ГъархІебизур малласра.
БакІхІебакІиб гІягІниси
Юзбаши ГІябидлисра.
Руржуси някъ кабатур
Эски хъулки ХІятамли,
Разидешли тІяхІухъун
Ил силтІа гъаргбарили.
ЖумягІ гъалав сайри ил
Туснакълавад вакІибси.
Гъалавра кайибсири
Маллала хъали бигІи.
Ил нясли дигІунтала
Чили балуси лугІи?!
– Аллагъ булан иш гъакІлис
Нушачив дукаряхІиб:
Шилизив уриб хъулки
ХІяжлизи хІядурвариб, –
УркІухъунси маллани
ГІясили гъумурбариб.
– Хъулки вархъни багъалли,
Набра тІакъа билгъагу,
Иш се ГІяламат сабил,
Алтав, хІуни бурагу?! –
БекІли гъакІикІули сай
Тамашануб юзбаши:
– Аллагъла къадар саби,

Аргъая, юлдашуни!
ХІяж баррили, хъулкидеш
Дархъдати, ХІятам, хІуни.
– Ца мукъара сабригу
БегІла гІергъи бигІунси,
Чис хабарри шабарлис
Дус туснакъла калтуси?
ХІяж баррили гІергъикІун
Нуни хъулки хІебирис.
Чебиидая, – къапІа
ЛайбикІис, чялма биршис, –
ХІятам сай халкъла гъалав
МутІигІли гІашизурли.
– Хъулкни хІяжли бурхъуси
Марли, хабар аргъибсив?
БецІлизибад мукъара,
Бурая, бетарусив? –
ДукаркІули сай ХІямид,
Някъба кани буцили.
– Аллагълизирад сари
Гъар секІал дигахъути.
Гур севан ХІятамлизи
Хъулкидеш далтахъути? –

УрхъехІе икІули сай
ХІяж барибси Алтавра.
Бунагъ-хагІа черахъес
Арякъун хІяжли ХІятам.
Баз вирули сай илав,
Чарухъи ахІен гъачам.
Мадиализивад даг
Леври ил зангъикІули,
ХІекъли умувубли,
Чарулхъулра, викІули.
Ит хІякимла мукъара
Муэрли чебаилри,
ХІятамли бигІниличи
Ил разили буилри.
ХІякимлисра хъулкили
Ил букибси буилри,
ХІятамли беркниличи
Мукъара къабуллири.

Дагъистайзибти лебил
Хъулкни умубиахъес,
Дугъабизур мукъара
ЦахІнаб хІяжли бархъахъес.



Насруллагъ Т. Ямаровлис - 70 дус



Насруллагъ ГЯМАРОВ

ГЯМРУЛА ХЪУ ДУХЪАХЪУ

Па баз цархИллав кали,
Чарулхъулра ну хъули.
Вавни, гЯяби, хИяжанкИ...
Сар багъесли дерхъили.

Унралис акIубли саб
Къугъати кИлизанти,
Халабиур – бетарар
Илди кеГлебти, зангги.

ДегИи гIергъи духълуми
Сари-сарил духъули,
Вавнар шиниша палтар
Челгъули сари хъули.

ГIур чулира делгIа хъу:
АнкИ, мяхIяр... духъахъу.
Тяп илкъяйда гIямрура
Чули ункъли руркъяхъу.

ГЯМРУЛА РИЗКЪИЛИЧИ

Балас, лябкъян замана
ГIурра гъатIира гIяхIси,
ГIямрула ризкъиличи
Баркат хъурабириси.

Илгъуна бархъси гъуни
ГIеббурцалли гIямрули.

ДяхIлизи бархъдеш бурес
Вируливан гъарилли,

Челябкълаличи умут
Нагагъ бердили гIергъи,
Ардякъи, чардулхъути
АхIен игъбарла къургъи...

ТЯП ДИЛАВАН ГЪАРБИЗЛИ

Дахъ заяли деркIили
Нуни бурхIни хIябилра,
ЧархIедулхъни балули,
ХIекъли пашмай убкIулра.

Каклис ахIи замана
ГIур харжбаресли ахIен.

Дугурби балли гъанна
ЛукIес диули ахIен,

Далдуцибтилра делкIес
АхърибакIалри дила,
Тяп дилаван гъарбилзи
ХIеделкIи калунтала.

ХЪАРБАИРА УХЪНАЗИ

Ца ухъна тјамадази
Гъачам хъарбаибсири:
«Чи адам хъуликIара
Бурагу, ца селичи?»

Даражала вегI адам –
Духъяна гIямруличи,
УркIи хIялалси адам
Хъарихъур Аллагъличи.

Мискин адам хъуликIар, –
ВикIи ил давлаличи,
Давлачевси хъуликIар,
Ахъси даражаличи.

Даражала вегI адам –
Духъяна гIямруличи,
Ухънара хъуликIаргу
Илдала баркатличи.

ХIЕЙХУЛИ ГIЕЛА-ГЪАЛА

– ХIуни рушбат сайсуси
Агарсину лехIкахъи,
Ишди лебтала хIечи
Гъмира хIедухъахъи.

Ихъбси зегъа чули
Гъарахъли чебиути,
Сабни балулра илди
Нукъуйс някъиш диранти.

– Ваши, – гъари, – аркъехIе
Хъя барес мижитлизи,
Илаб гIеббурусину
Тяп белкIиван кунглизи.

ХIебиаллири, аркъи
Илди судьяла гъала,
ДиххIедихули чули
Дурути гIела-гъала.

ДехIибала даресра
ХIябкъунти цайналра,
Хъя барес аркъутачи
Виубра ну тамаша.

ГIемчХIебушира или,
Биру илдигъунта хъя,
Кадиркалри гIяхIтири
Чула бургачи хъябхъя.

БАРКАЛЛА БИАБ ИЛДАС

Диркъанира, дубрира,
Дубурла шимазира,
Къяшла дукъби ахIенси,
Пушла гъуни хIебири.

Сари гъанна гъундури
ГIурра гъалагдарили.

Пуруса-къякъличилра
КъелХIе-газаличилра
Муртрил хала бегIгани
Дарибтири гъундури.

Ил секIал къелгIеббукес,
Леб къуватси техника,
Гъалаб къяйдали, гъанна
ХIянчили някъ хIелука.

ГIур илдазирадлира
Пушгъундури детаур,
Илдира къан-къанниван
Хан гъундури детаур.

ХIялалра верхIна диаб,
Гъундури гIяхIдирутас,
Чула кисмахIи ахIи,
Халкъ багъандан бузутас.

ДягIу-гъарзадарили,
Къирлира кадуцили,

Аллагъла, адамтала
Баркалла биаб илдас,
ГIурра хIянчи гIяхIбарес
Бархъли ният барибтас.

ХАЛАВЕРХУ РСИ ХІЯКИМ

Ибхъахъули нешлизи
Мегъла зугъати къапу,
ХІянчиличи арашар
ХІякимладиран Дабу.

Чарулхъаллира хъайГи,
«Дяд-дяд...» бикІар машина,
Нешлис гІямалагара
Рукъесалра аршила.

Ца дилшахъаннагъуна
Дирар юрт-алав тІамри,
Ургъусиван бекІличи
Гъягъя гъудурти забли...

БирхІебиралра чили
ХІурмат варкъибси нешла,
Ашкарси саб хІебирни
Илини дудешлара.

Илгъуналис мадикаб,
ВикІус, халахІякимдеш,
Агарану сунезир
Ца камтилра адабдеш.

Нагагъла ил варалли
Махъи-магала халал,
ВебкІибхІели, ил хІелта
Махъила халкъли хІялал.

Агъ, пакъир, виштІал хІяким,
Язихъгу хІечибси кам,
БегІтиван хІебирулри
ХІуникІун илра мяхІкам:

Шанта хІялалхІетурси
Сай, бикІар, цабикъала...
Багъадлири гІяхІсири
Гъаннадал ил бакъала.

ДАРШУДЕШЛА АРЦАНТИ

АссаламугІялайкум,
ХІурматла усишанти,
Мисрилизив машгъурси
ДаудхІяжила шанти.

Унраличир лернилис
Разили, дила шанти,
Калаб хІушаб дучІули
Даим хІебла арцанти.

Хала Ахъушарадли
Хира цакъти саламти,
ГІер-гІерарахъу илда –
Муза-къада – алавти.

ГІяхІялдешлис мардешла
Чихъли бихути байрахъ,
Эркинти сабухъуна
«Ма!» бикІаб хІушаб авлахъ.

Ахъушан ГІяли-ХІяжи
Разиварес диубти,
Ил викІуливан диги
МухІентачил дихІибти.

Даим хІушаб гІяхІсицун
Челябкъла хІерли бираб,
ХІушала гІямрулизи
Баракат хъурабираб.

ДУРГЪБАЛА ВЕТЕРАННА

Дургъбала ветеранна
Медаль леб дила нешла –
Душмайс гъалабизуни
Дирули рузухІелла.

Чехъер рурсбани дири
ГІянжи-къаркъала хІянчи,
Биркаллира бамсурли
Саби бекІеси хІяйчи.

Бабаюрт ва Чириюрт
Илини гІяхІил дала,
Татаулгала къадри
Хъумра хІертурли бала.

ХІямри – Маммаулала
Далуги сар вацІурби,
Иларра рузусири
ИзухІелира някъби.

Гурра чихъти гъунарти
Лебти саби дарибти,

Хъумра хІертес гІягІнити –
Ил замана буибти.

Чумра урегцІали дус
ХъумхІерту дургъбачила,
ХъумхІертуливан нуни
Неш ва неш-ВатІайчила.

Итцад хІянчи дарибси
Агарриуб гъанна неш,
ЦІализир ва шиннизир
Шандайсван, дарибси дебш.

БЕРЦАХЪИБСИ ЦА ЛАГЪА

Парклизибад аргъили
Цум бархси гІянцІси тІама,
Вякъунра къалабали
Се лебал багъес ила.

Галгала къялубази,
Бячиван ца дукала,
БиркІайзибад бухъири
Гъмир чехъибси къяшра.

Кумекбарили, лагъа
Батбухъахъунра нуни,
Семечколи, биринжли
Дигуливан балхули.

Гъал бархІила бухІнаб ил
Ца гІяхІил сагъкабиуб,

Някъзизбадли кІинайс
Гур сабил арцес биуб.

Хъя бирис, дирхаира,
ГІергъила бархІи лагъа,
БакІиб, сари агарси,
Дила нешла гъаргала...

БугухІели ишабра
Биринжли садакъала,
Сахълира хІебикахъес
КачІубази гатала.

Гъамли шалгІеррухъунси
Нешла юртла гъаргалаб,
ГІямру даимдиънила
АкІуб ишаб сурат наб.

ЧАТІНИ

«Гъалар нушачир лерти
Дахъ камдиуб арцанти,
БекІлил агаркадиуб
Итцад дучІуги чатІни» –

Ца ухънази итилли
Бурулри децІла хабар –

Бирули биъни гъанна
ТІабигІят лебгІеб хараб.

«ЧатІни! ЧатІни!.. ца жагъил
Пикри-пикрира ухъи, –
ВанзаличидяхІ гъамли
Урцуги сарив?!» – викІи...

БАЛАЛЛИ ГІЯМРУ ДЕРКІЕС

«Балалли гІямру деркІес,
Пулав саб, бикІар дунъя» –
Илди саб някъбазибти
Къулса чузибти урхІла.

Лебил жагадеш чули
Давлализиб чебиу,

Давла касили чула,
Ишаб бархибдеш иггу.

КумекхІебиру ихаб
Чусра чула макрули,
Биалли ишаб чули
Ил секІал хІебалули.

МутГалим МутГалимовис 60 дус



МутГалим
МУТГАЛИМОВ

ЛЕБ АХЪДЕШ

Леб ахъдеш дила халкъла
ТѳабигІятла, хІяяла,
Дусмани хІялумцІурти
Зегъала ва ламусла.

ХІелтари ил ахъдешли
Хандакълизи кайкахъес,
Ламус-хІяя дицили
Адам сайра викІахъес.

Ил хазна чебицІахъес
Чебси саб гъарилличи,
ИмтихІянти гъандуцес
Хъарси саб адамличи.

Леб ахъдеш гІеббашуси
ГІергъити наслубачи,
Дунъяличи дакІнила
Хабар гІелаб балтуси.

ДУГИЛА ЗУБАРТАЧИ

Дугила зубартачи
ХІерикІули кайилра,
Зурбаси ахъдешлизи
Пикрумазив урцулра.

Зубарти-ургаб дила
Зубари чебиулра,
Дила уркІилизирти
Илизи гъардирулра.

ЖургъдикІар жалдяхъили
Азир пикри бекІлизир,
Дунъяла дигІяндешла
Ясирси шягІирлизир.

ГІяршлизибад гІяхІси гъав
ГІяхІладли бакІиб набчи,

ДуцІбухъун дила бидав
Назмула гІинизличи.

Чедухъун азир суал
Дирхъули мехІеличи,
Баргес лайикъси гІямал
Хъарси саб шягІирличи.

БумцІахъули дила гъанкІ,
Дургъули сар дугурби,
ХІисаббиуб бацла линкІ
Дурхъули ванал дугъби.

Илгъуна саб шягІирла
ХІяракат дунъяличи,
Азир гІямал ирзули
Дагърила гІевдухълизир.

АХІЕН ВАНАБИКІУЛИ

Бурсиварес хІебиуб
Шагъарли ну сунечи,
Шагъарлизив виасра
УркІи саб дубуртазиб.

Къяна-шилтахъ, гъаргъдеш сар
Алавбуцили шагъар,
Хъямчиби, хІякимти саб
Маслис дихъили магъар.

Ил хІекъдеш дила рухІли
Бирули ахІен къабул,
Кабяхъибсиван саби
Набзи даршлихъла гІябул.

Макру-шилтахъ дабгили,
Шагъар дугбазиб саби,
Баракат убасили,
Къунби кеплизир сари.

ДугІла жанивартиван
ХІякимти хІяйтгли саби,
УрхІла къиян букули,
Къуртмаби багъли саби.

ХІякимдешла тахличир
Къалмакъар-къавгъа сари,

Цали-ца бергес булан
Илди хІядурли саби.

Илдачир дукаркІули
Сар дила уркІи, дагъри,
Дубуртачиб пархбикІар
Дила рухІла зубари.

Дубуртазиб саб уркІи –
Сайра урши хъубзарла,
Гевдухълизир хІерли сар
Набчи къякъра убзара.

Дубуртазиб саб уркІи –
РухІла ахъанайтачиб,
ЛавшардикІули арши
Сар мургъила хъумачир.

Дигахъира илкъяйда –
ХІякъикъат цархІил саби,
Пайтли сари, сепайда,
Хъуми, диркъби ва мурби.

Агъули гягІбикІули
Саби багъси шагъарра,
АхІен ванабикІули
Шилизисси анкъара.

ЦА ТЯНИШЛИС

ШутІни-къунби датину,
Гъарахъдара пашмандеш,
ХІела уркІила дайлаб
Кабизахъа гІячихъдеш.

Ца ерсла гъаммайрахъид
БяхІягар кІибяхІяндеш,

Гъарахъдара, ванцІухъи,
Сабурагар ташмишдеш.

Чемайахъид къат бабзси
УркІиличи чурхдешла,
Виркмаркуд качІубази
Къяркъдеш-жанивардешла.

СЕ БИРУСИ?..

Се бируси лебли цакъ
УрхІла децІиличи гІянциси,
Кумекличи хІяжатси
Баралра гІевхІевцибси?

Се бируси лебли мас
Мурхъли дигІянбарисси,

УркІецІиличи хъарси
Пакъир харихІерисси?

Се бируси лебли пагъ
УркІилаб бацІахъисси,
Пагъмула гъелизибад
Сабухъ хІебацІахъисси.

ХІУ ЛЕРСИ МЕРЛИЧИВ

(Далай)

Хіечи дила дигай
Адалки сари,
Хіечи дила карцІай
Дургъули сари.

Хіу агар мерличив
Ну цІуръаванра,
Хіу чехІериънав ну
Ятимван сайра.

Хіу лерси мерличив
Шагъван шадлира,
Шагъдеш дикибтиван
ТалихІчевлира.

Хіу агар мерличив
Ну сукъурванра,

Бацбуркъла дугиван,
ЦІудар-цІяблира.

Хіу лерси мерличив
Мекъличивванра,
Ниъла шарализив
Алжайзив сайра.

Хіу агар мерличив
Гаша убкІулра,
Беръубси галгаван,
Ташли уръулра.

Хіу лерси мерличив
КарцІайла цІара,
Нуван цІааурли
Хіебургар цІара.

ВАРИ...

Вари, вари, викимайкІуд
«Дунъя каш саби» или,
«Ну къулса сайра» или,
«Варг – океан саб» или.

Вари, гъанмабиркахъид
ГІямру делхъ сари или,
Дунъяличив нугъуна
Делхъчи агара или.

Вари, гъанмабиркахъид
Ахърила вегІра или,

Дунъя убилчебарес
Дила ахъри леб или.

Вари, паргъатли, вари,
Уэн иш дунъяличив,
Букули къадарла каш,
Дирули тяхІярла делхъ.

Ахъри-цІакъ агарсилис
Бирули даим кумек,
Мискин-пакъир адамлис
ДуртІули уркІи-дулекІ.

СЕН?

– Къагъсиван, кепсиван, кеп агарсиван
Сен хіу къунзикІулри дунъякад, адам,
КъакъавакІахъилрив, бура, хіу сели,
Чи саю ирхъуси хІела чархла кам?

Кайзурсирив, бура, сен хіу къямкъяван,
Суалти чедухъив ахир агарти?
Ца хІекъдеш, марлира, хІуни аргъилрив –
Суалтачир камли дирни жавабти.

* * *

Дай хІерили сукъурси
Ветаурлирив тІума,
Жагадеш чехІебиэс
БикІулив хІед се гъама?

Се диргалабулхъулив
Бакъес булбулла тІама,
Сукъурра, иличи че
Ветарулрив гІянцІара?

НУНИ АРГЪЕС ХІЕЙРУЛРА

Нуни аргъес хІейрулра
Ну-алавси иш дунъя,
ГІязабтазив убкІулра
Дунъяла дигІяндешла.

ХІулбази хІербикІули
Бугъули саби къунба,
Инсайчибад гъарахъли
Сабигу рухІла кягІба.

Бетахъбикили саби
Адамличибад бархъдеш,
Се сарил хъумкартурли
Сар черяхІти адамдеш!

Маслис саяхІкайруси
Сен бакІибси замана?
Адамла дард иргъуси
СагІят сабаэс вара?

* * *

Агъ, гІямру, къадри, къимат
ХІедагъурли аркъути,
Я гІеладахІ чардарес,
Я гІур деркІес хІейрути.

Агъ, гІямру, хазна-давла
РухІла, гІякълу-дагърила,
Тамашала мягІнала
Гъар инса тІабигІятла.

АВАЛ ТУГЪЛА

ГІявали гъайикІуси
ГІямултар гІявамухІла,
МухІли луъмесли басес
БяхІягарси макрукъла.

Давла саби ил рухІла –
ХІедиур арц ил асес.

* * *

Даим тикрарбиралли
Къянара мар бетарар,
Гъаман гъарацІбиралли,
Марра къяна бетарар.

* * *
Къиян кахІебихъибси
Давла се мас бируси?
Чи давлачеввариба
Масли хІялалагарси?

* * *

Адам давлачевхІейру
ХІялалагарси масли,
ЛугІнигъуна саби ил
Гидгарличивад гъезли.

* * *
Держла хІебержаслира
Кеплира гІямрулизив,
Мусли калес вирару
Агъула дунъяличив?

* * *

Дунъяличиб леб давла
Асес хІейруси арцлис,

* * *
Азгъиндешли имсливан
Дугути сари гІямру,
Баркъагардешла диван
Бархъбатес бара амру.

* * *

Севан сѣйкабиублил,
Шара адамла рухІла.
Агъули гягІбикІулил
БилхІла кІибяхІяндешла!

* * *

УркІби ахътани бала,
Ахъдеш, хІела гъайбатдеш,
ХІер саркъибта чебиу
Ил нигІматла къугъадеш.

* * *

Дагра хъярхъли арбякъун,
ДуцІли саб ишбархІира,
Пикрила нур лямцІбухъун,
АлкІан сагал хІябкубра.

* * *

Сарзахъили тІиз-тІизли,
Каргъахъурли тугъ-тугъли,
БелкІес къугъаси назму
Харжбара, шягІир, пагъму.

* * *

Сегъуна талихІ сабил
ВегІла дякъ белгибарни!
Адабла ахъдеш сабил
РухІла низам кабизни!

* * *

Шагъарлизи дуцІли саб
ИшбархІи дубурланти,
Дила уркІи биалли
ГъуцІли саб дубуртази.

* * *

БегІла вайси жанивар
Дунъяличив адам сай,
Дунъя хІяжар бируси
Цаибил хІяжар ил сай.

* * *

Хъубзарлайчиб хъулкила
Саберхурли саб къумур,

ХІялалси зяхІматчилис
БикІули саби – сукъур.

* * *

Шантани дархъдатурти
Дисули сари шими,
Марайли анцІкъилизир
Нургъба кІантІдикІар шурми.

* * *

Даг лебсигъуна сабри,
ВатІан, хІела къиблама,
Бахъал халкъли иргъулри
ХІела гъайбатси тІама.

* * *

Дунъяла шишимтала
Шинжиртази вигъира,
ГІямрула гІязабтала
КачІуба гІяндуршулра.

* * *

Давла, мас-хазналичи
Шуркадухъи милиги,
Цаличи-ца адамла
Сяйдиубли сар диги.

* * *

Агъ, гІямрула къугъадеш,
ГІямрула гІяжаибдеш!
ЗяхІматчи халкъла даим
Бажарди-гъирачебдеш!

* * *

Вахъ дебали хІулмаркІуд
БерхІи гъаббакІибхІели,
Илцад цІакъли цІуммайкІуд
Дирихъ пушбухъунхІели.

* * *

Ца уркІи кІел уркІиван
Бузули саби дила,
Вергурлира, къикІаван,
ДецІ-анцІкъили дунъяла.

Нушачир гЯхИлагли

КЪумукъунала поэт
Суфиянат МАМАЕВА



ИРГЪУЛРА НУНИ

Ну риштГали лералри.
Бархъли бурис хІушази,
Пикрирухъас – гъандиркур
Детаурти итхІели.
Унра хъунра дурути
Аргъира нешличила:
«Жапати гЯмру деркІиб, –
БикІулри дила нешли, –
Я талихІ пишхІебяхъиб
Пакъирлис гъачамалра.
Къисматли мегъ чедихъиб
Илала талихІличи».
Ардякъун гЯхІцал дусми,
Нура халараира.

Дунъялизир мицІирли
Жявлил нешра агара.
БекІили, итаб саби
Нушала унрубира.
Дахъал секІал нунира
Жявлил хъумартурлира.
Нешла гЯмруличила
Нуни дахъал хІедалас.
Жявли ребкІиб: хІебикиб
Кабихъес гЯмрула дарс.
Неш бекІлизи ракІалли,
Гъандиркур унрала гъай.
Нешлаван хІебирусив,
Дилара талихІла пай?

* * *

Хя саби
авбикІули.
ХІулбазир
зубарти сар
рурхІули.
Гъанбиркур,
нешли рире
набзи бурули:
«Биалли хя
авбикІули,
адам вирар
УбкІули!»

Хури сар
авдикІули!
Неш! Неш!
Дунъя бургар
БубкІули!
Дила гъайли
неш сари
уркІиули...
Хъямрики,
дила мухІли
сари бурцули!
Неш сари

Нушачир гяхлагди

Къумукъунала поэт
Супиянат МАМАЕВА



ИРГЪУЛРА НУНИ

Ну риштГали лералри.
Бархъли бурис хІушази,
Пикрирухъас – гъандиркур
Детаурти итхІели.
Унра хъунра дурути
Аргъира нешличила:
«Жапати гІямру деркІиб, –
БикІулри дила нешли, –
Я талихІ пишхІебяхъиб
Пакъирлис гъачамалра.
Къисматли мегъ чедихъиб
Илала талихІличи».
Ардякъун гІяхІцал дусми,
Нура халараира.

Дунъялизир мицІирли
Жявлил нешра агара.
БекІили, итаб саби
Нушала унрубира.
Дахъал секІал нунира
Жявлил хъумартурлира.
Нешла гІямруличила
Нуни дахъал хІедалас.
Жявли ребкІиб: хІебикиб
Кабихъес гІямрула дарс.
Неш бекІлизи ракІалли,
Гъандиркур унрала гъай.
Нешлаван хІебирусив,
Дилара талихІла пай?

* * *

Хя саби
авбикІули.
ХІулбазир
зубарти сар
рурхІули.
Гъанбиркур,
нешли рире
набзи бурули:
«Биалли хя
авбикІули,
адам вирар
УбкІули!»

Хури сар
авдикІули!
Неш! Неш!
Дунъя бургар
БубкІули!
Дила гъайли
неш сари
уркІиули...
Хъямрики,
дила мухІли
сари бурцули!
Неш сари

РухІ булан дила гъанна
Забли демхІурли сари,
Дила юртла хьалч булан
Заблиуб букІули саб.

* * *

Чи-саял шалгІевухъун
Дила дякъ байбяхъили.
Нуни хІясиббарира
ДекІдеш илала ганзла.

Дила улкъайра гъанна
Сабигу тамай бячи,
Дячун шишни дурчули,
Арархилра ну гъанна.

Дякъван, илини дила,
Марли, жанра къябаиб,
Се сабрил гІяшли буриб,
Амма набчи хІерхІеиб.

Рячунсигъуна сарра,
Марли, нура шишаван.
Наб ну ручес дигула,
Рахли ручес риасли.

ТЕЛЕФОН САБ РУРЖУЛИ

Ца хІела тІама аргъес
Дунъя убил-чебарра.
Телефоннизибадцун
ХІела тІама иргъула.

Изули саби набзиб,
ЦухъбикІули, рурцІули.

ХІела тІама аргъибмад,
Нуни хъат чебуцира.
ХІу гъимукІахъибси ит
ХІулбани чераира.

ХІед вай барес дуриб гъай
Набчи сар чедулхъули.
Телефойчиб дила някъ
Саби гІурра руржули.

ХІезиб сагъхІебируси
ХІед нуни бариб дяхъи

Ца хІела тІама аргъес
Дунъя убил-чебарра.
ХІела дугъби аргъили,
Телефон саб бисули.

ГУНЗРАЛА ТІАМА

Иргъулрив хІуни
Гунзрала тІама?
Ургуд иргъули,
Сарину мякълар.
ХІечирад сари

Гъарахъдиркули.
Хъарзаб гъачамлис
АхІенгу хІунтІей –
ХІела гунзрала
АхІен аргъили.

ВАРЪАВАН САП МУРИТИ ...

ХІера, чумал дус
КІел уркІи сари
Цали ца даргес
Ибкъели умцІули.

УркІбазирадти
Дигайла дугъби
Сари дурули,
КІелра дигули.

Халаси гъунира
Ахъиб илдани.
Ахирра, даргиб
Илди цали ца.

КІунтІбира сари
Ца уммайлизир,
Дигайра сари
Муриси варъа.

ЧИНАБА РАЗИДЕШ?

Нушала дигайличи
БерхИра саби кьясли,
Дунъяра саб дигайли,
Вавалибяхъяхъили.

Бацра гъагултира сар
Нушачи хИердикІули.
Илди – дигай агарли,
Сели разидарибтив?

* * *

ДягІ саб бургъули
Дила уркІилаб.
Берцуди чинаб
Вирусив баргес?

ХІуни лапІдирул
ЦІудар хІулбачи,
Бура, чили мегъ
Сарил дихъибти?

Дила кьукъуби,
Някъба дуцили,
Чебаа, лехІдеш
Саби бяргІили.

Дирихъ абицІур
Дила улкъайзи,
ХІуван хІебикІар
Илра гъай набзи.

* * *

Бемжур хъатли буцили,
Миъван бяргІиб дила някъ,
Вари, гъалакмарируд
РикІес набзи вяргІилри.

ХІела ванаси девли
ВанахІебариб уркІи,
ХІела бемжурси някъли
РикІулрив ванабири?

* * *

Дила улкъайзиб нурли,
Барили биштІаси хІяз,
ЛямцІарбухъи, бетахъиб
СихІру духІнаси шала.

Бура, берхІила нуррив
Яра лямцІла кьялрив?

ГІур, лямцІбухъи, илини
Дила рухІ шаладариб.

Марлирагу, ил бурги
Набзиб хІебилшул умут:
ХІу ишбархІи вагъурри
Дила нергъла кІантІлизив...

БАХЪЛИ ХЪУМАРТУРЛИРА

Бахъли хъумартурлира.
Хъумуртура хІунира.
Ванзаличир дахъал лер
Хъумартес хІейрутира.

Бац булан хъумуртугу,
Дугили шалабикІул.
ХъумхІертув хІуни деркІиб
БурхІни хІебла, дуцІрумла?

Хъумуртули сар тугъи,
Даимдешлис делкІунти.
Хъумуртули сар хІябри,
Хъулани удатурти.

Ванзаличиб, заклизиб
ХъумхІертуси агара...
ХІуни ну хъумартни саб
Хъумартес хІерируси!

ДУРХЪАТИ САР НАБ ГІЯМРУ

«Хіерагу ит...» – бикІар,
Чериахъули.
Нуни нуван гІур
Леву ралуси?

Наб или буркъиб
Аркъяс хІяблизи,
Ну ахІенси гІур чи
Кархъу илизи?

ГІямрулизирра ну
Къардрухъаслира,
Ну сарра къалли
Кариркусира.

Арилзусира
Ну сарра къалли,
Ил барес дила
Гъунар баалли.

Умутла къала
ГъятІкабиалли,

Сагабирусира
Ну сарра къалли.

Ил наб цархІилли
ХІелуша къалли.
Ил белшес набчи
Хъарси ахІену?

Щала ламила
Лезмуна рукас,
Музаулхъана
Чи, ну рерцахъес?

Щали игусира
Ну сарра къалли.
Балагъ лябкъуси саб
Дила бекІличи.

Ишди гІямру сари
Набра дурхъати.
Илис сари гІурра
Илди дигути.



Гяйша Курбанова - 60 дус



Гяйша КЪУРБАНОВА

ХІУ БАГЪАНДАН...

(Поэма)

Далуйти-делхъана ясирруцили,
ХеррикІулри сагал фестивалъичи.
Цалабикитала къуймурдешличи
Хясратхеризэра гъунар агарли.

Гяпрахъу дубурла хамси кабизли
Ну, тп шягир къяйда, карцІрарибхели,
Мякълаб гъайбикІути жагътала гъайли.
Хяйранрилахъубра ну гяжаибли:

– Сен даим рургъулри, бурагу набзи,
ВерІ дигусиличив къугънаиркъусив? –
Чехиб хапли набчи хумарти дугъби
Авадан майдайчиб тІама цІум-бархси.

Нуни се бурасра, хІу дукаркІулри,
Секъяйда херъасра, хІу гымруркІулри.
Хечи я гъамизс, я гъарахъикес
Гъунар агарлира, хергъулрив, марли?

Рирхаи, хед вайси хебулгас нуни
Хед гядаббизеси хебирис, вари.
Хечи херилзесун пурбанбарадли,
ТалихІлизи буйгас, тІашризи, гъари ...

Гяшкавциб хІулбазиб цІала лямцІ саби,
Жунабгъунти кІунтІби сар пишдирхъули:
– Секъяйда рирхиша хела гъайличи? –
ДукаркІули, рурси сари рубшули.

– Гъаригу, исбагъи, рахъ хаммариуд,
Дигайла цIаличил хIязта мариркъуд... –
Наб эс дигулригу, исбагъи ребшиб,
ГIяшикъси жагъилра гъузгъалдивариб.

Рурси кариибси мер бацIкабухъун,
Уршила уркIира бахъ къакъабухъун.
АхIерли бихIукъи, арцла кисаван,
Хъумкартурси тетрадь лебмерлаб калун.

Ахъбурцулра тетрадь – гIядатла саби.
БелкIани – лерилра назмурти сари.
Тетрадьла регI раргес къяйцIрулхъулира –
Сецад умцIаслира, ил хIерургулра.

Фестивальличибти саб арбашули.
Дилара хъулиряхI рукъес къас сабри,
Амма тетрадьла регI раргес умцIули,
Автобусличи ну къанкариубра.

НикIа делхъчибира барх арбукили.
Шадти дяднучIаби хъули батбихъиб.
Хъумкартурли сунна белкIаначила,
Къуймур далайчира шинван ретахъиб.

УрхIла тетрадь белчIес хIейгусиригу,
Адрес ва у даргес ил сабахъира.
Сецад умцIаслира, хIеррируси мер,
Илала у бархли даргхIедаргира.

ХатIла жагадешли ясирруцили,
Тетрадьлизи гIурра ну хIеррилзулра.
СихIру-дархти дугъби жидикIутиван,
КIапIрала бяхIяни чедидирхъулра.

ДучIулра назмурти, урхIли делкIунти,
Набзи юлдашливан уркIи бурути.
Жагъдешла хIеблизир сари акIубти,
УркIи гIяжаибли хIяйранбирути.

ХIЕД БАГЪИШЛАДИРУЛРА

Дила гIямрулизир карцIли делкIунти
Цаибти дигайла дарскъа белкIани
Багъишладирулра хIед уруз-хIяцIли,
ХIязлизи мадуйгIид дила хIялани...

Хед аргъес дигукъи, дурхѳедурибти,
Наб дурес дигукъи рибхѳериубти,
Тяп уружла шинван дагъардиубти,
Кѳапѳрази лукѳулра дила пикруми...

ЧЕВВЕРХИ

Чевверхи, гъинтаван рубшули или,
Гѳядатла саламра гес урузѳулра:
Хѳебла тѳагѳямтазиб булбулла къяйда
Багъарбулхъан или аги дигайла.

Къаршиикадѳира, бекѳ къухѳѳурцулра,
Хѳерхѳеризес хѳела хѳулбази хѳулба.
Амъур шарализиб алавла къяйда,
Хѳерлизиб лямѳѳ бургид или дигайла.

УРКѳИ БУРИД ИЛИ

Марѳира, хѳериубра
Гъардарес гѳурра карѳѳи:
Пикрумала дахъдешли
Шякъбиркахъули уркѳи.

Сен-сен илди иргъидал
Багъес ахъри агарли.

Марѳира, хѳериубра
Делкѳес я кагъарлизи,

Марѳира, калунрагу
Хѳяялизир умули,
Гѳяхѳгъабзаливан хѳуни
Уркѳи буриши или.

ВАРИ ГЪАНМАБИРКАХЪИД

Вари гъанмабиркахъид,
Ну цунни сарра или,
Дила гъарил гъигълизив
Хѳура варх левсирину.

Хѳечила шишимтазиб
Шаддеш кѳунбиѳулину.

Вари гъанмабиркахъид,
Пикриагар сар или,

Вари гъанмабиркахъид,
Белхаагар сар или.
Дурути-дикъутани
Бекѳ жургъбикѳахъулину.

НУРЛИ АРЪА КѳАНТѳИВАН РУРХѳЕСКАИЛИ

Нурли аръа кѳантѳиван рурхѳескаили,
Дигайли чум адам белхѳехъунара?
Ламбикѳул берхѳили жанай вавниван
Игъбарагар уркѳи чум дигубара?

Умутли дуклуми савгъатдали,
Чум инсан гъайбатли арцахъурара?
Чачмали бяхъибси лагъаван хапли
Чум гур ванзаличи бяхъигъара?

Шаддешла мякълаб дард камбиуб вара?
Цумхъедухъи жагъдеш мурт калунара?
Къисматла масхурти, тп гъалахили,
Дагъес бекъиубси чилра левара?

ВАВАЛИЧИВАН КАРЦЛИ

Ваваличиван карцли
Набчи хъерилзухъели,
«Духуси хъергуд» или
Хъечир дукаркъирагу,
Риштали лералрира?

Гъарахъ улкни анцдукъи,
Ватъайзи чарбухъунси
Чатъаван учухъели,

Рахъ халарурхирагу,
Хъехара сарри вара?

Къанни гъямрула гъигъли
Ну чераргъахъибхъели,
Берхъилис сарра или
Бацлис пишряхъирагу,
Игъбарагарри вара?

КЪУМБАЛА МУРДА

Суратуни къяйда хъура рилгъари,
Шурла лесличибси дила шилизир
Хъед илцад дигути хива ралхули,
Някъличиб лагъаван хъеркариури.

Масхурти сар или хъерирхаслира,
Хъу вашуси гъуни алавбирира.
Марли, ну рахъ тахъси уррухъунрара,
Яра хъу къумбала мурда сайрира?

ГЪАРИЛ ХЪЕРЛИ ХЪЕБ ХЪЕХУ

– Чарухъенгу, – рикъира,
Цундешли къацруцасри,

«Гъарил чарулхъусили
Гъяхъла хабар хъебиху», –
Ирули хъалли халкъли,
Рирхъаэс хъерирули.

– Ца хъеръагу, – рикъира,
Даим дардли лукасри.

«Гъарил хъерли хъеб хъеху,
Гулвавна пишхъерхъяхъу», –
Ирули хъалли халкъли,
Марбарес дигхъейгули...

**ХІЕД ДІГНИ БАЛАСРИ, ДИЛА
АХІЕРСИ**

ХІед дигни баласри, дила ахІерси,
Ляркъира ну хІечи, ахъили хІурхъи:
Ихъуливан къургъа гъарахъти улкни,
ХІела у ихъули тІамадирули.

ХІу набчи хІясратли виъни баласри,
ЦІуэриван, кункли урцира хІечи,
ХъипІдешлизирти жан тяхІудирули,
ЛавшардикІахъули арши ва сагни.

БАГЪЕС ДІГІВ, ЧИ САРАЛ?

ХІед гъаналра агарси
Ну – хІела шаддеш сарра,
ХІечирад кІунрицІуси
Ну – хІела пикри сарра.

Даим дигІанриркуси
Ну – хІела игъбар сарра.

ХІуни рагъес хІейруси
Ну – хІела къисмат сарра.

ГІямрукад хІу викуси
ХІела къиблама сарра.
Вашес вамсурси бархІи
Ну – хІела хъарихъ сарра.

ГІЯХІ БАКІАБ ХІЕЧИ

УрхІла гІяйибтази ну хІерикахъес
ХІуни къайгъибарри, гІяхІ бакІаб хІечи!
ХІяялизир ахъли ну хІеррирахъес
Икъалавиубри, гІяхІ бакІаб хІечи!

Ташмишъай руцасра, цІумхІерикІахъес
НасихІят гІеббурри, гІяхІ бакІаб хІечи!
КъияндикибхІели, наб някъ гъабурцес
ГІелавитІхІейкІудну, гІяхІ бакІаб хІечи.

ХІУ – ДИЛА ТАЛІХІ САЙРИ

ЦІуэрли гъагул къяйда
АнцІкъи черардикуси,
БерхІила нурли къяйда,
Наб зак шалабируси
ХІу – дила талихІ сайри

ХІебли тІабигІят къяйда,
Ну сагарикІахъуси,

ХІурхъла сагнани къяйда
Даим карцІрирахъуси
ХІу – дила талихІ сайри.

Урунжла вихли къяйда,
Агурби алкІахъуси,
Урхъула гъигъли къяйда
Аваданрирахъуси
ХІу – дила талихІ сайри.

**ДУРА ХІУНИ НАБЗИ МАЛХІЯМТИ
ДУГЪБИ**

Дура хІуни набзи малхІямти дугъби,
ДецІлизибси уркІи паргъатбарести,
Челукъул шишимти кІундацІахъести,
Дура хІуни набзи малхІямти дугъби.

Дура парчрикІусну берхІила нурван,
Дирихъ чебарбякъи, зак аязхІели,
Дура, гъигърулхъасну атхІеб авлахъван,
Жагъти гулваннани вахбаршибхІели.

Дура пишрирхъусну марзла дурхІяван,
Сай валхуси нешла дяхІ дагъурхІели.
Дура, карцІрирусну тѣп гІулухъаван,
Дигайли бегІ гъалав сай варгибхІели.

Дура хІуни набзи малхІямти дугъби,
ГІямрула бархибдеш хъумартахъести,
Челябкълала бурхІни шаладарести.
Дурра хІуни набзи малхІямти дугъби!

**ГІЯХІЦАД КЪАЙГЪИ
БИРУЛРА**

ХІед бургъантас мурталра
Ну лягІнатра рикІулра.
ХІечила гапбикІутас
Баркаллара рикІулра...

ХІечи пахрубирахъес
ГІяхІцад къайгъи бирулра,
Дила уркІи иргъулрил
Хъарбаэс хІериулра.

ГЪАРИГУ, РИГАХЪАБА

Гъаригу, ригахъаба,
АнцІкъила цІум бишесли,
Нушазибад гІяламли
Даим гІибрат кайсесли.

Мурил дигайла хІерли
Гъамти хІясратбаресли.

Гъаригу, ригахъаба,
Дардани гъамхІейэсли,

Гъаригу, ригахъаба,
Цализир ца дегъесли,
Умути хІяланани
ХІялал дунъя баршесли.

БАРКАЛЛА

Набзир умути дигай
АкІахъубри. Баркалла.
ГІямруличи гъирара
Ахъбуцири. Баркалла.

УркІилизир далуйти
АлкІахъулри. Баркалла.
Шилизив къунзкайкІули
Левнилисра баркалла.



Хадижат ГИМАРОВА

БАТИРАЙЛИС

Чебиулрив, чевяхIси,
Дунья нушаб насибси,
Урхамтаур ризкъиван
Адамла жан дукъуси?
Мукърачиб азихъ тухъли,
Ялгъан далайчи чагъси,
Бархъдеш зайхIебикIули,
Поэт гъаннара ятси,
Хяли лига къяйдали,
Халкъ лутIули цабехIли
Пахруличил кеп-чеклис
«Евроби» харждирусси?
Игъбар саби, хIебални
ХIярхIуби-хIиллуртауб
Улхули жагъти адни.
Дудешла дяхI хIегъурли
Цуръабирули дурхIни
УрхIла лявличи хIерти,
Неш лералли ятимти,
КъацI-шин къакъадиубти
Дудеш мицIир цIуръаби,
Буркъ манзилла хIякаван,
ЛайкабакIибти бегIти.

Бахъ бахъалгу, бахъал саб
Яшавла букIудешли
Дардли дарг игутира,
Къалпти къурушунала
КIавлаб кIайбяхIибтира.
Дергъагар аргъ-вахтлизиб
ХIунтIен хIили иркули,
ДецIла нургъба ицуси,
Далайчи, иш ванзала
Иргъулрив гIянцIси ясла?..
Накъра мехIур манзилла
Гъар биркIайзи, гIябливан,
Улукъули гъар даим
Къакъалира хIябларван.
ХIебалулра ишхIели
Авал уршила нешли,
Океайчи Пушкинван,
Дугъаризишал чичи.
ХIедван хIебаили пай,
Далайэс пагъму агар,
АврикIишав, Батирай,
ВацIала гушси бецIван?

ДАИМСИ ЦАЛА ГЪАЛАР

Даимси цIала гъалар
ТIашризаслира чуйна,
Ит Сталинград шагъар
Гъалабилзан наб гъаман.

Илав увкалунси сай
Дила нешлара дудеш,

ХIябилра дурхъаси саб
Дергъла цIуръас даршудеш.

ТIашлира шипIряргIили,
ЦIелда къяйда, мицIирси,
Гъанбиркули хIярп-хIярпли
Нешла далай хумарси:

«Хьяшари верхел дула
Ну, дергъ бехІбихьибхІели,
Таманра хІебирар наб,
ЛералцадхІи мицІирли.

Янила чиллализиб
ЦІудар кагъар касила,
Бикалра сецад манзил
ХІебицІур миъ уркІилаб.

ХІябразиб хІяб агарли,
Чедиб цІелда агарли,
ГІярасайла майдайчив
Ва дила увкалунси.


Куц-кабизлизив къугъал,
Бахъал гІяхІлала гІяхІял,
ХІу алхнила хабарли
Буахъун дила гІямал.

Хабарла хала дудеш,
ХІу калири гъабзали.
Дибгашанти хІед бикІи
ПаччяхІла Муса или.

Гъунаргачила илцад
БалхІебаласра селра,
Чедибдешлизиб лебни
Балулра пай хІелара.



Очеркунни



**МяхІяммад
ТАХСУРМАНОВ**

ГЪУНДУРАЛА ХІУРМАТЛА ХІЯНЧИЗАР

*Нуни мурталра игитунази халбирути
саби бузес балути ва бузери дигути адапти*

М. Горький

Гъундури ... гъундури... адамла уркІила тумигъунти секІал сари. Хи ле- билра къаркъайзи тІинтІкадиубли сари ва къаркъала хІили гІеббурцули саби.

Илкяйда гъундурира гъар шали-шайчи тІинтІкадиубли сари ва адамлис къуллукъличи каили сари. Илдасра ур- кІилисгъуна къуллукъбирес чебиркур. Илди хІедиалли яра дебали вайти диалли, адамтас ита-иша башес къиянни бирар.

Гъарил инсанничиб гъундурала халаси хІурмат бирес чебси саби, сенахІенну илдани нуша чина-дигара дикулра, чина дигара диахъулра, цадахІличи цадахІ да- шахъулра, цадахІлизи цадахІ чедиахъулра.

Нушала лерилра гІямру гъундурачил цацІали дархдасунти сари. Гъундури къулайдарили, ремонтдарили, къирли кадуцили, гІяхІси даражаличир диалли, бехІемцІуни камли детарар, хІулруми къанни заядирар, машинтира дахъхІи кавлан.

Гъундури гІяхІси даражаличир диалли, башутала уркІби разили, хІулкІули дирар, вайси гъунчивван умсІемсар.

Гъундури гІяхІти, диркѳти, къячІикІуни агарти диалли, узи-уршиличи, гъалмагъ-тянишличи шадив укъес, илдачил ихтилатикІес, шадли замана буркІес иштяхІдулхъан.



Къулайси агиличир ва ахъси даражаличир дихъес багъандан ишбархИ пачалихъли гъундурачи халаси пикри бяхИчиули саби: гъар журала техникаличил ва арцличил гЕрдурцули сари.

Гъундури ремонтдарили, дягГударили, къулайдихъубли, мурталра гЯхИси даражаличир дихъес чекайзурли ва халати къас-гъираличил, дигиличил 30 дус узули сай Лавашала районна ОАО «Левашинское ДЭП 25»-ла (Дорожно-эксплуатационное предприятие) генеральный директор МяхИяммадГялиев Багъаудин.

Ил акГубси сай Лавашала районна Лавашала шилизив 1954 ибил дуслизив. Лавашар 8 класс тамандарили МяхИячкъалала автодорожный техникумлизид керхур. ХИябал дус учУли, 1976 ибил дуслизид черяхИти къиматуначил ил таманбариб. КИнайс Багъаутдинни Политехнический университетла строительный факультет таманбариб ва инженер-строителяла санигИят касиб. Багъаудинни бекИдеш дируси ОАО «Левашинское ДЭП -25» предприятие дебали халаси, дахъал къялубар саби.

Илини бекИдеш дироти гъундури 265 километрличи тИнтИдиубли сари: Лавашабад – СергокъалализивяхИ – 23 километрла, Лавашабад – АхъушабяхИ – 13 километрла, Лавашабад ГубданибяхИ – 19 километрла, ЦудахъарабяхИ – 11 километрла, КъуппабяхИ 21 километрла, БуйнакъсклизибяхИ – 33 километрла къадар.

Илгъуна хъисхъала душиван бершибси гъундурача чЯбарлис къуллукъ-бирес, гъайгъайра гъамадли аХIен, биалра къайгъичевси, къасчевси Багъаудин мекелли гЯхИил бажардииркули сай.

Иличи хъарти гъундури дуслу авалра замана умули, ремонтдарили, къирли кадуцили, ункъси тяхИярличир дирар.

Шофертала, пассажиртала хИяздухъесли, илдала иштяхИ-гъира акIесли гЯхИси даражаличир дирар.

Гъундурачиб камсилра хатIа лебли, директор паргъатли кайэс хИейрар.

Гъундурас гъарли-марси къуллукъ барес хИекъли бажардиикили сай.

Даргала поэт МяхИяммад ХИяжиевли сунела ца назмулизид ишкъяйда белкИ сай: «Наб дигулра дунъяличив цалра виштIаси гъунчив къардхИевхъи ва катхИейкили».

Багъаудин Идрисовичли сунела бузерила хълчилизи ил поэтла духути гъай кайхъили сай, я виштIал, я халал, я ухъна-хъяя, я зягИипти къардхИевхъесли кадизахъурли сари 265 километрла гъундури.

Багъаудинни сай узути хИябцIали дуслу духИнар дахъал сагати гъундури дариб, дуркъаби ремонтдарили сагадариб:

Урмабад ГубденибяхИ – 19 километрла, Хъяр ЛябхъубяхИ – 4 километрла, Лавашабад АхъушабяхИ – 13 километрла, Лавашабад СергокъалализибяхИ – 23 километрла, КутишабяхИ – 5 километрла, МикИхИибяхИ – 4 километрла, ЖангамахъилизибяхИ – 5 километрла, ХахитIа – 1 километрла, Лавашала ши-алав – 4 километрла, МяхИячкъалализибяхИ – 23 километрла сагати гъундури дариб, дуркъаби ремонтдарили къулайси агиличи дикахъиб, сагати 7 гуми дариб.

Ил – Багъаудинни бекИдеш дирнила удиб халаси къиян кабихъили, дахъал хИянчи дарили, сархибси бузерила гъунар саби.

ХИянчи чебетаахъили биралли, хИед гIергъи башар ил, чедихИяртли бирадли, хИечибад гъаббулхъан. ХИебиалли хИянчи сай Багъаудиннис гIергъи башули саби.

Гъндурала хІянчи ункъли ва заманаличир детерхахъес илини техника тІалаббарили сай «ДЭП 25-ла» «Камаз» машинаби, грейдерти, гъндури къ-алайдиранти, декІти духби ахъдурцути-черисути 7 КДМ (комбинированная дорожная машина), гъндурачи гъум делгІути ва гІурра гъндурала цархІилти хІянчурбас хасдарибти жура-журала машинаби лер. Багъаудинни халаси пикри бяхІчиули сай янила манзиллизиб гъндурачиб бируси хІянчиличи. Машинти тјасхІедикІахъес дяхІилизирад гъндури умудирули сари, гІур гъум делгІули сари, яниличи гъалабитІли хІядурдеш бирули саби: дяхІиличи дегІес багъандан 100 куб гъумла, 200 тонна технический зела кадирхъули сари.

Гъндури гъар мурталра гІяхІси даражаличир диахъес 100 хІянчизар бузули саби.

БехІемцІуни камдиахъес 265 километрла гъуйчирти къячІикІуначи – ласбулхъуначи блокуни кадихъили сари.

Шоферти хатІахІебиркахъес, хасданра дирихъ чебихъунси замана, мяхІкамдешлис гъндурачи жура-журала лишанти тІашдатурли сари. Забли ургъухІели, буцІархІели машинтачи хІерти адамгас МикІхІиб, ГІяяхъяблаб, КъулецІмаб, Кутишаб, АхъушабяхІ гъуйчир хъулри (остановкаби) дарили сари.

Багъаудинни бекІдеш дирути гъндурачир халати 5 хъябагъри лер. Янила замана ишар имцІали бехІемцІуни детарули дирар.

Илди хІедиахъес илар дубаначи зумали блокуни кадихъили сари, гъумла бекІни дарили сари. аргъ вайхІели илаб мурталра хІянчизарти бирар.

ОАО «Левашинское ДЭП 25»-ла саби бегІси асфальтла завод леб.

Лавашала районна духІнарти лерилра гъндури ремонтдарили гІергъи, дубурла районтала гъндурачира къир картІули саби. Масала, Хъаргабла, Лакла, Хунзахъла, Сергокъалала районтала гъндурачира къир картІули саби.

ВахъхІи узни, чебетаибси хІянчи бирни, гъндури къирли дурцес дубурла районтас кумекбирни, гъндурала хІянчурби дирнила шайчиб ДР-лизиб кІи-ибил мер буцни пикрилизи касили, Багъаудиннис «ДР-ла урибси строитель» ибси хІурматла у бедили саби. Ил хІурматла грамотабачилра шабагъатлаварили сай.

– Гъндурачи илгъуна хІеруди барес секъяйда бажардидиркулрая? – илда-ла гъар бархІиласи ва чебетаибси бузериличи тамашавиубли, хъарбаира нуни.

– Гъндурачиб бузути даршалцад адам леб. Гъндури сегъуна тјахІярличир сарил чинаб се гІягІнилил, чинаб се хІебиулил, чинаб ремонт гІягІнилил, чинаб бурдибси мерлис къир гІягІнилил, чинар чукълуми дицІес гІягІнилил ахтардидирули гъар бархІи дузути 3-4 бригада лер. Улкала дазуличиб солдатуни къяйда, илди гъндурас къарауйчиб саби.

– ХІушала гендиректор сегъуна сая? – хъарбаира хІянчизартазира.

– Илдани ца мухІлилизибад къяйдали, лебтанилра жаваб гиб:

– Гъар се-секІайзив чеветаибси, хІянчи бекІдарес бажардииркуси, къайгъичевси, кабизалачевси, чесибси гъай къянахІебируси, биргъяхъниагарси, тІалабкарси руководитель сай. «Ну генеральный директор сайра» или, халадеш хІебурцу, вјав-чІярхІейкІар, малхІямли, адамла уркІи разибиэсли гъайикІар, хІянчизартачи уркІецІичевси сай, нушала мурад биру. Бузериличи хІянчизарти уркІичеббарес устадеш лер илизир.

Багъауддин Идрисовичла машина леб, заправка леб, мукърас зал леб, эркинси яшавличил хІерирули сай, амма... сунезиб я халадеш, я хамдеш бекІлил

агара, иличи ургѣбли, ил гІяхІти хІял-тІабигІятла, ламус-хатирла, жагати бухъя-зегъала, малхІямси, сабурчевси, адамла мурад барес, ил разивиахъес дигуси ва уркІеџичевси адам сай.

Илизир гъундурала хІянчила халати устадешра лер. Республикализивра ил гІяхІси хІянчизарлизи халируси сай.

ХІянчизарга, хІякимта илала халаси хІурматра биру.

Багъаудин «Гъалмагъдеш» журналла марси гъалмагъра сай.

Багъаудин, хІела къиянси, амма хІурматла ва лебтасалра багаласи хІянчилилизир гъатІира халати чедибдешуни диубли, гъундури гъатІира гІяхІси даражаличир диубли дигула.

Илкъяйда гъундурас къуллукъбирахъес хІед арадешра, талихІра, дахъал дусмира габ!

ГЪУНДУРАЛА КЪАЛАЙЧИС


**Ца чилра чевхІелкІахъес
Бархъси гъуни кабирхъан,
Майъали хІебалтахъес
Лаг диркъличи шурбалтан.**

**Дубурла къячІикІуни
Мегъла цулба чІямдиран.
Гъунила хъябагъруми,
Хъяб сирбалли, герман!**

**ХІули чебхІевдахъуси
Гъундурала къалайчи,
Ялчидеш агаркъира,
Гъаман гъунчивси ялчи!**

**Лявкъуси – къанхІейрахъан,
Аркъуси – ветиахъан,
Вайти гъунбала душман,
Багъадур Багъаудин!**





Имин МЯХИЯММАДОВ

ЧИЧИЛА ЛУКИУСИВ?

ХІера, гІурра набчи кагъар. Редакциялизібад. БиргхІебирхъни хъалима-буартани! «Гъабкъя хІянчизартачила, гІяхІти адамтачила белкІен. Жавабличи хІерли дирехІе».

Гъу, чичила лукІуси? ИлдикІун шилизиб бахъал леб. Увас, чидил саяра илди-ургав бегІлара гІяхІсигъуна? Совхозла гъаркъя ялчи ХІяжиннаева ПатІиматличила белкІасли? Шанти илис «Мичурин ПатІимат» бикІи. Унхъри дузахънила, дугенила къехІни, капуста дашахънила хІянчурбазиб ПатІиматли хІебалуси хІебургар или гъанбирки. Чуйнара кумекриуб ил нушала школала бузерила бригадалисра...

Дагъиста школала рурибси учительница Жамалутдинова ПатІиматличила белкІасли ?

ПатІиматлис илгъуна хІурматла у чумал дус гъалаб бедибсири. Илини гъар дарс идеяла ахъси даражаличиб, методикала гъаркъя тяхІурти хІясибли дурабуркІу. Гъарил минут пайдалабиру, дарсла тема бучІантази мурхъли ар-гъахъес къайгъибиру. Илала дурсрачи ну чуйнара вякъунсира...

«Усиша» совхозла хъумала бригадала бригадир коммунист МяхІяммадова ЖумягІличила? Савли жявли арилзни багъанданра сарерхурли рузни багъанданра. Бригада захІматчибани илис «Шиш ЖумягІ» бихъиб. Ибкъси бузерили совхозла захІматчиби - урgab жагъил рурсилис диги ва хІурмат хиб илдани ЖумягІ чула къяянази къабулрариб, бригадирли рикІиб. Совхозла дирекцияра «Шиш ЖумягІла» бригадала бузериличи разили бири.

ЖумягІ цархил хІянчиличи шурурухъунхІели, бригадирла къуллукъуни хъ-ардариб МуртазгІялиева ПатІиматличи, Иш гъакІлисра бригадала захІматчиби хатІахІебикиб. Лебта сунечи бихъибси игъдибар гІяхгъабза рурсили марбариб. Ишдусла март базлизиб Дагъиста БекІла къуллукъуни заманалис дузахъуси Владимир Васильевла някъбазибад «АхІерси ванза дигахъни багъандан» бикІуси ДР-ла хІурматла лишан сархиб. ХІера илкъяйда ахъли къииматла бариб ВагІай «Бригадир ПатІиматла» бузери... ПатІиматличила белкІасли?

Районна больницализир дахъал дусмазир тухтурли рузуси Уммукличила белкІасли? ИлискІун шантани мургъила памятник тІашбаталра, чилилра

гІяйиб хІебиру. ВахъІира иличила белкІес хІядурикІули. Чумилра адамлис гІягІнибикиб ил гІяхІгъабза хъунул адамла кумек...

Делхъ-далайла уста, пагъмукар учитель Асила ГІсахІяжичила белкІасли?... МицІираг адилкъантачила, механизатортачила... ХІябилра леб илди шантани чучиб пахрубирути! Гъамадли саби чус, редакцияла хІянчизартас, лукІесра, «лукІеная!» бикІесра. Эгер нушагъуна хатІаикалли?..

– РелхІунрив, Зайнаб! Чина раирив?

– Школализи раира, дила узи...

Зайнаб нушала почтальонка сари. ГІаш! ЗайнабКІун бара гъалар сарри нушачирад дурарухъунси. Кагъар хили раКІибсири. Сарерхурсира кІер къалли. Арца дуклумабир урцулилра хІериэс?..

...ЦадехІ ГІямрула чумал бухъна хъунул адам чебаира. Илди, янила берхІила нурлизибад тІягІям кайсули, гъаргалаб разили хабурта бугъули. Лебилра пенсионеркаби сабли уббухъун. Гъарилла някъбазир вецІ-вецІ азир къурушмала кагъурти сари.

– РаКІиб нушала Зайнаб. ХІялалдиъли дутІиб пенсияла арц. ЦабехІтани декъ ису, цархІилта – палтар. Жан Имин, нушала хала бегІтани хабуртазир дуругигъунти алжанала гІямру ахІену, гъатІи, ишди? Вари сари, дила урши. Азир баркалла нушала хІукуматлис, бухънабала бахъ хІурмат-къимат дирулину! – хІелили рубкІули ихтилатлизи ахъиб хъа регІ Чамкур БатІа.

– Хъулирад вяшхІедухъахъи хІеркадирулра! Пенсия гъатІи хІелугуси биалри, се бирутирира нушани? БелкІенгу нушала Зайнабличилара газетализи...

«Нушала Зайнаб», «Почтальонка Зайнаб», «Серерхурси, гІяхІси адам». «Дархибти пикрумира арцли руртІан Зайнабра». ХъайгІи чарухъунмад, Зайнабличила лукІасра!...

– КъанхІейрадли тІашизи. Ляркъян нушала Зайнаб.

Сунечил ихтилат барадли, гъатІира гІяхІсири. Иш хІянчилибир рузула гъану шура эсил дус сари. Хъарбикисси хІянчи заманаличиб, чебетаахъили таманбиру. Бамсри хІебалуси, гъай-мез агарси адам баркаллаличи лайикъли сари... Унза гъаргдиуб. Зайнаб почта лебси хъули арацІиб. Почтала начальник МяхІяммадли иличила гапла гъай тІашаиб.

– Газетализи? Набчила? МалукІад, дила урши. Нушачиб чучила белкІес лайикъти камли ахІен. Гъалабра ца хІугъунани набчила белкІунсири. Биур...

Ахирра Зайнаб къабулрикиб:

– МяхІяммадра викІули гІергъи, белкІен, гъатІи...

Гъайгъай, – хабар даимбариб илини, – дила хІянчи, чеди хІерикІесван гъамадси ахІен, урши. Хаслира, гъаларти дусмазир румсули рираси. Гъар жумягІлизир 600 -700 адамла унза-ганзи ихъес чевкъи. Базла духІнар гъачам пенсионертасра биштІатала бегІтасра дахъал арц дуртІаси. Шантас чараагарли гІягІнисси хІянчи бирули риъни балули, я риргІни я румсни пикрибирули хІерираси. Гъанна набчи хъартала лугІира камбариб. Дила дусмира урегІанну хІябраличирад шалгІердулхъули сари. Нуни пенсияра кайсулра. ГІяжаибси хІянчи саби нушала. Азир хъалла шилизиб дура лехІхІебикІуси хъалибарг рахлира хІебургар. Дурабад бархъибси саламтала кагъар, гІяхІси хабар чучи баахъасли, шанти хІулбуркІар. Набра дилаван гІяхІси хІянчи агара или гъанбиркур. Амма цацахІели...

...Щали бигла, кѐл тѐлван чѐртѐа кагъарла артѐали, бай хъат цѐухбируси-гъунари. Хъа гъала араибхѐели, шичирад ляркъули хъа рѐрт цугрикиб.

– Релхѐунрив, Зайнаб! Дила уршбала дудешличибад кагъар агарав?

– Бакѐибмад лебхис, дила рузи. Яхѐбара... Уркѐи къакъабакѐиб. Сурслизи симкъ барцѐикиб. Нургъби тѐашаѐс рирули ахѐенра. Илис гѐргъи хъайгѐи арацѐес хѐерирули гѐяхѐцадхѐи дурар калунра. Ахирра унруби кумекбиуб... Телеграммализи урегал-верхѐел урши-рурсила дудеш, совхозла хала букѐун, К.Мяхѐяммадов хабарагарси зугѐйзи викили вебкѐниличила ва левхули виѐниличила белкѐири.

Рахли, чила-биалра къапулизи кахси балагъли къутѐдяхъялли, ну гѐйибла рѐрт сархѐеливан, децѐигур, уркѐилизиб ружери авдар. Хѐянчилизибад уркѐи булхъан. Цамадар, илгъуна анцѐбукъ рахли ахѐенси къаршихѐебиркни.

Дургъбала заманала гашала дусмазив Мяхѐячкъалализив Ахсанхъала 5 дус виубси урши ветахъибсири. Умцѐлабани гѐяхѐдеш хѐехиб. Итала гѐргъи дахъал дусми ардякъун. Заманали шантази ил анцѐбукъличила хъумартахъур. Гѐлабтира паргъаткабиуб. Хѐера, ил ветахъибси урши пулан пачалихълизив ара-сагъли левниличила, бегѐтаци, сай акѐубси шилизи лѐвкъули виѐниличила гѐяхѐла хабар бурес Ахсанхъалайчи гъайриубхѐели, дуцѐлизив набчил чилра бажардихѐерки или гъанбиркур. Дила разидешличила бурес гъай атхѐедиур...

Варъализиб мурчѐалира камхѐебируливан, дила бузерилизир хатѐабира къаршидиркур. Илди тикрархѐедикѐахъес къайгъназир рирус, – набчилси ихтилатла заманалра Зайнабли някъби тѐашхѐеиб: газетабала ва кагъуртала халаси бекѐа чумал бутѐаличи бутѐиб. Сумкализиди илди низамличил кадихъиб. Ралкъаур.

– Иш гъакѐлис нуни шантѐи Россияла президент Владимир Путин мартла 1-личив РФ-ла Федеральное Собраняличи Дугъабизличил уркѐи гъаргли гъайухъниличил тянишбирисра, – пишрехъиб ил.

Сунечи шантани ва хѐукуматли бихъибси игъдибар дахъал дусмазиб марбирули, къалпагарли почтальонна хѐянчи бузахъули рузули сари дила шан Зайнаб. Ил чуйнара къиматла савгъатуначил, Хѐурматла грамотабачил наградитьрариб. Зайнабгъунти гѐяхѐти вегѐла цашантачила макъала белкѐни – нуни хѐурматла баркъудилизи халбирулра. Илгъуна пикри шантанира гѐебурцниличиди вирхулра. Илди биалли нушала шилизиб бахъал леб. Чичила белкѐишара?



Нурулгъуда РАЖАБОВА



КЪАДИЛА ХАДИЖАТ

«ЯхІбара, Хадижат, яхІбара, яхІ байрахъ сабину. Гъанна нуни хІуша дархъ-далтулрану, Хадижат, рахъ дебали къакъамарикІуд. Барири хІуни наб гІяхІси къуллукъра. Нешлисра бекІмахухъунра ургус. Илинира рамсни хІебалули, ну чина-дигара викули, дахъал гъундури ахъиб, дахъал гунзри кацІиб набчил дарх...

Гъари, чинава дила ГІяли... ХІура леврив, гъамии набчи. Нушала Бутри-ла шилизиб дурхъаси устад Балидла хІяб кІебси саби. Дила цІелдара илала мякълаб бирар. Вашен хІура дила хІябличи»...

Жагъти гІямрулизив, 1980 ибил дусла сентябрьла 25-личив бархІехъ, шал-гІевухъунсири бутран ГІялила Къади. ИкІди чедир гъандушибти илала бегІла гІергъити гъай сарри – сунела хъалибарглизи дурибти. Адамтачи, гІямруличи, гІабигІятличи гІяшикъси жагъил поэтла.

«Къиян чехІебакІалри, игъбар чинад бириба?» ибси бурала лебси саби. Тамашала сари адамтала къисматунира...

Хадижат – Дахадаевла районна ГІяштила шилизир акІубси сари. Камти гІямруличир ил чула шилизивадси пергер багъадур Ашамайла ХІябиблис хъаллариуб. АкІуб илдала кІел урши – Мухтар ва НигІмат. ХІябиб школала завучли узусири. Ил школализир дурсри кадирхъулицун паргъатхІейри, илини сунес кІидерхІла юртра белшун. Жагаси хъалибарг бетаур. Азбар-гІя мицІирагли, арцанта дицІилри. Баракатла хъалица акІублири. Амма, хІули агиб биэс бикІутира ахъиб, зягІипра хІейкили, хапли ХІябиб таманкайуб...

Хадижатлис дунъя цІяббууб. Бац-БерхІи дишунтиван кабизур. ИтхІели илала уркІилизи пикри каберхурсири: я Аллагъ, хІегишира хІуни наб даршал дусла гІямру, кІидарш дусла гадра ну дила ХІябиблис марли кавласи. Чина хабарри гІур хъалица дучес хъулрулхъни...

«Адамла пикруми цадехІ, Аллагъла къадурти цархІилти» бикІули бирар. Автомашинализир бехІемцІлизи рикибси Хадижат МяхІячкъалала 2- ибил больницализи рикиб. Палатаби дицІили, Хадижат жаняхІлизи караркъилри. Рахли, илала мякълабад ца жагаси жагъил адамчевси коляска шалгІеббухъун. «Наб гъанбикиб ил баягъи уршила дудешла коляска бургар, урши сунела хІязла уюнтази ахъили виэс, или», – гъанбиркахъули сари Хадижатли. – Амма ил нуни жаняхІлизив кІинайсра чеира, хІяйнайсра. ИтхІели наб ашкарбиуб ил чулахъиубси бутран урши виъни. Илцадра жагаси иличи се балагъ бакІили

ил даражаличи викилира, агарсира тухтурла ил сагъварести дарман или дила урки гьаман иличила пикрибиклулри, иличи урклецидулхъули, цацахели гьанкра бумцулри.

Бутран Кьадира тамашала, дебали адамличи пикричевси, гялбаркъ балуси, хлякыкьатличила мурхъли пикриухъес балуси, малхямси адам вири. Хадижат иличила риклули сари: «Гъай, дахъ дебали жагатиригу, дахъ жагатиригу илала хял-табигят, бухъя-зегъа, хасиятуни. Сунела ахъриагардешличи херхеили, бахъ дебали се-биалраличи чеветиэс, сайра чинав-биалра пайдаласили ветаэс кьайгъилизив виригу».

Кьадила дудеш Гяли дявила майдайчивад чархевхъун. Нешла калунси ца урши ФЗО-ра белчи, машинист ветаурсири. Ца баз сайри ил калунси поездличив узули. Хапли ил декси изай ясируциб. Больницабала ясир ветаур. Иличил рарх – илала нешра. Хлябилра нургъбира картлиб илини, хлябилра балгнира дариб. Тухтуртала дармунтира сабабхедирулри. Амма арцес дигули хьалли, дуклума дячи, ахъбиэс агарси арцанван, буршановси Кьадичи Аллагъла урклеци глеббаиб. Кьадилара Хадижатлара чумилра мерличи гьундури цадилахъуб – Мяхлячкъалала больницализирад Къаякентла чят-шинниси илдала путевкаби дарх детаур. Гул илди Гъунибла санаториялизибра кьаршибикиб. Дархти гьундури имцладиклуцад, илдала цаличи цала пикрумира мурхъдиклулри. Къаякентла чят сабабдиубал, яра гьар бархли илра кьарширикуси, жагали салам лугуси, урклеци-пикричерси Хадижатла ванати гъай сабабдиубал, чумал дус къакъличивси, айзес хейруси, нешли беккайруси Гялила Кьади гясначив вашес вехихъиб. Гъайла кьантла, илис дигай сабабдиуб.

Хадижатлизи муклураклиб. Урки урклецили бицибси хьунул адамли илала мурад хлебарес хериуб. Гяхиси хъалибарглизирадси, тухум-тайпала Хадижат дигути цархилтира лебригу, амма илини хериуб Кьадила дигайлис жаваб чархлебарес.

Аризурли Кьадила неш Рукъият Гяштгила шилизи сукни рякьунхели, датурли сунела хъалицара, лебдешра Хадижат зягипсила мурад барес, шилизирад дурарухъунсири. Ил гьабзадешла баркъуди сабри. Лебри ил «мицирси жаназалис» шери аркъули или тамаша-хляйранбиубтира. Амма Хадижатра Кьадила баркъ-бацли, дучлуги назмуртани, чугурра бяхъили дучлуги далуйтани гяшикрарилри. Нургъба чхадиклули дамсурти, сукъурдиэси мерличи детикибти хулбачилси Кьадила нешличи урклецидухъи, илизи бамсрияхъахъес, илала урки хляйбатахъес Аллагъли кьарширарибси рииши Хадижат – урклецила цуэриван иличи дигили ламриклуси.

Рахълиагарли Хадижатли Кьадис, дергълизивад чархевхъунси дудешла у бихъахъес урши пешкешвариб. Илис Гяли бихъиб. Хадижатли Кьадис пешкешварибси ил клиэсил савгъат сайри. Ца бархли цаван, клиэсил бархли цархилван вирус. Декли зягипси Кьадичил шадли гямру дурклулри Хадижатли. Ге, шадли. Дигусиличил гямру къушлизирра алжангъунти дирар бикларгу. Хадижатли хляракат бири Кьадила гямру рируцад жагадарес, шаддарес. Кьадини биалли барес вирус бирули, ца галгаличибад итилличи ута гьамбирули, сунечил барх лебси кьелхели ил-алавла укъи, гул дурхнази викли: «Гъария, дурхлини, иш гьатира клантибирехле, гул шин чертлехле... жагаси парк бетарар. Амма, сепайда, гьаннала цацабехли чиновникунани иларти галгуби урдирхъули, чус гаражуни дирес бехлибихъили саби, – хумарли буриб Хадижатли.

Пергъиси замана Кьади зягипиркулри. Коляска бикесра илис кьияннири, – рикли Хадижат. – Наб гьанарулри илис се сабил дигуси лебсиван. Амма бурес вирули ахленри. Ягъари, Кьади, бурагу се сабил хлед дигуси, хела уркиличи

челукъуси, – дугъаризурра иличи. Илис урхъни, бялихъчиби, чайкаби, тІинтІси дунъяла жагаси тІабигІят чедаэс дигули увухъун. Сецад или биубли хъалли, ил вики: «Я нуни коляска бикес вирули ахІенра, я вашес дила ахъри агара. Камлив наб дигути? ХъяшакІун хІейиша, наб дигу-дигута диркъеная виКес хІушази...»

– Ва, дила ахІерси, сейкІулри хІу, се къияндеш леба наб хІела ил мурад барес? – урКичеввариб Хадижатли мурул.

Урши Къадила коляскаличи катур, илала мякъла – Къадира. Уршили коляска гъайбариб, илдачил рарх Хадижатра ратрихъиб. Урга-ургади, ил гІерраахъес коляскара тІашаили, Мухтарли изули дихІес хІейрути Къадила къяшмас массаж дирусири. Хадижат гІерраибхІейс Къади виштІал хъяшаван хІилнавиркъусири. Илкъяйдали илди урхъначира баиб, ипподромличира бякъун. Урхънала шинни къяшмира дирциб. ХъайгІира кадухили, силавчализив визахъули, чуйнара сай карціти урхънала рамчанира, бялихъчибира, чайкабала тІамрира гъандикахъиб...

Къадили, декІли зягІипли дахъал гъанкІагарти дугурби дуркІусири. Амма ил цІумхІейкІи. Бахъли ил Николай Островскийличил мешуурцусири – урКІила чІумадешлизив гъабзадешлизив.

ВебКес ца баз калири. ИтхІели Къадис дигули ахъиб, ну хІянчила хІерашули, сунела мякълар калахъес. Дила урКІиличибра илгъуна пикри лебригу, тиладирикІес хІянчилабтазибад адаббурули. Ахирра, итхІели издательство-ла директорли узуси ВяхІидов ГІябдуллагъличи дугъаризурра алапа агарли отпуск гахъес. ГІябдуллагъ левгІев адаб-хІаялара, мурхъти бухъя-зегъалара, урКІецІилара адам сайри. Илини вебКІала къялшубазивсила бегІлара гІергъиси тилади бартаахъес наб кумекбариб. ИлхІелира, ца камсилра къулайдеш дакІубухъалри, касили къумузра Къадили далай бучІи:

**Дила гІямрула гъалмагъ,
Карии, гъари, мякъла,
БакІахъа икІ чугурра
Чархарала умеГІра.
Аги хІед дигул бирхъис,
Далайа саламатли,
Асубирарну гънна
Кадизэс урКІби датли.**

– Ца базла гІергъи ГІялила Къади вебКІиб. ГІ. ВяхІидовра барх бузутира кабукили, рузхІерузукъи базла алапара кабухили, дила мурул бегІлара гІергъисси гъуйчи гъунивватес вакІиб. Баркалла биабну чус, – буриб Хадижатли...

Къадила ГІяйшатра Хадижатли жагали халабаахъиб. Бутрила шилизира гъаман-гъаман рашар – Къадичи гъарракІес, иличил гъибанди бирес. Хала БархІила хІурматбарес, Къадила неш Рукъиятла огород бекІбарес. Къадила урши ГІялинира дудешла аманатличила хъумхІерту. Гъанна илинира, касили чебяхІси даражала багъудира, аспирантурализиб белчІуди даимбирули сай. ГІяйшатра гІяхІти адамтала урши НуцІалханничир хъайчир сари. ГІялила Къадила ГІялисра урши акІубли, Къади бихъили, халакайули сай.

Сегъунти-дигара савгъатуначи лайикъси хъунул адамлис нуни иш очерк пешкешбирулра, рахъхІи нуни ралуси ва бахълис гІибратчерси хъунул адам риъни багъандан.

ДурхІнани, илдала дурхІнани, хІу дигутани ва хІед дигутани разирирули рахъхІи калаби хІу, ГІяштила шилизир акІубли, бутран ретаурси Хадижат.

Критика



Дагъиста халкъла поэт
Аминат ГИЯБДУЛМАНАПОВА

ПАГЪМУЛА МАШГЪУРДЕШ

Дагъиста халкъла чевяхъси поэт Рашид Рашидов акъубхейчирад 90 дус дикниличила пикрумани дила паргъатдеш буахъун. Чуйнара къадарбиуб иличил къаршидиркес наб ва дила зилантас. Сай писательтала Союзлизив даргала секцияла бекъли вирухъели, замана-замана нуша дурчутури. Дурадуркъути далдуцуначил, илдала программаличил нуша тянишдалири, гъур чили сегъунти назмурти делкъил гъанбушили, илдачилара сунела пикруми дурусири. Издательстволизиб, лайикъти произведениеби кадирхъули, жуз дуракаэсра гъалабирхъусири. Лукъантас поэзияла дурсри кадирхъутири. Лукъанти-ургар конкурсуну дурадуркъли. Илкъяйдали Россияла жагъил лукъантас 8-ибил совещаниеличир делчъахъес дила назмурти гъаладихъибтири. Ил дураберкъибсири Москвализиб ва ну илала буткъакъянчи ретаурсири, гъур биалли илаб писательтала Союзлизи руцахъес хъукму барибсири.

Лукъантала лугъи имцъабикъусири. Р. Рашидовли мурталра гъеббурцутири жагъил лукъанти. Урусла бикъуливан, гъямру рурхъутири. Ишбархъилагъунти авара лерти ахъенри, урхъла назмурти дучили жуз дураэс вирхъейри. Гап-чяхъла байрумти дирули хъедери. Чинкъир лукъантас къапу гъекъибтири. Пагъму асес къас чилалра бетурхули хъебири. Арцлис жузи дурайути ахъенри.

Итди гъямру гъандикалли, уркъилизи цъадикъибсиван билзули саби. Къугъати гъямрури. Далайларакъимат лебсири, хъулиубсини сегъуна-дигара далай белчъес асухъебири. Далайчиби, гъяртистуни бучили, даргала ва даргала ахъенти секциябачиб иргъахънила хъянчи дурабуркъусири. Тяп сунела поэзияличиван чекайзурси ва тпалабкарси вири Рашид жагъил лукъантала поэзияличира, учъанничи асарбарести гъякълума гъердури. Нушала, лукъантала, учительти сабри Гъяхъмадхан Абу-Бакар, Сулайбан Рабаданов, Гъазим-Бег Бяхъяндов, Хъябиб Гъялиев. Илдас ишбархъи ну рулгулра, цалра жузлизиб адамли батъеси назму дурахъебухъни багъандан.

Ца дила тянишли тамашала хабар буриб. «Хала нешла къани бирусири, мурталра мегъчебси. Нуни гъачамалра ил ибхъули чехъебаира, наб илизиб се лебсил багъес дигулри, хъаррикъира, юх, ну халараибхъелира илаб лебси чебаэс хъебикиб. Къанниван багъурра, дила хала нешли къанилаб бихъуси, сунела хала нешличибад байси дурхъаси Къуръа табтар биъниличила».

Рашид Рашидовла поэзияличила бурухъели, духъянти манзилтазибра буркъхъебируси поэзияла хазна, дигахъира чеалкъуси наслулира дурхъали чебаили. Къиматлабарили, чусра чула чеалкъутасра пайдалабирули тарихла къанилаб мяхъкамли бихъули. Дила пикрили, ил сабри Рашидлара мурад. Гъямрула бекълибиубси баркъуди. Аллагъли бедибси пагъмулис харждариб сунела лерилра гъямру. Лукъуси адамлис дугели я хъерели, яни биаб, хъеб диаб, шадхъелира шишимта-

зивхІелира паргъатдеш лебси ахІен. Амма Рашидла поэзияла гъуни леблалрагъуна ахІен. ДурхІядеш, илдира къиянти, дургъбани адамтала, гъамтала, шантала гІямру бурес хІейэсти къиян-жапализи гІеладушибти, халкъличи дяхІчаибти балагъуни хІисабдирули назмуртани лукІи ил, дургъбира илди адилкъантира балтІули. ГІязабтазибти халкъла уркІби иргъули, назмула къяйлизи уркІи кабирхъули, илдира, шинкъяли ахІи, хІили лукІули, поэзияла ахъанайтачи чевяхІахъиб ил. Ишди бурхІназир Рашид акІубхІейчирад 90 дус дикниличил бархбасахъи, се-биалра сагаси баргес, ну сунела зилантала – машгурти поэтунала белкІанала къани абхъили умцІулла.



«Жузи дучІули ахІен гъанна» бикІутира бахъбаили саби. Гъай-гІяйиб, Рашидли делкІунти жузи, иличила цархІилтала пикруми хІеделчІи датес асубирусив, гъатИ? Наб ну риштІахІели бетаурси ца анцІбукъ гъанбикиб. Дила къяшла гумли цахІнадикибти сарри. Ил секІал дурхъаси лишайзи халбирусири халатани. Рахли чи-биалра архІяличи аркъули виалри, ну савли чераргъахъили, ил гъуниввалтахъусири. АрхІя гъарбизхахъес ва хІулкІули чарухъахъес. КІинайс, халараибхІелира, дила мурул моряк сайри, илра нуни риштІахІели гъамтиван гъуниввалтаси, архІяличивад хІулкІули чарулхъи илра. Рашидла поэзияра хІулкІуси вархкъялизи, гъункъялизи халбирулла нуни. Мурт ва чуйна делчІасра, илала назмуртани дурхІядешлизи чаррулхъахъулла, игъбарли раргибсиван хІулрулкІахъулла.

Рашидла чилилла хІедурибти мицІирти пикруми гъаннара нуни дучІулицун ахІенрану, илдачил ну льякъррикІулла. Ил саби мицІирси гІямрула гъункъя, гІяхІти гъундури даргахъес булгуси балга. Сай Рашидра хІулбала гъалав сай: паргъатси, гъалакхІейкІули вяшикІуси, имцІати гъай хІедарили, сабурличил гъайикІуси, виштІал-халал хІеили, адам къиматлаируси, гІякълу буруси, ну поэтра или халахІерхуси (итхІели поэтла хІурматра лебсири ишбархІиван ахІи), бекІлил мас-хазналичи хъулхІейкІуси, рухІла давлалли либхІли уркІи ва яхІ-ламусли дицІибси. Илгъуна сайри нушала Рашид.

Илала поэзияличила гъайикІалли, лебгІеб халаси табгар бицІесцад пикруми ва гъай адиур. ЛукІути бахъал биуб, амма ца заманализиб дурхІнасра халатасра назмурти лукІес бирути бахъал-декІар хІебиуб.

Илала назмурти наб ва бахъал дила зилантас востокла гІякълумиван гъаладилзан.

Чуйнара чевяхІвариб Рашидли бузерила адам, гІядатла адам, хъубзара, ялчи. Илди сабри илала игитунни. Илди чебяхІбирули гІяхІцад назмурти делкІун, илди далуйтачи шуркадухъун. «Адамлис деза» поэмала къадри-къиматличила чумлира чуйнара, лукІантани, критикунани чула пикруми дуриб.

Ца гІякълукарли бурибсири: «Лебилра гІялам чебяхІтази халбарес гІягІинити саби, чула ургав ца чевяхІси поэт акІни багъанданалра». ХІебиалли, черяхІтази халдарес гІягІинили сари ил акІубти Ванашимахъи, Дагъистан ва Россия.

Р. Рашидовла пагъ вавалибяхъибси манзил сабри 70-80 ибти дусми. Илала творчестволис хасдарибти гІяхІцад макъалаби делкІун Р. ХІямзатовличивад бехІбихъили, Ю. Хаппалаевли, С. Михалковли, С. Маршакли, К. СултІановли, Н. Юсуповли ва бахъал цархІилтани. Илди замунтазир шуцІалицад жузра дуракаиб илини.

Даргала машгурси поэт Р. Рашидовла Дагъиста советская литературализирра сархибдешуни диуб. Илала произведениебани Дагъистайзибцун ахІи, дурала улкназиб нушала цаси, «хІебелхъуси улкализиб» ва республикализиб гІяхІцад гъалмагъунира баргиб. Илдачирад кагъурти кайсиб. Суненира илдала назмурти

шурдалти. Афгантала поэт Гябдул Рауфла, Германияла поэт Иоганнес Бехерла, Австрияла поэт Б. Верпонтла, Иранна поэт Жавахирила, Конгола поэт Патрис Лумумбала, Пушкинна, Лермонтовла ва бахъал цархИлтала.

УчІанна уркІилизи поэтла гъуни илцадра гъамадси ахІен, ил къиянси гъуни гъамадли баргиб Рашидла мицІирси поэзияли ва гъаннара бургули саби. Суненира ца назмулизиб ишкъяйда бурибсири. «Гур набчив талихІчевси хІейри иш ванзаличив, нагагъ халкъли бурала гъачамалра буралри дила назмуртазибад, мар-марли уркІи уркІилабад».

Гъарли-марли илала назмуртани чумра бучІанничи асар бариб. Сунела гъар лукІуси тугълис рухІра хІира харждирули, нушала чевяхІси поэт Рашид Рашидовли, сунела гъачам чеббикІибси поэзиялизи гъуни къардхІевхъи ахъиб ва ил гъачамалра барсхІебариб. Лерилра Гямрулизив илис марли калун.

ИшбархІила учІан виаб, гъалавла учІан виаб, Р. Рашидовла назмуртазиб бекІлибиубси лишан саби, адамла жагати Гямруличи, талихІчевси къисматличи, бархъдеш чедибиркниличи халаси ва шаласи умут бирхъни. Ил мурад иргъахънилис къуллукъличи каили сари илала назмула гъарил къяй, мешубуц ва сипат.

Наб чумал дус гъалаб Днепр хІеркІ чебаэс къадарбиуб. Илала халадешли гъалабхІ башусигъуна ахІенри, тІашкабизурли саби или гъанбикеслири. Дашути шинна тІамара иргъули ахІенри. Наб Рашидла поэзияра ил Днепр хІеркІличи мешубиркули саби. Багълали, ряхІятли адамла рухІлизи гъуни кавдуси.

Нушани Р. Рашидов дурхІнала поэтлизи халирулра, сенкІун илини дурхІнас хасбарибси гІяхІцад поэзияла хазна батур. Чедибра буриливан, дурхІнас лукІес гъамадси ахІен. Чуковский викІусири, «ДурхІнас халатасичивра гІурра гІяхІил лукІес гІягІнили саби». Рашидли дурхІнас делкІунти назмуртала игитунни дурхІни саби. Илдала дахъал суалти алкІули сари тІабигІятличила, халатала баркъудлумачила, хІебличила, яниличила. Рашидовли дурхІни баркъудлумазиб сакІубтили чебиахъули сай, адамтас гІяхІдеш бирахъес бурсибирули сай, арцанти, дугІла жаниварти булан нушала гъалмагъуни детарахъули сай, илдас къуллукъ гІеббаахъес гІягІнили биъни бурули сай. ДурхІнала поэзиялизибси берхІи цархІил саби, гъатІира гІяхІил шалабикІуси ва ванабикІуси.

Гъарил учІан сай вегІси дурхІядешлизи чарулхъахъули сай, уркІила хІяланачи тамашала асар бирули саби, гъарилра къиянси баркъудилизив адам адамлис узи ва хъарихъ ветарахъули сай. Къалиплизи мургъиван гъарил дев уржахъили, сунела мерличи балбикахъили кабирхъули сай. Улкъайла удиб бет-садбухъунси дягІлара саби бегІси макъам леб. ХІебла ранганира гІядатла ахІен, урхънала ругертазира ил адамлизиван гъайикІули сай.

Илини дурхІнала тІалабуни гІяхІил далули, илдас анцІхІедукъести пикрумачил, мешубуцуначил далгахъи сари. Вайси ибси масхараличи шурбатурли, дукелцІидухъесли иргъахъули сай.

Рашидла Гямрулизиб гъанагарси анцІбукъ кабикиб. Илала уршила урши Нури хапли Гямрулизиб арякъун. Ил халаси ва кахІебурхуси пашмандешли илизи чумра назму делкІахъун. Сай, Рашид мицІирли нуша-ургав агарси виалра, ил назмули нушала уркІилизи пашманси хІял хъурабирахъули саби.

Илини делкІунти назмуртала даража ункъли биъни гъариллис гІячихъли саби. Илини гІяхІил балули сай гъарил белкІунси девлис, къяйлис учІусила гъалаб жаваб бедес гІягІнили биъни. Иличибли ахъбирули саби поэтла ура. Ил багъандан гъарил учІанничи, илала пикрумази гъамадси ва даимси гъунира бургули сай.

ВиштІал дурхІялара хала дудешлара: ургаб тамашала лякъир чебиулра: уршилизира диги адилкъули сай хала дудешли тІабигІятличи. ТІабигІятла цабалгундеш, адамра тІабигІятра цалис-ца севан дурхъатил, уржибтил Рашидли иличила иргъахъули сай учІаннизи.

Дургъачила Р. Рашидовли хала дудешла хабарлизиб виштІаси дурхІялизи иргъахъули сай. Пахрубирули сай дурхІяли хала дудешла гъунартачи. Сунесра улкалис къарауйчи кайзес дигули сай. Илкъяйдали, сегъуналра гужбарни агарли, дурхІнас назмула тугъачил Гямрула дарс кабирхъули сай авторли.

Чидил ва сегуна назму касалра, илдазиб адамли сунела пикрумала малхІямси сипат ва жагати хуланала дяхІцІи чебаэсли саби. Илала назмуртазиб бекІли-биубси лишан саби адамла талихІчерти гІямруличи, челябкьлаличи шаласи умут лебни.

Илкъяйдали Р. Рашидов тьянишиуб урусла ва узити республикабала ва дурала улкнала халкьанала поэзияличил. Рашидла кумекличил дарганта дурала улкнала литературализи гъуни баргиб.

РСФСР-ла писательтала Союзла совещаниеличив гъайулхъули, Расул ХІям-затовли бурибсири: «Рашидлис гъалаб Дагъиста литературализиб дурхІнас лукІути писательти бекІлил лебти ахІенри». Илала творчестволис хасбарибси правлениеличиб Рашидла творчестволис чихъси кьимат бедлугули гъайбухъун-тири машгурти советский писательти С. Баруздин, Я. Смеляков, С. Михалков, Н. Доризо, Я. Козловский, Н. Гребнев ва цархІилти.

ИлхІейчирад илала гІяхІцад жузира дурадухъун, илдазирад имцІатигъунти дурхІнас хасдарибти. Р. Рашидовла у улкала бегІлара машгурти – дурхІнала поэтуналайчил барх саби. Темаби хІясибли Р. Рашидовла творчество гъар секІайзиб давлачсебси саби, илала игитли гІяхІси чебаихъули, бархъагардешра кьянара далтІули, гІядатла суратуназир биштІаси секІалра устадешличил гъаргдирули сай. Лерилра гІямру поэзиялис харждарили, нушаб гІелаб батурси ил рухІла давла дебали дурхъаси саби, ва ил нушанира чеалкІуси наслуличи баахъес чебси саби. Нушани пахрубирулра ил Дагъистайзивра дуравра машгурси пергер поэт халкьани-ургабси Х. Андресенна премияла лауреат виъниличи. Берхъаб ил айкьурси Ванашимахъи ва Дагъистан!

Геларти замунтазив Р. Рашидов арадеш нукъсанбикили хъулив вирусире. Нуша иличи рах-магли дашехІери. Лев илала пергер узила урши Нурипаша, илра гІядатла адам ахІен, ДГПУ-ла художественно-графическое отделениела преподаватель, кафедра заведующий, Дагъиста ва Россияла искусствобала урибси хІяракатчи сай. Ил Рашидличи аркъялри нура рарх рикира. Поэтла гъанбикуначи, хабуртачи гІяхІцадхІи лехІихъира. Поэзияличила, культураличила дахъал гъай детарутири ва, нуша шакалра хІедикили, бархІи ихъусири. Ил сайри халаси рухІла давла лебси, жалти детаалра гъимхІевкІили, жагали сунела буриси иргъахъуси адам. Иличил барибси лякьирли дила уркІи-хІял гІяхІцад заманалис шаддешли, шалали дирцІахъутири. Илала гъарзаси балкойчибад урхъу чебиулри, сунела чедир урцути чайкабала тІамри иргъулри.

Илала гІямрула рархкъяра уркІи аргъибси, шалати дяхІ кадучили, гІяхІлас гъунириуси рири. Гъанна илра ахиратлизир сари.

Илди агарли биалра, нура илала тухум Аминат ГІялиевара илдачи адацІира. Серхурси, духули вяшикІуси, Рашидлис чеэс къадархІебиубси уршила урши Рашидли анкъи шалабарилри, халаси Рашидли сунес аманатбарибсиван. Илала вяшатІай, бизили гъайикІнили нушаб халаси Рашид гъаниркахъулри. Илди сари гІямру, чулира нушази тамашала имтихІян дурцахъути...

Рашидли сай дураулхъес хІейрухІели, рах-магли нушала «Лачиннизи», «Гъалмагъдешлизи» назмурти дурхъули вири уршиличил. Нагагъ дурабухъалри дила сагаси жуз, иличила сунела пикрумира делкІи, мубаракуну дурхъутири. Поэзиялизиб яра гІямрулизиб сегуна-биалра дигеси анцІбукъ кабиалри, иличил гъалмагъуни мубаракбирутири. Сегуналра гІяхІси яра пашманси анцІбукъ пикриагарли хІебалти илини.

Иличирад кайсути кагъурти садирхъулра гъанна ва гІурра дучІулра, чуйнара гъаларра делчІунти диалра. Илди наб дебали дурхъати сари.

ЗАМАНА ВА НУША

МяхИяч Дахадаев акIубси сай 1882-ибил дуслизив Унцукулла шилизив. 1900-ибил дуслизиб Темир-хан-Шурализиб Реальное училище таманбариб, гIур – Петербурглизиб мегъла гъунила транспортла институт. 1916-ибил дусличи бикайчи Туапселизив урхъула порт бируйхIив узули калун. ГIур Дагъистайзи чарухъун, Темир-хан-Шурализиб ханжулти дируси завод абхъиб.

Цазаманализив журналистлира узусури.

Дагъистайзиб дурабулхъуси «Заря Дагестана» бикIуси газетализи, начала хIукуматла низам-къяйда далтIути, мискин халкъла къиянти гIямру чедиахъути илала белкIани кадирхъутири.

1917-ибил дусла февраль базлизиб революция бетаурли гIергъи Социалист къукъялизи керхур, Дагъиста Военно-революционный комитетла член ветаур. Дагъистайзиб Совет хIукумат кабизахъес багъандан чIумаси ургъан, Дагъиста цаибси военный комиссар сайри. 1918-ибил дусла сентябрьла 2-личив Тарковскийла къачагъунани кавшиб. ИлхIейчирад ишдус 100 дус диркули сари.

(Профессор XI. М. ГIябдуллаева жузлизивад)

Гъанбикесли саби, даршал дус гъалав кавшибсилечила гъайикIес се чараа-гардеш леба – илди дусмала бухIнаб дигалли дявтазиб, дигалли талихIагарти анцIубкуьназиб миллионти адамти алхун биалли?!

Илкъяйда викIес виралра, МяхИяч Дахадаевгъунти гIяхIгъабза адамти бахъал агни багъанданалра илдигъунтачила хъумхIертес гIягIнили саби. Халкъ багъандан, халкълис талихIчерти, зулмукардеш, мискиндеш агарти гIямру дияхъес бархъагардешличи къаршили бургъули жан кадихъни багъандан.

Пикриухъалли, сецад гIяхIти къасани дургил илдазивад гъарилла – Дагъиста революционертала! Гъарил адамла гIяхIти къасани диэс дирар савли чеваргъибхIели, ишбархIи итра бирис, ишра бирис или, хаслира дурар гIяхIси аргъра чемъурси закра диалли! Сагаси бархIила чемъурси савливан билзули бурги революционертас Совет хIукуматла – мискин халкъла хIукуматла бехIбихъуд! Дурги челябкъалаличи шалати пикруми, хIербирар или адамти цабалги, цали цала къиян хIебукули, цаличи цала гуж-зулму агарли, бутIа-цугли, хIялалли...

Зулмула, дунъяличибси бархъагардешла пай революционертас чичибалра халаси баили уббухъун: илдазибад бахъалгъунти кабушиб, гIяйиблизи буциб, чула баркъуди уббяхъиб.

Дагъиста бегIлара гIяхIгъабза революционертазибад, – илди даршличи гъамли буили саби, – кIел саби шуцIали дус биайчи мицIирли калунти. Илдазибад цабехIти – Совет хIукуматла душмантани кабушиб, цархIилти – Совет хIукуматли азаддешлизибад мяхIрумбариб. Тамаша ахIену – бархъагардешличи къаршили бургъути бархъагарли къирбарни!

...ИшбархIи Дагъистан Республика гIямрула гъамадли ахIенси манзиллизиб хIербирули саби: туснакъбарибти хIякимти, илдани чускадарибти пачалихъла миллионти, гъятIаэс далдуцибти юртани, ахирагарти нясдешуни, ахъдикIути багъни, тIинтIдикIути излуми, хIянчи агарти адамти...

Чи вархъсил, чи ахенал аргъес къиянни саби, – цабехI хIякимти буцили арбикули, цархIилти – цалабад цала барсбикIахъули. ЦабехIти билгIухIели, цархIилти-декIар алапа касайчи хIерли кабиили инжитбирули хIебиэсгу!

Марлира, илгъуна Дагъистан хIебурги МяхIяч Дахадаевлис ва илала бархкъябас челябкълализиб бирар или гъанбиркуси!

ДецIигули саби илдала къугъати къасани детхIедерхурли, чус гъанбиркусигъуна челябкъла бетхIеъни, чула гъабзадешла гъунар заяли арбукъни. 1918-ибил дусла сентябрьла 2-личив хъуливад дуравхъи, мискин халкъ гIеббуцибтала баркъуди бархъли чебаибси Ахъушан ГIяли-ХIяжичи лявкъухIели сецад гIяхIти пикруми ва къасани дургил ил гIяхIгъабзала бекIлизир! Сепайда, детхIедерхур!

ЦархIил гъуйчивад вакIахъес или Ахъушан ГIяли-ХIяжини белкIунси кагъар хIебаили буили саби МяхIяч Дахадаевличи. Лебли саби ил кагъар республикала архивлизиб... Кавшиб гъуйчив революцияла душмантани! Кабушиб илис гIергъи Уллубий Буйнакъский, СултIан-СягIид Казбеков, ГIялибег Багъатиров, ЗайнулгIябид Батирмурзаев, Муса Къарабудагъов, ГIусман ГIусманов... илдас гъанбиркули бурги чула баркъуди талихIчерти гIямрула бехIбихъуд, саби хIербируси манзил – игъбарла бархIила чемъурси савли саби или!

Гъанбиркули хIебурги илдас чули илцадра гIеббуцибти мискин халкъ гъар журала къалпчибани биргIябиргули, гъар шайчибад лутIули, бархъагардешли гIянчIбикIули биэс бирар или! Бархъси саби викIес вирару къурушличи къуруш чебирхъули, гIяхIси беркес хIебирули, дурхъаси палтарлис арц бедес мяштIбириули, хъалица асибтала мер-муса гъятIаэс далдуцили биънилис?! СейкIишира ил анцIбукълис МяхIяч Дахадаев, сецад уркIухъишира! (Урхънала дубларти къуртмабала кIялгIначила диалри гъай – аргъесалра вирину!)

Шимазиб жагъилтас хIянчи агарли, дура арбашули саби. Пачалихъла хIянчи баргес шагъуртазибра гъамадли ахIен. Адамтала саби бегIти тукентазиб, предприятиебазиб бузерила бархIи 12 сьгIятла кабизахъурли саби. Иличи хIерикIуси чи левсил – илалара мягIна агара.

Дагъиста революционертани гIеббуцибси баркъуди – Россияла революционертала сабри. Россиялизибра барскабиуб хIер сунела гIяхIгъабза уршбала гъунартачи – илди гIягIнили ахIентази халдариб. Се аргъес вирули илизибад – «мискин халкъ багъандан инжитиэс гIягIниси ахIен» ибси аргъалли ахIенси! Даршани азиртала алапа кайсути Пачалихъла Думала депутатунани ва Правительстволизибти хIякимтани пикрибарили саби адамти пенсияличи хIерли 63-65 дус биайчи бузахъес, илхIелира-камси алапалис. Хаста баянти хIясибли, Россиялизиб гъар дус бузути адамтала лугIи 400 азирлацад камбикIули саби. Илис сабаб – 90-ибти дусмазиб халаси пачалихъ бехъни, акIубти биштIатала лугIи дебали камси биъни. 1970-ибил дуслизиб пенсияличибти бузути адамтала лугIи авналира-сера имцIали буили саби, цархIилван буралли, итцад кахти дявтас гIергъи 25 дус дикибхIелира!

ИшбархIи лебли саби ца пенсионерличи бузути 2 адам хIясибли, яра 1970-ибил дуслайчиб кIийнапи камли. ХIебиалли, Совет хIукумат бехъубта улкалис имцIали зарал барили саби дургъбаничиб! Илдани барибси зарал чебахъесра халкъличи хъарбикили саби: гъести гIямруличи бикайчи пенсия агарли бузахъес хъарбарили. Халкъ илгъуна даражаличи бетикахъес «халкъла вакилтани» сен бархъли чебаибси – халаси пачалихъла мягIдунти, газ,

хутI, набт, вацIурби чула ихтиярлизи дуцибти хужаимти паргъатли батурли? Чили-сарил, масала, «Роскосмослизир», даршани миллионти, цархIиллар--миллиардуни ургардитIи сари ибти хабурти алкIухIели, аргъес вирули ахIен дигIес илдицад арц лерли, пенсия имцIабарес сен агартил? ХIябилра бархъси буили саби урусла халкъла айту: «Шиннизив кайгIуси сунени сай уцахъу» ибси!

Нушани, гъайгъай, пахрубирулра Россия гъалабяхI башули биъниличи, дявила къуват цIакъбикIниличи, пачалихъла хIурмат ахъбикIниличи. Амма пачалихъ – ца шайчиб, халкъ – цархIил шайчиб биес асубирусиди вара?! Россиялизиб бусагIят даршличибра имцIали миллиардер лебли биалли, сабира пачалихъла лебдеш хъям-къацIбарили бетаурти, бурес гIягIнили ахIенрив илдази, «ХIушала давлализиб халкълара пай лебсину, ишгъуна, къиянси манзиллизиб кумекбарес хIушачиб чебси саби» или?

Совет хIукумат убасес къайгъи барибтазивад цали сайси Жириновский гапикIули сай, «Ну бегIлара гIякълучевси депутат сайра» или. Мискин адам къакъавакIахънилизиб сабвара депутатла гIякълучебдеш!?

Ишдусла августла 1-личиб дурабухъунси «Дагестанская правда» газетализиб Владимир Вольфовичличилси ихтилат леб кабахъили. Илар дахъал гIягIти гъай лер ЛДПР-ла бекIла, пачалихъла арц урхIилис харжхIедирули, вегIла адамти гIеббуцес гIягIнили саби ибти. Гъай детерхахъесра къайгъи биалри – сецад баркаллаирил халкъли! Илини бурули сай Западная Европала дахъалгъунти улкнала халкъла гIямрула даража Россияла халкълайчиб дебали гIягIил саби или. Иличила бурницун баибси ахIен, – сен илкъяйда сабсил, сабабти дагъурли, илди урасес, халкъла гIямру гIягIдиахъес багъандан се барес гIягIнилил гъар бархIи пикрибикIесра бузесра чебси ахIену халкъли чучи хIеруди бирахъес чеббикIибтачиб?

...Чемъурси савли хапли бумкъули бирар: хIерейс – бурямбухъи, бархIехъ – хъябхъя чекъурли. ТабигIятла илди аваралис я депутатунани я улкала бургани селра барес хIебирар. Илдани бирар улкала бухIнабси политика бархъли дурабуркIули, халкъличирад «бурямтира» «хъябхъяра» черардукес. Иличила заманаличиб пикрибухънилизиб саби анцIбукъ, чули далдурцути дархъти диъни кабизахъес гъайбикIнилизиб ахIенну! Дахъал гъай лер, пенсияличи къанни арукъни сецад гIягIсил бурули, халкъ иличи бирхаахъес кабахIили. Халкъли биалли гъар секIал иргъули саби, ца юмористла иш хабарлизир къяйдали: сагали арцахъурси ракета кабикили, ил баргес умцIутачи авлахъличив хIенкъула къаршиикили сай. ХIенкъулани ракета се сабил хIебала или гъанбикили, илизи ишкъяйда хъарбаили саби: «ХIуни бухъянси, цIали алкунси тIерхъа кабиркули чехIебаирив?» Пикри-пикриухъи, хIенкъулани жаваб чарбатурли сай: «Ракета чебаира, бухъянси, цIали алкунси. ТIерхъа чехIебаира»!

«Заманали дяхъурби сагъдиру» ибси айту гъанбиркахъули, сабурбаралли ахIенси, гIур бареси кавлули ахIен, – сагали революция баресра хIейрар – илхIелира инжитбирути мискин халкъ сабину!

ПатIумат МАЛЛАЕВА.



Насруллагъ Т. Ямаровлис 70 дус



ISSN 0235 - 0149

Индекс годовой 31176
Индекс полугодовой 73892

